

ابراهيم عبد الرحيم



مدونة ابو عيندو

شاتن ساعه اونلاين

بيت الياسمين  
للنشر والتوزيع

حكايات ساعة الإفطار

---

# حكايات ساعة الإفطار

٣. حكاية

إبراهيم عبد المجيد



اسم الكتاب:	الإشراف العام:
حكايات ساعة الإلطار	زياد إبراهيم
اسم المؤلف: إبراهيم عبد المجيد	
الناشر:	المراسلات:
بيت الياسمين للنشر والتوزيع	٥٣ ش خيرت - ميدان لاظوغلى - عابدين القاهرة - جمهورية مصر العربية.
العنوان للفتاة:	البريد الإلكتروني:
ولاء محمود	Baitelyasmin@yahoo.com Ziadibrahim_2008@yahoo.com
رقم الإيداع:	تلفون:-
٢٠١٢/٩٩٦٠	(+202) 27949885
الترقيم الدولي:	(+202) 0111 00 94 62 5
٩٧٨-٩٧٧-٦٤٠٢-٣٠-٠	
حقوق الطبع محفوظة	
طبعة الأولى	
لا يسمح بإعادة إصدار هذا الكتاب	
أو أي جزء منه أو تجزئه في نطاق	
استغادة المعلومات، أو نقله بأي	
شكل من الأشكال، دون إذن خطى	
مسق.	

# **حكايات ساعة الانفجار**

## **٣٠ حكاية**



# رسائل من الجنة

جلس الأب في الصالة يقرأ القرآن في صمت. وضيق أمامه حاملاً من الخشب فوقه المصحف. الحامل من خشب الورد. <sup>معيشتي بالصدف</sup>  
 الذي يشكل رسومات دقيقة لطيور تسبح في الفضاء ورثه <sup>من</sup> العصور الوسطي أباً عن جد، وكان صانعه قد ضمّنه بعطر الكافور <sup>النبي</sup> ميتلاش مع الزمن. كانت هناك نصف ساعة باقية على مدفع الأفطار  
 وفي المطبخ كانت الأم والإبنة تجهزان الطعام والشراب الذي سينقادن <sup>إلي</sup> الصالة بعد قليل. كان في المطبخ راديو صغير ينساب منه صوت الشيخ محمد رفعت يعلأ الفضاء بالرضا. لكن الإبنة رأت دمعاً يتسلل من عيني الأم التي راحت تمسّحه براحة يدها. لم تتحمّل الإبنة وهتفت:  
 - ماما.

ثم انفجرت باكية وأهارت على مقعد صغير. تمسّكت الأم واقتربت من الإبنة ووضعت رأسها على صدرها وراحت تمسّح عليها براحتها  
 وتقول:

- خلاص يارقية. حلك عليا. ماتعيطيش ياحبيقي. أخوكي في أحسن مكان عند ربنا.

لكن الإبنة انفجرت في البكاء أكثر.

- بلاش بابا يسمعك يارقية. بابا مش مستحمل ياحبيقي. يعلم الله حالته إيه دلوقتي في أول يوم رمضان وأخوكي مش معانا.  
 رفعت الإبنة رأسها وقالت باكية:

- ليه كده ياما ماما. أخويا كان جيل أوي.
- حكمة ربنا يارقية. ربنا سبحانه وتعالى هو اللي يختار. اختار الشباب الحلوين كلهم. فاكرة صورهم. كلهم بيضحكوا بمسوطنين. دول رايحين الجنة يارقية.
- لكن انتي مش قادرة تنسى ياما ماما. وفي المدرسة بتكتبي كل يوم على السبورة تاريخ اليوم ٢٨ يناير ٢٠١١. «مس هبة» زميلتك قالت لي كده وكانت بتعيط علشانك.
- و قبل أن ترد الأم سمعاً لأب يهتف من الخارج بصوت عال:
  - يارقية. يا أم رقية.
- هتفت الأم في هلع:
  - باباكي.

و جرت خارجة و خلفها رقية، فوجدت الأب جالساً في مكانه زائف النظرات. المصحف أمامه فوق الحامل مفتوح، و فوقه مظروف أبيض شاهق البياض يشير إليه في رعب.

نظرًا إلى المظروف في دهشة فقال:

- جواب من مصطفى.

تبادل الأم والإبنة النظر في قلق على الأب الذي قال وهو يشير إلى النافذة النصف مفتوحة في ذهول:

- دخل من هنا وحط لي الجواب. طائر عمرى ما شفت زيه. دخل رفرف ملا الصالة برήمة المسك وحط لي الجواب وطار. شامين الريحه؟

قالت الأم بعد أن جلست جواره تبكي:

— خايفه عليك يا ابو مصطفى. ليه بتعمل في نفسك كده بس؟ إيننا عند ربنا. شهيد يا ابو مصطفى مع الصديقين والأنبياء.

لكن رقية كانت أمسكت بالملحروف الذي بدأ ينفتح وحده بين يديها، فوضعته مكانه على الفور وهي ترتعش، والأم والأب ينظران إليه إذ راحت تخرج منه زهور بيضاء جميلة تطير في الصالة، فتراجعت رقية وجلست جوار أبيها الذي راح يحيطها وأمها بذراعيه ويتمتم. بسم الله الرحمن الرحيم.. بسم الله الرحمن الرحيم. والزهور البيضاء تتواли في الخروج تملأ الصالة وتسبح في فضائها وتنشر رائحة المسك العتيق، وصار بعضها يطير إلى النافذة نصف المغلقة تلتزام للخروج وتفرد كعصافير الفجر. هتف الآب «افتتحي الشباك يارقية علي الآخر». أسرعت رقية وسط الزهور وفتحت النافذة، فتدافعت الزهور في الخروج إلى الفضاء تملأه وينتشر عطرها في الشوارع، والأب والأم متجمدان أمام المظروف الذي لا ينقطع خروج الزهور منه، ورقية بدورها عادت مرعوبة من عند النافذة، وجلست من جديد جوار أبيها لا تصدق ما يجري. في الخارج. انفتحت نوافذ كل البيوت التي انتشر فيها العطر فجأة ولم يعرف أحد مصدره حتى زاد، فخرج الناس جميعاً يرون الزهور تسبح أمامهم ويزوروها من بعيد تخرج من نافذة أبو مصطفى. هكذا صار كل من تأخر في الخروج إلى النافذة أو الشرفة يخرج مسرعاً، وكل من كان مسترخياً يخرج، وكل من كان أمام التليفزيون يخرج، ليملأ صدره بهذه الرائحة القادمة من الجنة. وزادت الزهور في الفضاء بشكل كبير، وراحت تدخل من النوافذ والشرفات إلى البيوت تنشر عطرها وتخرج. ولما رأى الناس مصدرها الذي لا ينقطع خروجها منه وهو بيت

أبي الشهيد، هتفوا معاً «الله أكبير.. الله أكبير» و الزهور راحت تبتعد تاركة في الفضاء والبيوت رائحتها. بعد قليل إنطلق مدفع الإفطار لكن كان الناس جيئاً في حالة من الشبع، وأحسوا أنهم ارتووا بالماء الزلال، وجلسوا جيئاً في بيوقم صامتين ينظرون إلى بعضهم في دهشة، ودموع الكثرين منهم تطل على بعضها لا تصدق ما جري.

في بيت أبي مصطفى انقطع خروج الزهور من المظروف. وجلس الأب والأم والإبنة ينظرون إلى بعضهم في فرح عميق. انحني الأب على المظروف يمسكه ويقبله، وأعطاه للأم التي قبلته بدورها وأعطاه للإبنة رقية التي قبلته ودموعها تترقرق في عينيها. بعد قليل أشعل الناس تليفزيوناً هم فرأوها قد غيرت براعتها كلها ولا كلام لها إلا عن رائحة المسك العتيق التي ملأت كل البلاد. وفي الصباح كان حديث الصحف عن هذه الظاهرة الغريبة. عن الزهور التي خرجت من بيوت عديدة في كل وادي النيل والصحراء لتنشر رائحة المسك العتيق. صار معروفاً أنها كلها خرجت من بيوت الشهداء، لكن كتبت إحدى الصحف أن رائحة الجنة رسالة إلى الأمة التي تقاعست في الثأر للشهداء ربما سوف تتبعها عاصفة من جحيم. في الحقيقة كان الناس يدركون ذلك. وراحوا يمشون في البلاد صامتين.



يَا عَالَمُ الْأَسْرَارِ

يملك كشك سجاير على ترعة المحمودية، في المنطقة الممتدة بين حي كرموز وحي راغب. كان أغلب سكانها زمان من يائعي الترمس. اليوم ظهرت فيها العمارت العالية واشتد فيها الزحام. حين كانت شبه خالية كان الجميع يعرفون برعى، لكن كل من عرفه مات أو رحل عن المنطقة. وبرعى لم يفكر أبداً أن ينتقل بالكشك إلى منطقة أخرى. لا يزال لا يبيع فيه إلا السجائر والبسكويت. في البداية، في سبعينات القرن الماضي، كان يبيع فيه القصب. عيداناً أو قطعاً للأولاد والكبار. لم يعد القصب في حلاوة قصب زمان. وتطور أولاد الأحياء الشعبية فلم يعودوا يمدون القصب في الطرقات ولا يلعبون به. برعى الآن في السبعين. صار له ولد وبنت وأحفاد أيضاً، لكنه لا يستمع إلى مطلبهم أن يرتاح تاركاً العمل. حين يأتي إبنه أو بنته لتفق معه لا يحتاج، لكنه لا يوافقهما على تنويع بضاعته. قال لهم بشكل واضح «زمان كنت أقف لأبيع وأكسب وأربيكما. الآن أقف لأنه لا يمكن أن أمضي ما باقي من عمري جالساً في البيت. كما إنني انتظر إشارة من ربنا». استقر الولد والبنت على أن أبيهما فقد كثيراً من عقله، وليس أمامهما غير الانصياع له وتركه على ما يريد.

لم يكن برعى يكذب. ذلك أنه يضع في الكشك «ريكوردر» يسمع منه كل عصر قصيدة رباعيات الخيام. يفعل ذلك منذ أربعين سنة. والناس القدامي على قلتهم يعرفون غرام برعى رباعيات الخيام دون أغاني أم

كلثوم كلها. كانوا يتعجبون منه هو الذي لا يعرف القراءة ولا الكتابة. يقولون في عجب من زمان برعي لا يسمع إلا رباعيات الحيام. وكان هو قد سمعها أول مرة حين اشتري الراديو. ارتاح لها رغم أنه لا يفهم منها إلا القليل. انتظرها في اليوم الثاني في الإذاعة فلم تأت. وهكذا لعدة أيام حتى عادت. تاه معها وسبح في الفضاء. ولما اختفت مرة أخرى اقترح عليه عبد الحكيم الواقف الجديد إلى المنطقة، أن يشتري هذا الريكوردر، وشريط تسجيل فيه رباعيات الحيام، ويسمعها في أي وقت مدام يحبها كل هذا الحب. وهكذا لم تعد تفارقه حتى في رمضان، إذ ينساب القرآن الكريم قبل الإفطار من كل البيوت، لكنه وحده يسمع رباعيات الحيام. عبد الحكيم أدمتها معه.

ذات مرة. قبل أن ينتهي رمضان ياسوع قال لعبد الحكيم أن يساعدوه ويكتب له خطابا لأهله في الصعيد. كان المعروف عن عبد الحكيم إنه يعمل في شركة الغزل والنسيج بكرموز. ولم يكن أحد يعرف إنه ترك قريته حزينا لانقلاب المعدية وغرق زوجته التي لم يمض على زواجهما شهر.

قال عبد الحكيم:

- ايه راييك تفطر معايا. أنت وحيد وأنا وحيد. وتكتب لي الخطاب قبل الإفطار.

وافق عبد الحكيم فقال له:

- وياريتك تفطر معايا كل يوم بعد كده.

جلس عبد الحكيم أمام الكشك. كان الجو شتاء. والناس دخلت بيوها قبل الإفطار. ولا أولاد يلعبون في الشارع. وضع له برعي

طراويبة صغيرة وفوقها المسجل الذي يعمل بالحجارة إذا ابتعد به برعي عن الكشك، ويصله بالكهرباء إذا كان داخله. ووضع شريط قصيدة رباعيات الخيام، ثم قدم أوراقاً وقلمًا لعبد الحكيم، وجلس ي ملي عليه. فكر برعي كيف يبدأ وكان عبد الحكيم يستمع للأغنية. أملأه برعي:

«والدي العزيز. والدي الحبيبة. إخواتي الطيبين. زوجتي. ولكن عبد الحكيم الذي حلته القصيدة بعيداً، كتب سمعت صوتاً هاتفاً في السحر.. نادي من الغيب غفاة البشر. وقال برعي خلاص هانت قربت أحوش الفلوس اللي ح أجر فيها الشقة واجيب مراتي معايا. وكتب عبد الحكيم: هبوا إملأوا كأس المني قبل أن تملأ كف العمر يد القدر. يقول برعي كان نفسي أكون معاكم في الأيام المفترجة دي، لكن أنا باخاف على القرش علشان افتح بيت في اسكندرية، وعبد الحكيم يكتب غد بظهور الغيب واليوم لي وكم يخيب الظن بالمقبل.انا دلوقت عندي كشك بأبيع فيه وبطلت شغل في الخرسانة، كتافي وجعلتني يابوي وأنا مش حمل بحدله. وعبد الحكيم يكتب لبست ثوب العيش لم استشر وحربت فيه بين شتي الفكر. انت عارف يابوي أنا من يومي صحقي علي قدي، علشان كده ربنا وقف لي ولاد الحلال ساعدعوني آخذ الكشك ده من المحافظة وعبد الحكيم يكتب لما أطال النوم عمراً ولا قصر في الأعوام طول السهر. برعي يقول ساعدعني موظف كبير في المحافظة طلب بس أديله كل شهر خمسة جنيه لمدة سنة. والحمد لله قادر أديله. وعبد الحكيم يكتب فكم توالي الليل بعد النهار. وطال بالأأنجم هذا المدار، فامض الهوينا إن هذا الشري من أعين ساحرة الإحوار. صار عبد الحكيم

يسبح مع الأغنية وفي ملوكها، فلم يعد يسمع ما يقوله برعى. صار يكتب الأغنية وبرعي يلاحظه وهو يكتب بسرعة حتى وهو متوقف عن الكلام ويقول في نفسه يمكن دي طريقة أنا أصلاً ما اعرفش أكتب. لكن برعى وهو يقول أن يسامحه أبوه لأنه لم يرسل لهم نقوداً حتى الآن تساعد في شراء الدواء لأمه المريضة، افتتحت عيناه للدموع بينما كان عبد الحكيم يبكي وهو يكتب يامن يحار الفهم في قدرتك. وتطلب النفس حبي طاعتكم. أسكريني الإثم ولكنني صحوت بالأعمال في رحمتك. إن لم أكن أخلصت في طاعتكم. فإنني أطمع في رحمتك. وإنما يشفع لي أنني قد عشت لا أشرك في وحدتك. حتى انتهت الأغنية وبرعي صامت ينظر لعبد الحكيم الذي يكتب ياعالم الاسرار علم اليقين. يا كاشف الدر عن البائسين. يا قابل الأعذار. عدنا إلى ظلك فاقبل توبة التائبين.

انتهي عبد الحكيم فقال برعى:

– حرقك عليا خليتك أتأثرت باللهي بأقوله وبكت.

مسح عبد الحكيم دموعه بعنديله القماش وقال:

– تزعل مني لو قلت لك أنا ما كتبتش ولا كلمة من اللي انت قلته.

قال برعى حائراً:

– يعني أيه؟

– كتبت الأغنية. وعايز أبعتها لواحد كلنا بنحبه. عايزه يحبنا ويزبح عننا كل شر.

إربك برعى جداً فواصل عبد الحكيم:

– عايز أبعتها لربنا.

نظر إليه برعى مندهشاً مأخوذاً ثم قال:

- وتوصل؟

- إن شاء الله.

قال ذلك عبد الحكيم وكتب على المظروف «إلى الله في السماء»  
ودق مدفوع الإفطار فراح برعى يضع على الطرابيزه الصغيرة طبق  
القول الذي اشتراه من قبل والبصل وعدة أرغفة وراحا يأكلان. قال  
عبد الحكيم:

- بكرة الصبح قبل ما تفتح الكشك تحط الجواب في البوسطة. وإن  
شاء الله حيجلينا رد.

**مائلة الرجم**

تعود مرسي أن يتناول إفطاره في موائد الرحمن. حين انتشرت هذه الظاهرة في سبعينيات القرن الماضي كان صغيراً. كان أبوه يأخذه هو وأخيه وأمه إلى مائدة بعيدة من بيتهما الكائن في دير الملاك. يختار الأب مائدة قريبة من قصر القبة حتى لا يراهم صدفة أحد من الجيران. كان مرسي يسمع أمه تقول لأبيه.

– ياخويا ليه مشحطتنا كده بس ما كل جiranana يفطروا في الموائد زينا.

وكان أبوه يوضح ويقول:

– حقاً. دامكن حرامي يدخل ساعة الفطار يقشّش البيوت كلها.

فترد الأم:

– وتفتكر يعني الحرامية مثل عارفين. عارفين بس كمان عارفين إن البيوت فاضية ما فيهاش حاجة تسرق.  
ويوضحون جميعاً.

مرت السنون ومرسي يتمنى أن لا يكون يوماً من زبائن موائد الرحمن. تخرج من الجامعة وصار في شهر رمضان يرفض أن يذهب مع أبيه أو أمه إلى أي مائدة. لكنه لم يجد عملاً يجعله يساعد أسرته في الحياة ويف涅هم عن ذلك. وحين وجد عملاً وجده في مدينة الإسكندرية. بالصدفة كان انتقاله للعمل إليها قبل رمضان بأيام. وجد له مسكناً مع عدد من زملائه الأغراب في منطقة القباري حيث عمله في إحدى شركات النقل

هناك. كان قد تخرج من كلية التجارة. ولم يجد عملاً في القاهرة في الحكومة أو القطاع العام. كان كل عمل يعرض عليه لا يزيد عن عامل في محطة بترین ومرتبه من التيس، البقشيش الذي يحصل عليه، أو جرسونا في مقهي وكذلك أيضاً مرتبه. كان يعرف أن هناك من زملائه من وجد عملاً في بنك أو وزارة أو مصنع، لكنه أيضاً كان يعرف أن ذلك لن يتتوفر له، فلا واسطة ولا مسوبيه يمكن أن تفيده، ولا رشوة يمكن أن تدفعها عائلة تقضي رمضان علي موائد الرحمن.

حين وجد شركة تعطيه راتباً ثابتاً وافق على الفور رغم أنها في الإسكندرية. شجعه أبوه قائلاً:

- كويس خالص كمان أنت اسحق مرسي يعني اسكندراني. وإن شاء الله في الصيف نصيف عندك مرة قبل ماغوت.

أما أمه فقد خافت عليه جداً من بنات اسكندرية، وبالذات بنات بحري. قالت له يابني انت شفتهم في الأفلام شكلهم إيه استغفر الله العظيم. دا أسهل حاجة عندهم المايوه. وكان يضحك ويقول لها يا أمي دا كان زمان. الدنيا اتغيرت وخلاص ما فيش فرق بين بنات بحري وقبلي. كلهم الحمد لله يا بالحجاب يا بالنقاب. وفي نفسه كان يتمنى أن يأتي الصيف ليり شواطئ هذه المدينة التي لم يزورها أبداً، ويري النساء على الشواطئ بالمايوهات كما تقول أمه، وإن كان يعرف أن ذلك لن يحدث، لكنه ظل على أمل حتى إنه سأله زميله قال له أيضاً: يضحك ساخراً واعتبره أهبل أو مسكون. لكن زميله قال له أيضاً:

- دا موجود لكن في الساحل الشمالي والشواطئ الخاصة في العجمي مثلًا.

سأله بدوره:

- يعني إيه خاصة؟

قال له:

- يعني تدفع مرتبك علشان تدخل وتقضى طول الشهر جعان - ثم سكت لحظة وقال - خلينا في المهم أنت حتعمل إيه في رمضان؟

ارتبك وقال:

- يعني إيه؟

قال زميله:

- يعني حتفطر فين؟ ليك قرایب هنا تفتر معاهم مثلا؟ إنت عارف رمضان يحب اللمة.

- لا ماعرفش حد. نفتر مع بعض.

ضحك زميله وقال:

- يبقى إنت زميل بجد. حتيجي معايا موائد الرحمن.

أبدى له امتعاضه فقال زميله:

- إسكندرية غير القاهرة. هنا كل حاجة نضيفة. وبعدين قرفان ليه كده؟

لم يشا أن يقول له أنه من غير المعقول أن يمضي عمره في موائد الرحمن. سكت وترك نفسه لزميله يأخذها إلى الموائد. في أول مائدة وكانت في بحري قريبة من جامع سيد المرسي أبو العباس كانت بالفعل نظيفة. الطراييزات طويلة فوقها مفارش بيضاء نظيفة، والأطباقي ليست صفيحة بل زجاج لامع نظيف، ودوارق الماء زجاج أيضا والأكواب لامعة والملاعق مصقوله. لا شيء قديم أو قذر هنا. والطعام يطهي بعيدا عنهم

داخل المحل الذي يقيم المائدة، والذي ينقل الطعام فيتات صغيرات جيلات ونطيفات، وهواء البحر يطل عليهم، وصوت الموج يهددهم أعينهم، ولا ضجيج في الشارع مثل القاهرة. وكلما اقترب انطلاق مدحع الإفطار زاد المدحوء وصوت الشيخ القادم من جامع أبو العباس المرسي جحيل يبعث على الطمأنينة. ما أجمل الاسكندرية. لن يعود إلى القاهرة أبداً.

إنطلق مدحع الإفطار وارتفع صوت المؤذن من جامع سيدى المرسى، فترك المائدة التي صارت عامرة بالأكل والشرب، ووقف يصلى على سجادة طويلة فرشها صاحب المائدة إلى جوارها على الأرض. حين رأى هذه السجادة لم يسأل أحداً عن معنى وجودها، وقال في نفسه أكيد هي للصلوة. والحقيقة أن صاحب المائدة وضعها لتكون مثل الحدود حول الجالسين، فإذا مرت سيارة لا تقترب منهم، كما أنها تعطي المكان جمالاً إضافياً. لم يكن من الصعب أن يولي وجهه ناحية القبلة. فجامع المرسى أمامه وهذا بابه، كما أن البحر في الشمال خلفه. ولئلا وجهه إلى الجنوب مائلاً إلى الشرق قليلاً، ونظر حوله فلم يجد أحداً يقف يصلى معه. رأى زميله يبتسم وهو يشرب العرقسوس. قال لابد أن أحداً سيقف يصلى معه لكن لم يقف أحد. لم يكن ممكناً أن يتراجع. الله أكبر الله أكبر وببدأ الصلاة ولا أحد يتقدم ليصلّي معه. لم يكن أمامه إلا الاستمرار في الصلاة. في لحظة فكر أن ينهي صلاته بسرعة، لكنه استغفر الله وراح يصلّي على مهل كما ينبغي. ما إن انتهي حتى رأى الجالسين على المائدة ينصرفون. لم يكن قد بقي فوقها إلا بقايا طعام متفرقة. نظر إليه زميله وضحك قائلاً:

— بعد كده ابقي صلي بعد الفطار. إنت عمرك مافطرت في مائدة  
رحمن؟

سكت. كان الجوع يقرصه في بطنه بشكل كبير، فمد يده الي دورق  
به عتاب وشرب منه ثم قال:

— الحمد لله. والله عمري ما شبعت زي النهاردة.

لكنه في نفسه قرر أن لا ينسى هذا الدرس في الأيام القادمة.

**مأكلاة من هواء**

أمسكت بورقة من شجرة كافور ودعكتها في يدها. شمتها وانتعشت.  
 هل كان ما تراه الآن موجودا حين جاءت من هذا الطريق منذ ساعتين.  
 إذا كان ذلك فكيف لم تره. هل يكون وقت طويل قد مضى بما يكفي للأرض أن تنفجر منها ترعة كهذه تنمو على جانبيها الحشائش والأشجار؟

لابد أن تسرع بالعودة قبل أن ينطلق مدفع الافطار. هكذا قال لها أبوها. لا تستطيع أختها الصغيرة التي لم تبلغ السابعة بعد أن تحميها في هذا الفراغ. ولا تستطيع هي التي في الثانية عشر أن تحمي أختها. ربما لهذا يبدو أبوها حزينا لأنه لم يعجب الولد بعد. لكن أختها الصغرى توافت وقالت:

– تعبت

جلست تحت شجرة كثيفة الأوراق. ورأت الكبيري الشمس تتبعده عن الدنيا وطرف السماء بعيد يلتهب عند الأفق، وقالت الصغرى:  
 – حنرجم نقول إيه لبابا وماما؟!

لم ترد الكبيري التي كانت ترى على الضفة الأخرى من الترعة بيوتا تنتصب فجأة أمامها، لكنها كلها موصدة الأبواب ولا صوت يصدر عنها. قالت لأختها الصغرى:

– شايفة اللي أنا شايفاء؟

– أنا مش شايفة حاجة غير الترعة والشجر.

- فيه بيوت قدامك أhee بس مقفولة.  
- انتي جعانا زبي وبتحلمي. ما فيش حاجة.  
- كمان الترعة فيها بط وز.  
- انتي ليه جبتيها من السكة دي؟  
- ماعرفش غيرها. بابا بيأخذني معاه لما يزور عمي. بيقول أقرب.  
- أنا سمعت مرات عمي بتكلم عمي في الأوضة اللي جوة.  
- أنا كمان سمعتها. ليه قالت مش موجود؟ يعني علشان بابا بعثنا نستلف منه فلوس!. دي حتى ما قالتناش أقعدوا افطروا معانا.  
- قالت لنا مع السلامة علشان تفطروا مع بابا وماما وما يقلقوش عليكم.

قالت الصغيرة ذلك وهي تضحك ثم اردفت في ضيق:  
- يعني ماتعرفش إن ما فيش أكل في البيت، وإن احنا جينا نستلف الفلوس علشان نشتري فطار !!  
تركها الكبري وانجابت إلى الترعة، وراحت تتفرج على البط السابع في الماء. ولما رأت بطة تغطّس منقارها في الماء وترفعه وقد علقت به سكة صغيرة ضحكت وهتفت:

- تعالى شوفي البط بيطلع سمك من المية ويأكله.  
لكن الصغرى لم تتحرك. عادت إليها الكبري وجلست جوارها على الأرض. فقالت لها الصغرى:  
- الدنيا بتضلّم وانتي بتشوفي حاجات غريبة. المدفع زمانه ضرب ولا فطرناش.  
فكرت الكبري لحظة وقالت:

- جعانة؟

- حاموت من الجوع.

ضحكت الكبri وقالت:

- حاكلك أكل عمرك ما أكلته.

وراحت ياصبها تصنع دائرة كبيرة على الأرض الترابية وقالت:

- دي طبلية. نفسك تأكل لي إيه؟

لم ترد الصغرى التي ضحكت. والكبri ياصبها أيضا رسمت دائرة صغيرة داخل الدائرة الكبيرة وقالت:

- دا طبق ملوخية.

انطلقت الصغرى ضاحكة، فاستمرت الكبri ورسمت أكثر من دائرة صغيرة وقالت:

- وده عيش. شوفي كتير قد إيه.

ضحكت الصغرى وقالت:

- الملوخية عايزة رز.

رسمت الكبri دائرة وقالت:

- ودا ياسني طبق رز. عايزة لحمة؟

قالت الصغرى بشغف عميق:

- فرخة.

رسمت الكبri ما يشبه الدجاجة وقالت:

- آدي الفرخة قطعي منها زي ما انتي عايزة.

ضحكت الصغرى ضحكة صافية وقالت:

- دا ما فيش معلقة.

قالت الكبّري.

— كلّي بـايدك النهاردة. معلش.

وراحتا تأكلان من الدواير المرسومة على التراب وتستمعان وتضحكان حتى استلقت الكبّري على ظهرها وقالت:

— شبعـت أوي. إنتي لـسة جـعـانـة؟

تمددت الصغـري جوارـها وقالـت:

— شـبعـت خـالـصـ. أـشـيلـ الطـبـلـيةـ وـالـصـحـونـ؟

قالـتـ الكـبـرـيـ:

— خـليـهاـ شـوـيـةـ يـمـكـنـ حـدـ يـعـديـ جـعـانـ يـلاـقـيـ حاجـةـ يـاـكـلـهاـ. يـالـلاـ بـيـناـ  
نـرـوحـ لـخـسـنـ زـمانـ بـاـباـ وـمـامـاـ قـاعـدـينـ قـلـقـانـينـ عـلـيـناـ.

هـضـنـتـاـ ضـاحـكـينـ وـأـسـرـعـتـاـ فـيـ المـشـيـ، ثـمـ تـوقـفـتـ الكـبـرـيـ وـأـمـسـكـتـ  
بـزـرـاعـ الصـغـريـ وـقـالـتـ.

— صـعبـانـ عـلـيـاـ أـويـ بـاـباـ وـمـامـاـ. مشـ حـيـعـرـفـواـ يـعـمـلـواـ زـيـنـاـ وـيـاـكـلـواـ.  
وـانـدـفـعـاـ مـعـاـ فـيـ بـكـاءـ الـيمـ مـالـبـثـ أـنـ تـحـولـ إـلـيـ ضـحـكـ هـبـيجـ.



شفشق وأبريق

جلسا معا علي المقهي صامتين. «شفشق» و«أبريق». هكذا يعرفان وسط اللصوص. هما من أبناء منطقتين عشوائيتين قريبيتين. يجبان الجلوس هنا حيث المنطقة الأرقى. نشاطهما كله خارج منطقتيهما. لا يظهران فيهما إلا في الصباح وهو ما يغادرانهما، وفي وسط الليل حين يعودان. أطلق عليهما زملاؤهما هذين الاسمين من حرصهما على نظافة ثيابهما ونظافتهما الشخصية، والعطر الذي يحرسان على وضعه على ملابسهما. قال شفشق:

- فيه راجل اشتري تليفزيون عندنا في الزقاق. عايزين نسرقه.
- انددهش أبريق جدا وقال:
- يعني إيه. ما كل الناس عندها تليفزيونات؟
- دا بالذات ما كانش لازم يشتري.
- أنت غريب أوي. ليه؟
- علشان مراته بيتجي كل ليلة تسهر مع أمي واخواتي تشرف على التليفزيون عندنا، وبصراحة المرة حلوة وصغيرة.
- يخرب بيتك إحنا في رمضان
- ماهودا اللي معذبني. ليلة أول رمضان بس اتجابوت معايا. بصت لي بصلة ياجدع سبب مفاصلي.
- إوعي تكون عملت حاجة.
- بصت لي وقالت لامي أنا عايزه اشرب شاي بالنعناع، ونفسني

اعمله بنفسی وتشري من إيدي علشان أنا باعمله حلو أوي. وقبل أمي ما تنطق قامت للمطبخ وبصت لي تاني. قمت دخلت وراها. لاقيت نفسی هاجم عليها، صدتنی بيايديها وقالت لا. بكرة رمضان حرام. بعد رمضان مش حايرتك من حاجة.

إندهش أبيرق وأخرج مطواة من جييه الخلفي وقال ضاحكا:

- على النعمة دي ست عايزه الدبح. طيب وانت عايز تسرق التليفزيون ليه؟

- علشان ترجع تسهر مع أمي. أمي دلوقتي اللي بتسهر معاها...مش عارف جوزها جاب فلوسه منين. تليفزيون اتناشر بوصلة.

- هوبيشتغل إيه؟

- مكوجي رجال.

- ومستكتر عليه اتناشر بوصلة. انت مفترى ياجدع.  
وانطلقا يضحكان. ثم قال شفشق:

- بص أنا عملت الخطة كلها. إنت ماحدش يعرفك في حتنا. أنا حاجيب لك المفتاح بتاعهم.

- إزاي يعني؟

- هي حتديهولي.

- يعني هي موافقة؟

- طبعا. هي كمان عايزه تسهر مع أمي. قالت لي على الأقل أشوفك لحد ما يخلص رمضان.

إندهش أبيرق جدا وقال:

- طيب بازمه اللي زي دي مستينة رمضان يخلص ليه. ماهي رايحة

- جهنم رايحة جهنم؟  
سكت شفشق لحظة وقال:  
- برضه الأمل حلو.  
- طيب يانبيه حاروح لوحدي؟  
- انت عارف بيتي. البيت التلات أدوار اللي جنبنا. الشقة يمين السلم الدور الثالث. هي مش شقة طبعا. اوضة وصاللة. زي بتعاتنا. التليفزيون في الصالة علي طول. وبكرة ساعة الفطار أحسن وقت. الناس كلها مخزنة في البيوت. وهي وحوزها معزومين عند حمامها. خلاص؟  
- خلاص. حاجيب لي المفتاح إمتي؟  
- أهو المفتاح.  
آخرجه من جيبيه فضحك أبريق وقال:  
- يابن الإيه؟ دا انت محضر كل حاجة. وتقول لي حاجيب لك المفتاح.  
ال்லيفزيون دا تنه ييجي حسميت جنيه. أنا مية وانت مية وهيباقي. حنيعه في أبعد حته في مصر.  
في اليوم التالي ساعة الإفطار كان إبريق يصعد السلم علي حذر. فتح باب الشقة وانتهي بسرعة من حل التليفزيون، والرول به محمولا أمامه علي صدره، وراح ينزل السلم في هدوء. عند باب العمارة وجد أمامه رجالا يدخل مسرعا. وقف أمامه متختسا والرجل ينظر إليه في دهشة فقال:  
- شفت حضرتك قلة الأصل بتاعة الناس. تليفزيون زي ده أجبيه لحد هنا يقول لي ميت جنيه. علشان عارف إيني محتاج يعني؟!

- مين ده؟

- الأخ المكوجي اللي ساكن فوق.

نظر الرجل إلى التليفزيون متوجسا قليلا، وراح يتأمل «أبريق» الذي بدا له أنيقا تفوح منه رائحة طيبة وقال:

- طيب وانت عايز كام؟

- متين مثلا.

تردد الرجل قليلا ثم قال:

- مية وخمسين. إيه رأيك؟ بس أجربه.

اصطفع ابريق التردد ثم قال:

- الأمر الله بدل ما ارجع بيه تاني البيت.

ودخل مع الرجل إلى شقته فأشار إليه أن يضعه قريبا من التليفزيون القديم الذي يملكته. كان قد أشار لزوجته أن تدخل غرفة أخرى. أوصل التليفزيون الجديد بإيرياال التليفزيون القديم والكهرباء و«أبريق» يقف قلقا يحاول أن يخفي رعبه.

- الله ده جديد وصورته حلوة أوي.

وترک الصالة الصغيرة إلى الغرفة ثم عاد معه مائة وخمسة وعشرين جنيهها. أخذتها أبريق قائلا:

- زي بعضه.

و قبلها ثم صافح الرجل وخرج. ما إن وجد نفسه على السلم حتى أطلق ساقيه مغادرا المنطقه كلها.

على المقهي البعيد قابل شفشق الذي حين عرف ما جري هتف:

- يا ليلة سودا. دا ححصل مصيبة. أكيد مرات القهوجي حتحكى

- الحكاية والمكوجي حيعرف.
- هو اللي اشتري التليفزيون قهوجي؟
- أيوة. ماهو ساكن في الشقة اللي جنب السلم في الدور الثاني الل بيقول إنك دخلتها معاه.
- باقول لك ايه. احنا مالناش دعوة. المهم خلاص ما فيه تليفزيون وهيص انت بآه.
- أهيص. ربنا يستر والراجل ما يشكش إن مراته علي علاقة بالقهوجي، خصوصا إنك دخلت بالمفتاح، يعني مش حيلaci أي أثر لغريب. ممكن يفكر إنها اللي اديته المفتاح. وممكن من الضرب تعترف.

**رجل أمن الدولة الغلبان**

قابلته مجلس وحيدا في ركن من بوفيه بمطعة مصر. لم أعرفه ولم أتعرف عليه. جلست بعيدا في ركن آخر متظرا موعد قيام قطار السابعة مساء. كانت الساعة حوالي السادسة. وكما أفعل في كل مرة أسافر فيها اشتري عددا من الصحف، وأجلس أقرأ فيها، وأشرب القهوة حتى يأتي موعد القطار، فأنصرف لأكمل القراءة في القطار نفسه. كالعادة كان هناك ضجيج بالمقهي بسبب التليفزيون ذي الشاشة الكبيرة، وعادة مشرفي المقهي الغريبة التي تجعلهم يتركون صوت التليفزيون عاليا. هي عادة مصرية بغيضة في كل المقاهي منذ أكثر من ربع قرن. ولا أعرف كيف يستطيع رواد المقاهي التغاضي عنها، والدخول مع بعضهم في أحديتهم الخاصة. لاحظت أنه يعن النظر إلىـ». أكثر من مرة ألاحظ ذلك. ثم صار لا ينحرف بنظره عني. كان في حوالي الستين من العمر. يرتدي بدلة رغم الصيف لكن بلا كرافته. قاومت أن لا أنظر إليه لكنني لم أستطع. نظرت إليه مرتين وفي الثالثة ابتسם وحيان بيده. بل قام والتجه نحوه ووقف يمد يده يصافحني.

– ازي حضرتك يا استاذ حسين؟

قلت مرتبكا:

– أهلا وسهلا. حضرتك تعرفي؟

– تسمح لي أقعد؟

– اتفضل.

قلت ذلك بارتباك أكثر.

- طبعا حضرتك نسيتني. معاك حق. بس أنا ما نسيتكش. حضرتك بقىت كاتب مشهور وصورك في كل الجرائد. أنا زكرياء أحمد. انتبهت علي الفور. ضحكت. قلت:

- أنا ما فيهش في حيافي غير اتنين زكرياء أحمد. الموسيقار العظيم وضابط أمن الدولة اللي قبض عليا سنة ١٩٨٥. معقول. إزيك يا سيادة الرائد. تلاقيك لواء دلوت.

- خلاص يا حسين بيه. أنا سبت البوليس من زمان.  
- معاشر يعني؟

- لا والله. حكاية كده. اسمح لي أعزوك علي قهوة.  
- أنا باشرب القهوة.  
- خلاص يبقى الحساب عندي. اعتذار يعني.  
ضحكتنا وقال:

- بس غريبة إنك ما تعرفتش عليا بسرعة.  
- مش غريبة ولا حاجة. إحنا قربنا علي اربعين سنة ياراجل من يوم ما شفتكم.

- صحيح.

قال ذلك وراح ينظر في المنضدة شاردا. ثم قال:  
- بس أنا مش زعلان.  
- إين ما تعرفتش عليك يعني؟  
- لا.. إين سبت البوليس. ومن زمان.  
- الله دي حكاية بأه يازكرياء بيه.

- فعلاً حكاية. حاقولها لك يمكن تكتبها. شوف ياسidi. في رمضان سنة ٨٦. يعني بعد ما قبضت عليك بسنة. جاتنا أخبار عن شوية شبان إسلاميين ناويين يعملوا عمليات تفجيرية في القاهرة. كانت كل التحريرات اللي عندنا بتتأكد المسألة. وكنا في رمضان. إنت عارف طبعاً إن العادة بتاعتنا يتم القبض على الناس في الفجر. علشان بتقى الناس نايمة وما بنحبش نقلق الجيران - ابتسمت وواصل الحديث - ما كانش ممكن ننتظر لبعد رمضان، وطبعاً في رمضان ما حداش بيان. اقترحت علي رئيسى العميد مراد جاب الله. طبعاً شخصية كانت معروفة - ابتسمت من جديد - اقترحت عليه نقبض على الشبان دول ساعة الفطار. كان عندنا إخبارية إنهم بيقطروا مع بعض في شقة واحد منهم في بولاق الذكرور. يبقى كده كمان حنلهمهم مع بعض.

- ساعة الفطار يازكري يا به. ياه.

- أرجوك استنى. كل اللي حقوله معاك حق فيه. فعلاً اقتراح غير إنساني لكن كمان شرم.

وابتسم وهو يهز رأسه:

- والله ما مصدق اللي حصل.

- كمل حضرتك. أنا حاسمع.

- أية حاكم. بس ما تكتبش الحكاية دي إلا بعد ما أموت. والا أقول لك. أكتبها بس ما تجيبيش سيري. أنا صحيح سبت الخدمة بس ما تضمنش إيه ممكن يحصل لي.

- إحكي يازكري يا به افضل.

أخذ نفساً طويلاً وبدأ يحكى من جديد:

- قبل الفطار بدقيقة كنا تقريباً محاصرين في البيت من بعيد. في الوقت ده كانت بولاق لسه مش زحمة زي دلوقت. وكان فيه حتى غيطان حوالين البيوت. المدفع ضرب طلعننا على الشقة. خبطنا وطلع لنا واحد بدفن. أول ما شافنا عرفاً. لكن الغريب إنه رَّحْب بینا. زي انت ماعملت معانا كده يوم ما جينا نقبض عليك في الفجر. ياريتنا رحنا في الفجر! المهم دخلت ومعايا المخبرين واتنين ظباط شبان انتشروا في الشقة. أنت عارف طبعاً. الولاد كانوا يصلوا المغرب. سبتهم يصلوا. اللي فتح لنا قال لو ممكن بس يشربوا أي عصير قبل ما ننزل عليهم. بصرامة وافت. دخل المطبخ هو وواحد زميله والمخبرين وراهم، وجابوا لنا صينيتين عليهم كوبيات قمر الدين. سبتهم يشربوا والمخبرين كمان شربوا، واحد من الاثنين الظباط الشبان شرب ونزلنا في دقائق. حطيناهم في تلات عربiyات ملاكي ورحنا على الدقى. شارع جابر ابن حيان. عارفة طبعاً.

قلت ضاحكاً:

- مين ما يعرفوش. أمن الدولة ياخترم.

- المهم نزلت من عربى ونزل السواقين وماحدش نزل تاني غير الظابط اللي ما شربش قمر الدين والشبان المقوض عليهم. يعني المخبرين والظابط اللي شرب قمر الدين ماتوا في مكاهيم.

- بتقول إيه؟

- زي ما بقول لك كده.

- يعني إيه؟

شـّرحنا الجشت ما لقيناش أي أثر لسم مثلاً. العيال اتعذبوا كتير علشان

يقولوا إيه سبب موت المخبرين والضابط وما فيش سبب. ما يعرفوش.  
مات منهم اتنين في التعذيب.

احسست بضيق شديد لكنني تمسكت وقلت:

– غريبة. بس ما دام ما فيش سم، حضرتك ليه ما موتش لامؤاخذة  
يعني، ولا الظابط الثاني.

– الظابط الثاني بعد سنة كان ينضف طبنجته طلعت منها طلقة في  
وشه مات. وأنا يمكن حكمة ربنا علشان أعيش متعدب.

– ياه. حكاية غريبة. علشان كده سبت الخدمة؟

– بصراحة اترفت.

– علشان أنت صاحب الإقتراح. القبض على الناس ساعة الفطار  
يعني؟

– لا. دول ما بيهمو هيش، لكن اتشائموا مني. حجيت عشر مرات  
ومش قادر أنسى. دلوقتي أنا فاتح محل ملابس حريري بس مش مرتاح.  
مستني الموت في أي لحظة. عايش مرعوب باخد بالي من كل حاجة. مين  
عارف يمكن دلوقتي ارتاح بعد ما حكيت لك.

**رائحة الحشيش**

إشتري «نصف قرش» حشيش من سيدى كرير. قال له رحومة البدوى وهو يضحك:

– يا استاذ انت بقالك بینا عشر سنين عمرك ما شربت الحشيش ولا اشتريته.

– أصل سهران النهاردة مع جماعة اصحابي. وبصراحة فيهم واحدة صاحبتي. أكثر من مرة تيجي سيرة الحشيش تقول بيجيبوه منين. ويعمل ايه. زي ما تكون عايزة تجربه.

ضحك رحومة وقال:

– وحضرتك بأه قلت تجيئه لها علشان تقرب منك. براوة يا استاذ.  
ضحك وقال لرحومة:

– خلاص بأه بس ما تجيئ سيرة قدام الولاد لما نيجوا في الصيف.  
– طيب حيت كده خد بالك. اليومين دول البوليس متنبه خالص.  
قبضوا على ناس كتير مننا. كمان عند الكيلو واحد وعشرين الدورية بتتفسن العربات كويس اوبي.  
– يعني ايه؟

– يعني حضرتك بتشتري في أيام صعبة، ولو لا فيللتك في أرضنا ما كنت بعت لك. إيه رأيك تعزم أصحابك عندك هنا في الفيلا أحسن وأنا أجيب لكم كل حاجة؟  
– للدرجة دي السكة خطير؟

- يعني يكون أحسن.

- بس الفيلا عايزه تتضضف، وانا جاي اسكندرية يومين، ونازل فيهم عند واحد صاحبي، وحنتجمع عنده.

- طيب. علي بركة الله. إذا الشرطة وفتوك طلع الرخص على طول، وخلی المسجل شغال بالأغاني ورکز فيها، وبعدين انت يعني صعب يشکوا فيك. وأحسن حاجة تنتظر شوية لغاية قبل الفطار بنص ساعة. حيكونوا ملخومين بتوضيب الفطار. يعني تتحرک من عندي کمان ساعة.

- وهو كذلك.

جلس عنده حتى بقى نصف ساعة علي مدفع الإفطار، وأخذ سيارته وانطلق إلي طريق الساحل. كان قد وضع لفافة السيلوفان داخل طفایة العربية أمامه. فكر أن ينظر إليها. في الحقيقة انقطعت صلته بتدخين الحشيش منذ عشر سنوات. هذه المرأة الجميلة هي السبب. أخرج لفافة السيلوفان ينظر فيها فإذا بها تتنفس بين أصابعه. لم يحكم رحومة إغلاقها. توقف بالسيارة وفكها ليغلقها جيدا. رأي شرائح الحشيش أمامه. لا يعرف ما الذي جعل أصابعه ترتعش فتناولت بعض الشرائح علي أرضية العربية. تصايق وراح يجمعها ويلفها في الورقة من جديد. لماذا اختار رحومة له الشرائح ولم يعطه ما يريد قطعة واحدة؟. أعاد الورقة إلى مكانها ولكن رائحة الحشيش ملأت العربية. يا إلهي. هذا نوع جيد يذكره بخشيش زمان. كثيرا ما سمع أصحابه من هواة الحشيش يقولون في استياء أن كل الحشيش مضروب. لكن ماذا سيفعل الآن والرائحة غلا العربية. ترك الطريق الساحلي وأخذ طريق برج العرب. من هناك

يدور إلى الطريق الصحراوي، ويصل إلى الإسكندرية من محرم بك. طريق أطول لكنه خالي من الشرطة. آخر نقطة شرطة قبل العامرية، وهو لن يصل إلى هناك. أخذ الطريق الجديد وأسرع. دق الموبايل فوجد صديقه يسأله عن مكانه. أخبره بكل شيء. وضحك وقال:

– تصدق أنا خايف جداً. إيه اللي خلاني اعمل كده؟  
قال صديقه:

– ما تخافش البلد كلها بتعمل كده. المهم خد بالك من الطريق. كلنا مستنينك الليلة.

كان قد انتهي من طريق برج العرب، والحرف عند مفارق الطرق إلى الطريق الصحراوي ووصل أيضاً إليه، ويأخذه الطريق الآن إلى الإسكندرية. علي يقين هو أنه لا توجد هنا كمائن شرطة؟ كانت السيارات تسرع حوله تسبقه، وهو يقود السيارة على مهل حتى إذا ظهرت أي قوة شرطة لا يكون لديها سبب لإيقافه. وبالذات السرعة مثلاً. صار تقريباً وحده الآن في الطريق الذي يتوسط بحيرة مريوط التي قامت على جانبيها المصانع الكيماوية والبترولية والمباني الخالية وال محلات، وحين تظهر بقائها يشم رائحة العطن الذي يسببه الصرف الصحي للأسكندرية فيها. الآن هو يقترب من نهاية الطريق فيظهر أمامه فجأة مجند أمن مركزي شاب يقطع عليه تقريباً الطريق. هل يمكن؟ هل هذا كمين؟ هل الجندي يشكل كميناً وحده الآن؟ توقف بالسيارة واقترب منه الجندي الشاب يقول:

– ربنا يخليلك خدني معاك لغاية محرم بيه الحق الفطار. ما ترعلش مني حضرتك إذا كنت قطعت الطريق. جعان وعايز أسافر.

تردد قليلا ثم قال:

- افضل.

فتح العسكري باب السيارة وجلس جواره وتحرك هو بالعربة وهو يقول:

- انت إيه اللي موقفك هنا في حنة مقطوعة زي دي؟

- الظابط بناعي نزلني من عربته هنا. إتفكر إنه ناسي حاجة في العسكرية. قال لي اتصرف في نفسك ورجع.

- طيب وكان واحدك معاه ليه؟

- كان نازل اسكندرية عند أهله. بيترل كل يوم. وأنا واحد اجازة. قال لي تعالى أوصلك سيدتي جابر وتركب القطر وتسافر بلدكم. هو بيحبني. أصل أنا عسكري المراسلة بتاعه.

- الخدمة يعني.

- ايوة. وكتير ياخدين البيت أخدم أهله. تصدق وقفت ساعة ما حدش وقف لي إلا حضرتك.

حط عليهم الصمت للحظات، فجأة قال الجندي:

- فيه ريحنة غريبة في العربية دي. زي ما يكون حشيش.

- لا ياراجل. وبعدين انت تعرف ريحنة الحشيش؟

- ايوة. ما هو الظابط بتاعي بيشربه. دا أنا اللي باعمل له الجوزة وأعمر له الحجارة. حضرتك مش مصدقني؟

- مصدقك طبعا بس ما فيش ريحنة حشيش في العربية. دا سيراي أنا بارشه فيها دايما.

قال الجندي:

- والا حشيش يابيه. المهم حضرتك خدتني معاك. ولو تكمل  
معروفك تديني جنـيه أشتري بيـه ساندوتش فول أفـطر على المحطة. أنا  
يادوبك معايا عن القـطر.

محمه دايم...

حين يأتي رمضان من كل عام يعرف أنه سيمضي الساعتين السابقتين على مدفع الإفطار مع زوجته في المطبخ. ساعتان ملأة شهر يقضيهما معها سعيداً. يراها وهي متخمسة في الطهو وتطلب منه أن لا يسألها عن شيء ولا يتدخل في أي شيء. فقط يتفرج فوجوده يجعلها سعيدة. حدث هذا منذ أول رمضان يمر عليهما بعد الزواج. لم يكن يعرف شيئاً عن الطهو. قالت له أن عليه فقط إعداد السلطة فأمرها سهل. عاماً بعد عام بدأ يساهم بجهود بسيط. أن يقوم بتعشير البطاطس مثلاً أو تتبيل اللحوم قبل شيهما، أو سلق الدجاجة والتخلص من الريم الذي يطفو على سطح الماء. أو يقف قليلاً أمام السمك يقليه أو يغسل الأرز، أو يعد عصير قمر الدين أو الخروب أو غيرها من العصائر، وفيما بعد تقشير البصل ليوضحها معاً على حاليه. كان يفعل دائماً شيئاً واحداً بينما هي تفعل شيئاً آخر. وكانت تعجبه مهارتها في الجاز كل شيء في وقت قياسي. ولما سألها عن سر المهارة قالت له صاححة «نظام بينما» فسألها يعني إيه، فقالت يعني بينما يتم سلق الفرخة يتم غسل الأرز، وبينما يتم شيء اللحمة يتم غسل الأدوات التي استخدمت. يعني ماتعملش الحاجة ورا بعض، لكن مع بعض. ثم قالت له أن أجمل ساعات رمضان هي التي تقضيها الزوجة في إعداد الإفطار. الوقت يمر بسرعة، وتمر بسرعة أكثر حين يكون هو معها، فهي تطهو الطعام وتححدث معه ويضحكان كثيراً. أحياناً كانت تطلب منه أن يخرج من المطبخ فيقول باسماً:

- ملوخية النهاردة؟
- آه.
- نفسى تعملها قدامى.
- . تضحك.
- لا تبوظ.
- طيب إنتي بتعملني إيه بالظبط؟
- بعدين أقول لك.
- أنا عارف. بتشهقى؟
- الله بأه إسمع الكلام. والا عايز الملوخية تبقى زي المية.
- يضحك ويخرج. يبتعد قليلا عن المطبخ ثم يعود بسرعة فتكون هي في انتظاره باسمة هز رأسها.
- عارفة إنك حترجع. مش حاعمل حاجة الا ما تبعد خالص في الصالة عند التليفزيون.
- بيتسم ويبتعد إلى التليفزيون. ويجد نفسه بعد لحظات ينادي:
- خلاص؟
- يأتيه صوتها حلوا:
- خلاص تعالي.
- يدخل يواصل العمل معها.
- كبير الأولاد ومرت السنون وماتت. السرطان اللعين الذي أفصح عن نفسه بعد أن تفشي في الجسد، فخرجت من العمليات إلى الرعاية المركزة إلى الله. كان ذلك بين العيددين. وكان ولدها قد كبرا. الأول في العشرين من العمر والثاني في الثامنة عشر. الأول أممه عامان في

الجامعة والثانويه العامة. كان عليه أن يتماسك أمامهما بأكثـر قدر ممكن. هذه سن خطرة ومن كانت تنتبه إلى حياة الولدين ودعت الدنيا. كانت لا تسمح لهما بالبقاء كثيراً في الشارع. تتبع تحرـكاًهما ودراستهما أكثر منه هو المشغول في أعمال كثيرة. صار عليه الآن أن يقوم بكل شيء. كانت تقول دائمـاً أن الشارع والمدرسة والجامعة صارت مناطق الخطر. ومهما بذل الأهل من جهود في التربية فهذه الأماكن صارت تفسد كل شيء مالم ينتبه الأهل. وتربية الصبيان أصعب من البنات لأن اعتدادهم بذاته أكبر وطاعتهم لأهلـهم أقلـ. صار عيناً لا تغفل عن ولديهـ. صار أباً وأمـاـ. قـللـ من أعمالـهـ الخاصةـ. وصارـ هو الذي يطبـخـ، وعلـمـهماـ استـخدـامـ الفـسـالـةـ، وعلـمـهماـ أنـ يـقـفـاـ معـهـ أحيـاناـ وهوـ يـطـهـوـ الطـعـامـ ليـتـعلـمـ ماـ تـعلـمـهـ منـ أـمـهـماـ. بـالـلـيلـ يـنـامـ وـيـظـلـ هوـ وـقـتاـ طـوـيـلاـ يـتـأـلمـ فيـ صـمـتـ يـتـذـكـرـ أـيـامـهـماـ الجـمـيلـةـ. لـاـ يـرـيدـ أـبـداـ أـنـ يـدـوـ أـمـاـ الـولـدـينـ حـزـينـاـ حـتـىـ لـاـ يـفـتحـ جـرـحـهـماـ.

عاد شهر رمضان كما يعود دائمـاـ. الأيام لا تقفـ منـ أجلـ أحدـ. قال لنفسـهـ ذلكـ فيـ حـسـرةـ. استـعدـ لهـ كـمـاـ يـسـتـعدـ كـلـ عامـ. إـشـتـريـ ماـ كـانـتـ تـشـتـريـهـ زـوـجـتهـ منـ أـطـعـمـةـ ويـامـيـشـ وـبـلـحـ. قـرـرـ أنـ يـجـعـلـ رـمـضـانـ مـبـهـجاـ مـثـلـ كـلـ عامـ، وـأـنـ لـاـ يـشـعـرـ الـولـدـانـ بـفـقـدـ أـمـهـماـ. دـعـاهـماـ إـلـيـ المـطـبـخـ معـهـ مـثـلـ كـلـ عامـ، وـأـيـ شـيـعـ لـيـنـسـيـ إـنـهـ كـانـ يـقـفـ هـنـاـ مـعـهـ، وـهـمـاـ بـدـورـيهـماـ أـحـسـاـ بـذـلـكـ فـكـانـ يـفـتـحـانـ مـعـهـ أـحـادـيـثـ عـنـ كـلـ شـيـعـ فـيـ المـدـرـسـةـ أوـ الجـامـعـةـ أوـ أـصـحـابـهـماـ. وـدـائـمـاـ كـانـ يـحـكـيـانـ أـشـيـاءـ تـشـيرـ ضـحـكـهـ وـبـهـجـتـهـ. أـنـجـزاـ ماـ كـانـ يـطـلـبـهـ مـنـهـماـ مـنـ إـعـدـادـ لـلـسـلـاطـةـ أوـ غـسلـ الـأـرـزـ اوـ إـعـدـادـ الـعـصـيرـ وـغـيرـهـ

من الأشياء البسيطة. بعد أن انتهوا من كل شيء كانت دقائق قد بقيت على مدفع الإفطار، فراح يعطيهم صواني الطعام والأرز وزجاجات العصير والأكواب وسلطانيات الشربة الطعام والأطباق الفارغة التي سيفرغ فيها كل منهم مايسأه من الطعام، وهم يحملان ذلك إلى السفرة في الخارج. توضاً الولدان استعداداً للصلوة حين ينطلق المدفع. راح هو ينظم الأشياء على السفرة ثم توضاً بعدهم. وحين انطلق مدفع الإفطار وأذن المؤذن للصلوة قاموا وصلوا في الصالة خلفه كما تعودوا كل عام، ثم عادوا إلى السفرة وجلسوا. إنبه الإبن الأصغر إلى الأطباق الفارغة التي أمامهم فضحك وقال:

– بابا حضرتك حطيت على السفرة أربع صحون واحنا ثلاثة.

قال الأكبر وهو ينظر إلى الأوانى كلها على السفرة:

– صحيح. حتى الكوبيات الفاضية علشان العصير أربعة وسلطانيات الشوربة أربعة وكمان الشوك والسكاكين والمعالق أربعات، واحنا شيلنا كده الحاجة للسفرة وماخدناش بالنا.

إنبه الأب فسكت قليلاً وراح يقاوم دموعه التي صعدت إلى عينيه فجأة، ثم قال بصوت متهدج غير قادر على منع نفسه:

– ماما حتاكل معانا.



**الحِسْل**

مكذا شاءت ظروف عمله أن تكون أجازته السنوية هذا العام في رمضان الكريم. زملاؤه المصريون يقولون له ضاحكين هذا هو الجهاد الأعظم. فهو سيتزوج ويعضي شهر العسل ويعود تاركاً زوجته. زملاؤه السعوديون يضحكون ويقولون والله ياراجل انت صعبان علينا، بس مافي مشكلة الدنيا شتا وعندك الليل طويل. أما هو فقد جا إلىشيخ الجامع القريب وسأله هل يبيح له الزواج الإفطار في رمضان. وطبعاً قال له الشيخ أن الزواج لا يبيح الإفطار في رمضان، لكن من المؤكد أن أجره عند الله سيزيد هذا العام عن كل صيام سابق. في القاهرة كانت عروسه تنتظره في ارتباك، غير قادرة أن تسأل هذا السؤال لأحد. أصحابها يضحكن ويقلن لها إنني مش أول واحدة تتجوز في رمضان. وبعدين يعني إنني حتسافري معاه بعد رمضان وهناك حيقي شهر العسل الحقيقي. حدثته عبر الشات أن يحاول إرجاء أجازته لبعد العيد الصغير فأخبرها باستحالة ذلك. سيصل في اليوم الخامس من رمضان، وسيكون حفل الزواج في اليوم العاشر، ويعود إلى السعودية آخر أيام العيد الصغير.

تم عقد القران وانتهي حفل الزواج، وصعدا إلى غرفتهما التي خصصها لهما الفندق الذي أقيم فيه الحفل ليوم واحد، وفي اليوم الثاني طارا إلى طابا لقضاء أسبوع هناك. في الطائرة جلس جوارها صامتاً يبتسم من سوء الحظ. فموعد الفرح أيضاً جاء مع موعد دورتها الشهرية. كيف

حقا لم تخبره بذلك فكان يمكن تأجيل الفرح إسبوعا آخر.  
لقد جلست ليلة الزفاف صامتة تضع رأسها بين يديها في هم واضح  
وقالت له:

– سامحني يا حبيبي ماقدرتش أقول لك. زهقت من الظروف دي  
وقلت علي الأقل أبيقي جنبك.  
قال مبتسما وهو يرفع يديه إلي السماء:  
– رمضان وقلت مش يابدي. تطلع لي الدورة كمان. سبحانك ما  
أعظم شأنك.

ثم ضحك وأمسك بيديها يقبلهما وقال:

– ولا يهمك يا حبيبي. كده حنشتاق بعض أكثر.  
وراح يقبلها بينما كانت دموعها ترول على خديها.  
في الطائرة قال لها ضاحكا:

– العيلة كلها عرفت ميعاد الدورة الشهرية بتاعتكم.  
لكزته في ذراعه وقالت:  
– إزاي؟

– العيلة كلها كانت مستتبة المنديل. دم البكاره.  
ضحك وسألها:  
– جبتيه معاكي.  
– نسيت.

– كمان. طيب نشتري منديل من طابا.  
لكن ران علي وجهها شيء من الألم فقال لها:  
– يا حبيبي أهم حاجة في الدنيا إن احنا مع بعض. كفاية إنك في

حصني. دا بالدنيا كلها.

ثم ضحك وقال:

— إيه رأيك نفتر هنا وماحدش شايف حاجة؟

نظرت إليه مندهشة فقال ضاحكاً:

— حتى لو فطRNA. السكة مفولة حنس أيام!.

قرصته في ذراعه. وبعد خمسة أيام دخل بها، لكن كان عليهما أن يعودا إلى القاهرة في اليوم الثاني. شقتهما تم تأثيثها كاملاً. وسيمضيان بقيمة الإجازة بها. جهزت أمها الشقة بكل ما يمكن أن يحتاجه العروسان من طعام. اعتذرا عن كل دعوة للإفطار من أسرتها أو أسرته. الآن سيمضيان أيام العسل كما ينبغي. أمضيا الليل في هناء النهار في نوم أو أمام التليفزيون. طول النهار لا يكفي هو عن الاقتراب منها وهي تبتعد وتضحك وتشير إلى ساعة الحائط كأنما تعلنه باقتراب موعد مدفع الإفطار. يقول على فكرة البوس مش حرام. تضحك وتقصي من أمامه. ما فيش اي حاجة حرام إلا النوم الكامل. يقول ويكمel، أنا سألت واحد شيخ في السعودية. تقول له:

— أدخل معايا المطبخ ساعديني وسللي نفسك بالشغل.

دخل معها المطبخ الذي وضعت فيه راديو مفتوحاً على محطة القرآن الكريم. راح يساعدها بهمة، خاصة أن حياته وحده في الغربة جعلته مدررياً على الطهو. لكنه بين الحين والحين يخطف قبلاً، أو يأخذها إلى صدره فتترك نفسها لحظة، ثم تبتعد وبيدو التوتر على وجهها. فجأة قال لها:

— سمعتي؟

- سمعت ايه؟

- الشيخ اللي بيكلم في الراديو قال أن كل حاجة حلال في الصيام إلا الجماع. زي ما قال لي الشيخ السعودي بالظبط.  
قالت:

- حبيبي انت بتسمع اللي انت عايزه. وبعین يا حبيبي انت ما بتتشبعش؟  
قال ضاحكا:

- أشعبي؟ دا انا أكبر محروم في الدنيا. دا هما أربع أيام دلوقتي. والحقيقة هما اتنين لأن لينا في كل يوم نصه بس. نص في أربعة يعني اتنين.

- طيب طيب. أصبر يا حبيبي. خليني اشوف الأكل ليشيط ع النار.  
وعادت إلي عملها وقالت:

- أحسن حاجة تغسل المواتين اللي استخدمنتها. تقف بعيد عن  
الحوض.

قال بدھشة:

- بعيد. المتر ده يبقى بعيد؟  
- أية تدي وشك للحيط.

قالت ذلك ضاحكة، وهو بدوره ضحك، وراح يغسل المواتين، وهي بدأت تتبه إلى أنها سمعت الشيخ يقول شيئاً قريباً مما قاله لها. ابتسمت واستغفرت الله وواصلت عملها. بعد لحظات ترك الحوض والأواني وجاء من خلفها وأحاطها بذراعه وراح يقبل عنقها من الخلف. كان صوت الشيخ رفعت يأتي من الراديو وهو عادة يأتي في هذه المحطة قبل الإفطار بخمس دقائق. راحت هي تحاول التملص منه. استطاعت أن

تستدير اليه. النار تكاد تشعلها ولا تستطيع الابتعاد عنده. نظرت إليه صامتة ولاحظ شرود عينيه وقالت بصوت خفيض حرام. أنا خايفة وكان الشيخ رفعت قد انتهي وانطلق مدفع الافطار فحملتها إلى السرير قائلا:

– نفطر عسل النهاردة.  
وتركا كل شيء يغلي أو يحترق على النار.

تامر يُؤكِّدُ

دعاني أحد ألاصدقاء الشباب للإفطار أنا وزوجتي عنده. ذهبنا قبل الموعد بساعة. سرّ صداقتنا هو صدقة زوجتي، بل كانت زوجته تلميذة لزوجتي في المرحلة الإعدادية، وهي الآن مدرسة في المدرسة التي تعمل زوجتي مديرة لها. جلست أنا وهو في الصالة نتحدث والتليفزيون مفتوح أمامنا لا نهتم به. تركناه لإبنه وإبنته التوأم يتفرجان ويقلبان في قواته. ولداي لم يكونا معنا فهمما متزوجان. إبنه وإبنته في العاشرة. سألني وهو يشير اليهما:

- ايه رأي حضرتك في الولاد. بيصوموا. باحاول أعودهم على الصيام، وصاموا التلات أيام اللي فاتوا.

قلت:

- مش عارف لكن أنا أشعر إن الصيام غير مناسب لسنهم.  
نظر إلي في دهشة وقال:

- معقول؟ لا. المفروض يتبعودوا على الصيام. العاشرة سن مناسب جدا، خصوصا إننا في الشتاء والفطار يجي بسرعة.

- مش عارف. أنا أصللي تربيت في بيت بسيط. أبويا الله يرحمه كان متدين جدا لكن في مسألة الصيام ما كانش يضغط علينا في سن مبكر. فاكر إيني صمت أول مرة في سن اناشر سنة تقريبا. وحتى في السن ده أبويا كان دايما يقول لي إذا جعت أوي كل الدين يسر ولا يكلف الله نفسها إلا وسعها. عارف حاجكي لك حكاية لطيفة جدا.

ووجدت نفسي أحكي له حكاية مضي عليه نصف قرن تقريباً. كان رمضان في الصيف. وكنت أصوم لأول مرة. وزارتني جدتي من الأرياف محملة بالبط والأوز والقطير المشلت. لم تطبخ أمي شيئاً ذلك اليوم. فقط أعدت عصير قمر الدين. كان من عادة أبي أن يطلب من أمي وضع الأكل على الطبلية قبل المدفع بعشر دقائق مثلاً أو ربع ساعة. كان يعتبر انتظارنا للمدفع والأكل أمامنا نوعاً من الثواب نأخذه لأن في الانتظار شيئاً من العذاب. في ذلك اليوم الذي كان الأكل فيه جاهزاً وضعته أمي على الطبلية قبل نصف ساعة تقريباً. كان أبي سعيداً جداً وهو جالس أمام الطبلية يقرأ القرآن في صمت من مصحف قديم وينتظر المدفع. أمي جلست في الحجرة الداخلية وراحت مع جدتي في حديث طويل. أختاي الأكبر مني جلستا أمام الطبلية في أدب. كنت ألاحظ أحياناً أنهما تنظران إلى بعضهما في شيء من الحسرة. في ذلك اليوم كنت أريد أن أثبت لنفسي قدرتي على الصيام. لكن منظر البطة والأوز المعمر والقطير المشلت وعسل النحل كان شيئاً لا يمكن مقاومته. إنسحبت بهدوء خارجاً من باب البيت. كنا نسكن في مساكن المسكة الحديد وكل بيتهما دور واحد. كان هناك جامع صغير يؤذن فيه المؤذن بلا ميكروفون. لم نكن نعرف الميكروفونات إلا في الأفراح. وقفـت تحت النافذة وأذنت المغرب. رفعت صوتي بقدر ما أستطيع. إنتهـيت من الأذان بسرعة ودخلـت البيت، فوجـدت الجميع يشربون العصـير ويبدأـون في الأكل. جلـست وأكـلت معـهم في صـمت. لاحـظت أنـ أبي يـنظر إـليـ أكثر من مـرة. ارتبـكت جـداً وخفـت. لـابـدـ أنهـ عـرفـ صـوـتيـ. فيـ منتصفـ الأـكلـ أـذـنـ المؤـذـنـ فيـ الجـامـعـ. لمـ يـكـنـ لـدـيـناـ رـادـيوـ. لمـ يـكـنـ أحدـ

يمتلئ راديو في المساكن. وطبعاً لم يكن التليفزيون قد ظهر. توقفت أمي عن الأكل وقالت. استغفر الله العظيم. مين ابن الحرام اللي أدن وخلانا فطربنا قبل الميعاد. نظر إلى أبي وقال خلاص. إحنا ماغلطناش وحسابنا عليه عند ربنا. كملوا أكل» أكمل الجميع الأكل في صمت. وبعد ذلك أخذني أبي إلى الغرفة وقال لي هامساً، ماتعملش كده تاني يا مصطفى. ارتبكت وخفت وقلت هو أنا عملت إيه؟ قال لي أنت اللي أذنت. أنا عارف صوتك. ما أخدتش بالي علشان كنت مشغول بالقرآن. لكن لما أذن المؤذن الحقيقي انتهت. افتكرت إيني سمعت صوت زي صوتك. أmek برضه عارفة صوتك بس كانت مشغولة بالكلام مع جدتك وكويس إنها ما خدتني بالها زي. وخواتك البنات عارفين صوتك بس ما اتكلمواش علشان أكيد كانوا جعانيين. ودول حسابهم معايا. كده يابني ذنب كبير تتحمله في السن ده. جعت كل. مش أنا قايل لك كده؟

ضحك صديقنا الشاب وضحكت معه وارتفع صوتنا جداً. قال:

- وما ضربكش مثل؟

- لا.

- والد حضرتك دا كان متسامح أو ي.

قلت:

- كان يختم القرآن في رمضان في المنزل. أنا حفظت تقريباً نص القرآن من استماعي له. كان زمن وكانت ناس. بعد لحظات ارتفع الآذان في غرفة داخلية في شقة صديقي. نظرنا إلى بعضنا في دهشة وانطلقنا نضحك. نادي بصوت عالي.

- ياتامر. تعالى هنا.

وجاء تامر إبنه من الغرفة يرتعش.

قلت:

– ارجوك ما تزعلوش.

حاول صديقي الشاب إخفاء ابتسامته وقال:

– جعان؟

قال تامر:

– لا.

– انت جعان.. أمال بتذن ليه؟ ادخل المطبخ عند ماما كل أي حاجة  
اتصيريها.

أسرع تامر إلى المطبخ وانطلقا نضحك من جديد. لقد سمعني وأنا  
أحكي الحكاية وطبعاً لم يكن ممكناً أن يخرج ليؤذن في الشارع، فالعمارة  
عالية وشققهم في الدور السابع والمسجد كلها تؤذن في الميكروفونات  
وال்டيليفزيون أمامنا مفتوح على التمثيليات ولم يبدأ فيه القرآن الذي  
يسبق الآذان بعد. وأكيد لم يتبه تامر من فرط الجوع أنا سنكتشفه  
بسهولة. وقامت خلف تامر أخته أيضاً وأنا لا اتوقف عن الضحك.



بلاش تسافر

ثلاثة أيام تحاول أن تقنع أمها بأن تتركها تفطر مع خطيبها خارج المنزل..

- ليه ياما ماما بترفضي أخرج معاه؟

- كفاية كده. سنتين خطبة ولا جاب شقة ولا عمل أي حاجة مستقبله.

- ياما ماما مش يايده.

- لا يايده. جات له فرص كتير يسافر الخليج وكل مرة يرفض. جوز اختك هناك بعت له أكثر من مرة. أخوكي كمان بعت له. وقلنا له يسكن في الشقة اللي بابا اشتراهالك ورفض. إنتي بتحبيه علي إيه؟

- ياما محمد شاعر ومكانه هنا. مصر. وانتي عارفة أنا باحث الشعر والأدب. محمد مثقف ياما واحنا بنحب بعض من أيام الجامعة وحضرتك عارفة.

كانت أمها تنظر إليها ساخرة.

- شاعر. بذمتك بتفهمي اللي بيكتبه. خلاص روحي الفطري معاه. بس ياريت تقولي له يحط نهاية للحكاية دي. فيه عشرة ورا الباب ده يتمنوا رضاكي. بعددين حتفظروا فين إن شاء الله.

- في المكس عاليحر عند الفنار. عند اللول.

- مين؟

- اللول. مطعم سمك شعبي على المية على طول.

- ياهوي. باحسبك حتفولي «سي جل». روحي ولما ترجعي ما تحكيليش حاجة.  
وتركتها أمها في غيط.

إختار محمد مكاناً بعيداً بأمتار قليلة عن الناس. الموج تحت أقدامهما والفنار القديم أمامهما وعلى الشاطئ فقراء حي القباري والورديان الذين آثروا البقاء على الشاطئ طول النهار، وسيمضون أيضاً جزءاً من الليل فالجو صيف. صوت الموج الذي يتهادي إلى الشاطئ لا ينقطع. والشمس هناك في الغرب تزل إلى الماء وتصبغ الأفق بحمرتها الشهية. سفن تقف بعيداً تنتظر دخوها إلى الميناء. سفينة خارجة من الميناء تبتعد في الماء. عامل من عمال المطعم القليلين يضع أمامهما أطباق السلطة. حين وضع العامل أطباق السمك هتفت سعيدة:

- الله. كابوربا وكاليماري ودينيس كمان!

- كميات بسيطة بس قلت أنواع في الأكل.

- أول مرة في حياتي أكل جنب المية كده. المكان هنا حلو أويء. كان هو ينظر الي طيور النورس التي تدور فوق الماء. تبعد وتعلو ثم تعود. تزل إلى الماء تخطف شيئاً وترفع به إلى الفضاء ثم تعود للدوران. لاحظت هي ذلك أيضاً فقالت:

- هو النورس بيزل المية ليه؟

ابتسם وقال:

- يلقط السمك.

- جميل أويء.

قالت ذلك بطفولية عذبة. وانطلق مدفع الإفطار فبدأ الحاضرون في

الأكل بينما قام بعضهم يصلی بعد أن فرد مصلية كانت معه على الأرض. وانساب صوت الشيخ محمد رفعت يؤذن بصوته الذي خلقه الله للسکينة والوداعة والرضا.

سكتا قليلاً وراح يأكلان في صمت. طال الصمت فقالت:

– أنا مش عايزة أك تساور.

ابتسمت وعاد للأكل فقالت:

– إحنا كده كويسيين وأنا مش حاتخلني عنك أبداً.

إربك للحظة ثم عاد يمضغ الطعام شارداً يفكّر أنه لابد قد أثير في مترها كلام عن تخليها عنه.

– بس أنا خلاص. حاسافر.

هلّت الفرحة من عينيها وافتشرت وجهها.

– معقول. يعني وافتقت؟

ثم وضعت يدها على يده وقالت:

– مقتضي يا حبيبي؟

– مقتضي. لابد من نهاية يا آمال.

وعادا إلى الصمت وراح من جديد ينظر إلى طيور النورس. رأى أحدها يترك السرب الذي يدور بينه ويقترب من الشاطئ ثم يعود إلى السرب من جديد. ومرة أخرى عاد إلى صخور الشاطئ يحوم فوقها ويعود إلى السرب البعيد فوق الماء.

– حاجة غريبة. طائر نورس جه مرتين يطير فوق الصخور ويرجع للسرب الأصلي فوق الميه.

ابتسمت وقالت:

— عادي مش بيطير. وبعدين ازاي عرفت إنه هو نفسه.  
قال بلهفة:  
— بصيّ. أهو جاي.

نظرت حيث أشار فرأته طائر النورس يقبل مسرعاً في الفضاء ويدور أكثر من دورة فوق الصخور، ويرتفع ثم ينخفض ثم يرتفع من جديد، ثم يهبط بسرعة فائقة يصل برأسه إلى الصخور ويعود يرتفع ويضي بعيداً فوق الماء. لكنه ارتفع جداً وبشكل فائق ثم صرخ صرخة مدوية وسقط بسرعة إلى الماء ليختفي وسط الموج. ابتعدت طيور النورس بسرعة في كل اتجاه وحلقت عالياً وبدأت تصرخ وبداً أنها ستترك الشاطئ.

قالت بدهشة:  
— ماذا جري؟

لكن اللول صاحب المطعم وهو صياد قديم وقف قريباً منهما يقول:  
— نورس غشيم. نزل الصخر خطف كابوريا. أكيد غرست رجلها فيه. مات. البحر واسع قدامه وكله خير ليه بس يروح للصخر.  
طال بينهما الصمت وهما يستكملان الإفطار. في اللحظة التي انتهت فيها قالت له بشفقة وخوف:

— أنت بتحبني يا محمد؟.

نظر إليها نظرة عميقه كلها شغف وحب وقال:  
— قد البحريا آمال.

قالت وهي تمسك بيده:  
— خلاص. علشان خاطري بلاش تسافر.



ହୋକାଗ ଦିଲ

كان صبياً يعمل في محل جزارة. تعلم في المحل كل شيء. الذبح والسلخ والبشركة. أي إخراج المعدة والأمعاء وتنظيفهما، وطبعاً الفرم وعمل السجق. كل ما يتعلق بالمهنة في الحقيقة. كان من أحلامه أن ينخصص صاحب المحل جزءاً منه كمطعم، لكن صاحب المحل كان يرفض ذلك ويقول له ضاحكاً «علشان يجوا بتوع الحكم المحلي والحي ووزارة التموين يأكلو بلاش. الله الغني» ويضحك.

جاء اليوم الذي صار فيه كبيراً على العمل عند أحد. لكنه ظل وفيها معلمه صاحب المحل. مات معلمته فلم يشاً وفاؤه أن يجعله يتخلص عن بناته الالاتي كن بعيداً تماماً عن المهنة، فهن ثلاثة تخرجن من الجامعات وتتزوجت إثنان منهما. لكنه لم يتحمل معاملة زوج إحدى المتزوجتين فقرر ترك العمل. استطاع بما ادخره مع الزمن ومساعدة زوجته التي باعت ذهبها كله، أن يؤجر محلاً في شارع كبير في حي شعبي ويعده للمهنة التي لا يعرف غيرها ويتقنها أكبر إتقان، ويحقق حلمه أيضاً في تخصيص جزء كمطعم للكباب والكفتة. كان رمضان الكريم على الأبواب فتوقع خيراً كثيراً. خفض أسعاره عن كل الجزارين، وفرش الرصيف بالطرايزات الجديدة، وما كاد نهار أول يوم في رمضان يمضي حتى كان قد باع تقريباً كل كميات اللحم التي عنده، باستثناء ما أعدوه للشيء من كباب أو كفتة أو طرب أو موزة أو ريش. قبل المدفع بساعة تذكر مقالة له معلمه الراحل عن رجال الحي أو التموين فاستعد لهم

بالتخفيض فقط في السعر. لكن لا أحد جاءه. فقط هل على أمين شرطة طويل لا توقف عيناه عن الحركة وقال له:

– الباشا متضايق من ريحه الدخان.

إندهش جداً وقال باسمه:

– هيا بتعدي الشارع.

– دي مش الريحه بس. الدخان نفسه بيدخل من شبابيك النقطة.

– كانت شبابيك نقطة البوليس أمامه مغلقة دائماً. لقد تشاءم للحظة أن يستأجر محلاً أمام نقطة البوليس. أحس بذلك وهو يكتب عقد الإيجار. لكنه استسلم للموقع والمنطقة الشعبية. ثم يكُن أن يكون في ذلك حماية له. هكذا حدث نفسه وقتها.

وقف أمام أمين الشرطة متربداً في الكلام ثم قال:

– مش عارف أقول لك أيه!

قال الأمين:

– ماتقولوش حاجة. حيتعود. وبيني بينك الريحه برضه عاجبه. بيقول لك ابعث لنا فطار النهاردة.

ابتسم وقال:

– تحت أمرك. للباشا؟

– للباشا الكبير والإثنين البهوات الصغيرين.

– يعني ثلاثة؟!.

– بالضبط. عليك نور. بس قلل الكفته وكتر الكباب. ممكن موزة يقى أحسن. أو أقول لك شكل. كباب علي موزة علي طرب.

قبل المدفع بدقائق كان أمين الشرطة قد عاد إليه وحمل طعاماً لثلاثة

أشخاص. أعطاه الفاتورة فنظر إليها أمين الشرطة وابتسم ثم قال في رضا مصطفى:

— معقول برضه.

تكرر الأمر في اليوم الثاني والثالث. وأمين الشرطة يأخذ الفاتورة ولا يأتي بحساب. في اليوم الرابع وقبل المدفع بساعتين وجد أمامه عدداً ضخماً من رجال الرقابة على السلع من وزارة التموين ومن رجال الحبي. قال لهم وهو يشير للمحل:

— افضلوا ما عندناش حاجة تخوفنا.

لكن ظهر أمين الشرطة فجأة وراح يتكلم معهم بصوت غير مسموع، فانصرفوا جميعاً مبتسمين. قال لأمين الشرطة:

— ليه ما سببتمش يشوفوا شغلهم. أنا ما عنديش مشكلة.

— حضرتك غشيم. هما اللي حيعلموا ليك مشكلة. وحليني على ماتثبت إنك صحي. وبعدين حتضطر تدي كل واحد كيلو لحمة على الأقل وكيلو كباب كل يوم. وحبيبيوا بعض. مادام عرفوا السكة. يعني حتففل وتبيع الهوا بعد كده.

نظر إلى أمين الشرطة نظرة طويلة وابتسم وهز رأسه فقال الأمين:

— معلش الباشا بيقول لك النهاردة عازم ضيوف علي الفطار في النقطة. إبعت له فطار خمسة.

هز هو رأسه وانصرف الأمين.

بعد الإفطار والعمال تنظف كل شيء قال لهم:

— معلش ياجماعة. كل واحد منكم يشوف ليه كام عندي. مش لازم تستنوا لأنخر الأسبوع.

قال أحدهم ضاحكا:

- حتفبضنا النهاردة يا معلم. هي البلية لعبت؟

قال:

- لا. خلاص. حافقل واشوف محل في حنة تانية. مش لازم استنى  
لغاية ما أبيع اهوا.



سُوك وَجْمَبْرِي

سيع بعض أصحابه يتجلدون عن مائدة الرحمن التي يقيمها مرشح مجلس الشعب عن دائرة مينا البصل. المقاعد الخشبية الجديدة التي يجلس عليها رواد المائدة. المناضد الجديدة. الأطباق الصيني والأركوبال. أنواع الأكواب الفاخرة. الطعام المقدم. لحوم مسلوقة وشوربة وكباب وكفتة وطواجن من الأرز المعمر. والأهم أن المائدة داخل سرادق كبير جدا بحيث لا يري من بداخليها أحد. وكيف أن المرشح أحياناً يتضمن إلى ضيوف الرحمن هؤلاء فياكل معهم. إلا أنه رغم ماسعه لم يجد في نفسه الرغبة في الذهاب. مضي أكثر من عشرين يوماً الآن من الشهر الكريم وهو يتنقل بين الموائد، وكلها تقدم الخضار واللحام حتى عافت نفسه الخضر واللحوم. لماذا لا يقدم أحد الأسماك في مائدة. اليوم عرف أن مطعم «سي جل» بالمكس قد أقام مائدة منذ أول رمضان. أحاس بالأسف لأنه لم يعرف، لكن فليذهب إليه. هو يعرف مكان المطعم وإن لم يدخله أبداً من قبل. هو في الحقيقة من هواة موائد الرحمن، ليس عن حاجة شديدة. ولكن لأنه يعيش وحيداً بعد أن طلق زوجته منذ عامين. هو موظف في إدارة شركة باتا للأحذية بالقباري. يختار منذ رمضان العام الماضي موائد شرق المدينة حيث لا يمكن أن يعرفه أحد. «سي جل» غرب المدينة، لكنه أيضاً بعيد عن بيته بما يكفي حيث يسكن في منطقة المفروزة قرب عمله. إذن فليؤجل مائدة عضو مجلس الشعب التي هي ليست إلا رشوة مقنعة لانتخابه.

قبل مدفوع الإفطار بساعة، كان قد انتهي من ارتداء أفحى ملابسه، ووقف ينظر في المرأة. بدلة انيقة لكنها موضة قديمة. لا بأس. المهم الكرافته الحمراء التي ستعطيه فخامة فوق القميص الأبيض، وأخذ طريقه إلى سي جل. ركب الأوتوبيس المتوجه إلى العجمي، ونزل منه عند شركة بتروл المكس. سيمشي قليلا حتى سي جل. كانت ثلث ساعة تقريبا قد بقيت على مدفوع الإفطار. في الطريق إلى المطعم القائم على البحر، نظر إلى بعض المقتنيات القديمة أمامه، مثل الترام القديم والمدفع القديم، وراح يسترجع ما سمعه كثيرا عن المطعم الذي أكل فيه الملك فاروق وفنانو مصر الكبار وقادة الحرب العالمية الثانية. دخل إلى المطعم فوجده المناضد كلها تقريبا ممتلئة بالبشر. «ياه كل دول زي حالاي» وقف متربدا ومرتبكا فتقدم منه نادل في زي فخم وقال «أفضل» مشي وراءه حتى ركن بعيد حيث منضدة صغيرة تسع شخصين، وأشار له بالجلوس فجلس وقال النادل:

– معلش حضرتك أتأخرت كتير. ما فيش غير المكان الصغير ده. بس برضه بيطل على البحر.

قال في سرعة ورضا:

– لا دا حلو أوبي حد طايل!

ارتبك النادل للحظة من طريقة كلامه، ثم ابتسם وقدم له المنيو – قائمة الطعام – التي على المنضدة وقال:

– حضرتك ممكن تختار بس الوقت ضيق يعني، فياريست تسيبني اختار لحضرتك.

– أية عليك نور اختار أنت.

ارتباك النادل من جديد، ثم عاد يبتسم، وجلس هو ينظر حوله. وجوه لامعة من البشر تكاد تكون حمراء. نساء جيلات. رائحة البارفان تملأ الجو حوله. مائدة رحمٌ؟ معقول؟ لكن هو ده المطعم. ليس هناك إلا سيد جل واحد في الإسكندرية..

حضر نادل آخر بسرعة حاملاً كوباً من عصير قمر الدين، وطبقاً من الخشاف، وزجاجة ماء معدنية، وكوباً كبيراً. وبعده بسرعة نادل آخر يحمل السلطات والمخلل وبابا غنوج وطحينة وأنواع غريبة لا يعرفها من المشهيات. ثم جاء النادل الأول يحمل صينية عليها ثلاثة أطباق، في أحدها سمكة بوري كبيرة، وفي الآخر جبوري مشوي كبير، وفي الثالث كاليماري مشوي، وطبقاً من الأرز الأحمر المحشو بالجمبري، وسلطانية من الشوربة يظهر منها أطراف من الكابوريا وقطع الكاليماري والجمبري. وضع كل ذلك أمامه وقال:

– آسف جداً. بعد كده حضرتك تيجي بدري علشان تلحق الدinis والمياس.

– هه. آه طبعاً طبعاً. دا أنا بكرة حاجي من العصر.  
وانصرف النادل مبتسمماً وزادت حيرته هو من هذا الجو البديع حوله، ولكن انطلق مدفوع الإفطار وارتفع الآذان من شاشة التليفزيون المعلقة على الحائط، وانخرط الجميع في الأكل، وحط عليهم الصمت. راح هو يأكل على مهل غير مصدق ال�باء الذي يشعر به. وقال في نفسه الحمد لله. بلا مجلس شعب بلا نيلة. وأشار للنادل الذي كان قد اختفي ثم ظهر هو وزملاؤه يرفعون الأطباق.  
قال النادل:

- الحلو متوفّر. فيه كل حاجة.

ارتبك وقال:

- اختار لي انت برضه. النهاردة كله بتاعك.

ابتسم النادل وهز رأسه مستغرباً، واختفي ليعود ومعه طبقاً بالحلويات.

- شكرنا.

قال ذلك وبسرعة التهم مافي الطبق. ثم أشار إلى النادل من جديد، فهز النادل رأسه من بعيد.

كان هو يريد أن يسأل النادل هل لو جاء مبكراً حقاً سيجد المياس والجميري، لكن النادل فهم من إشارته إنه يتطلب الحساب. لحظات وتقدم النادل إليه ووضع الحافظة الجلدية السوداء أمامه.

- إيه دي؟

- الحساب يافندم. كنت تحب تشرب قهوة والا شاي الأول قبل الحساب؟

فتح الحافظة فوجد فاتورة صغيرة جداً أمسك بها وقال:

- حساب ايه؟

- حساب الفطار يافلدم. متين خمسة وسبعين جنيه بس.

ارتبك وارتعدت مفاصلك، انفجرت مسام وجهه وجسمه كله بالعرق، وقال بصوت مبحوح لا يكاد يخرج.

- هيا دي مش مائدة رحمن؟

ارتبك كل من في المطعم والنادل يمسك به من كتفه، وينادي زملاءه صارخاً فيهم أن يأتوا بسرعة.

مشي معهم وهم يمسكون بكل مكان من ذراعيه وبدلته، والمدير الذي يجلس بعيدا جدا يراقب الموقف ويري دهشة الزبائن علا صوته وقال:  
— سيبوه. إتفضل هنا.

وعرفت القصة بسرعة وانطلقت الضحكات بين الزبائن، كما ظهرت علامات الشفقة على بعضهم. نظر اليه المدير وإلي ملابسه، ثم إلى النادل وزملائه، وقال بهدوء:  
— دا شكل زبون لسي جل؟. وبعدين أنا شا يفه داخل قبل المدفع بربع

ساعة، يبقى ده يعرف يعني إيه مطعم سمك. اتفضل يا استاذ روح. مائدة الرجنن ورا المطعم. هنا المطعم نفسه.  
ثم نظر لعماله وقال:

— وقمن الوجبة حاخصموا منكم.  
أسرع هو خارجا لا يصدق.

# رسائل الحشاق

على شاطئ المكس صندوق بريد صغير معلق على الحائط عند كازينو زفير، كلما مررت به تذكرت قصة الحب الصائع. جرت وقائع الحكاية منذ أكثر من أربعين سنة. كان يمكن أن أنسى القصة كما ينسى العشاق، خاصة وأني تزوجت وصار أبنائي شباباً. لكن ما رأيته منذ أربعين سنة لا يمكن أن أنساه. تقابلت عام ١٩٦٦ مع فتاة من أسوان. كان اللقاء في أحد معسكرات الشباب. كان اسمها رقية. كانت سمراء واسعة عينيها، دقيقة ملامح وجهها. لم يبح أي منا بوجهه للآخر. لكن بعد أن عدت من معسكر الشباب في حلوان تلقيت منها خطاباً. لم يكن مرّ إسبوع على فراقنا. لقد تبادلنا العناوين لأنّه لم يكن في بيته أسرية تليفون. كانت الرسالة داخل الخطاب معطرة لأنّها وضعت بينها زهرة من القرنفل. كان خطها جيلاً وصغير الحروف. قالت لي في الخطاب بلغة عربية جليلة « هل لك أن تأتي إلى أسوان في زيارة وتترّل في فندق كاتاراكت الجميل » لقد أبدت استعداداً حقيقياً أن تعزمي في الفندق. كان والدها أحد المهندسين الكبار في مشروع السد العالي. أرسلت لها خطاباً يحمل مشاعري الجميلة نحوها. جاءني بعد إسبوعين خطاب آخر تصف لي فيه سحر مدينة أسوان. سحر النيل وجزيرة النباتات وغيرها من معالم المدينة. أرسلت إليها خطاباً أيضاً أرد عليها ضمانته كثيراً من مشاعر الحب. وتلقيت خطاباً آخر تعيد عليّ فيه أيام معسكر الشباب وكم كانت جميلة. لاحظت أنها في أي خطاب لا ترد

على خطاباتي ولا تأتي علي ذكرها. هل لا تصل خطاباتي إليها؟ أنا أضعها في الصندوق الخشبي الوحيد في المنطقة. أرسلت إليها خطاباً أساها عن ذلك. لكن رسالتها التالية تأخرت كثيراً. ثم لم تعد تأتيني رسائل منها. في ذلك الوقت كان كازينو زفير مغلقاً. وكانت هناك محطة سكة حديد مهجورة في المكس نادراً ما رأيت قطاراً يأتِ إليها، وكان دائماً إذا جاء يكون قطار بضائع. حتى جاءني صديقي إسماعيل عبد السلام الذي يسكن وأسرته معنا في نفس البيت، وطلب مني أنخرج قليلاً قبل مدفع الإفطار نجلس على الشاطئ. كان الطلب غريباً فنحن في ديسمبر وأجلو شتاء. كان الشتاء ذلك الوقت حقيقياً وليس كما هو الآن. لم يكن هناك احتباس حراري في العالم يزيد من درجة حرارته، ولم تكن الحكومات المصرية الجاهلة قد ردمت بحيرات مصر العظمى وعلى رأسها طبعاً بحيرة مريوط. بحيرة مدينتي الاسكندرية، فازدادت البلاد احتباساً على احتباس. حرارة على حرارة. وضاع شتاواها. خرجت مع إسماعيل الذي كان حزيناً جداً. وحكي لي قصة حبه الضائع. هو يحب سميرة ابنة خالته فيطنطاً. لكنها لم تعد ترد على رسائله. وخالته جاءت أمس لتعزّمهم على زواج سميرة. كانت خالته وهي تتكلم عن العريس لا تبعد نظرها عنه كأنها تلومه على عدم زواجه من سميرة. هي تعرف أنها تحبه وتعرف أنها أرسلت إليه كثيراً من الرسائل. لقد توقفت سميرة عن التعليم بعد الإعدادية لأنها طاغية الجمال، ولم يكن يمكن لأبيها الريفي أن يترك هذا الجسد الجامح يمشي في الطرقات.

لم يشتراك أبداً في الحديث مع خالته. كل ما قاله إنه اعتذر عن الذهاب مع أسرته إلى الفرج. كان متاثراً جداً من ضياع حبه الأول. ومندهشاً

جدا من أن سيرة لم تذكر له أبدا في خطاباتها أنه وصلها خطاب منه. لقد توافت عن مراسلته بعد الخطاب الخامس. وقالت أمها ذلك بوضوح لأمه اليوم بعد أن ظلت أمس لا تشير إليه. أخذنا الكلام والألم حتى انطلق مدفوع الإفطار ولم نشعر. رأينا الدنيا خالية حولنا من كل البشر، وسمعنا صوت المؤذن يأتي من بعيد. قلت:

- نذهب للإفطار.

قمت أقف وقام معي، لكننا رأينا طفلين صغيرين لا يزيد عمر أكبرهما عن العاشرة يقتربان من صندوق البريد. نظرنا ناحيتهما فوجدنا أحد هما يضع «مفك» في جانب باب صندوق البريد الخشبي ويفتحه بسهولة. تبادلنا النظر. إندهشنا جدا. «يا ولاد الإيه. جاين ساعه الفطار علشان ماحدش يشوفهم» قال اسماعيل ذلك ثم صرخ فيهما:

- ولد. تعالى هنا انت وهو.

كان الذي فتح الصندوق يحمل عددا من الخطابات في يده. تقدم إلينا مرتبكا خائفا وزميله جواره أكثر ارتباكا. قال حامل الخطابات بعد أن اقتربا منا.

- معلش والنبي. مش قصدنا حاجة.  
سألتهما:

- انتم بتعملوا كده من زمان؟

- الولد أحمد بن عم جابر الصياد هو اللي علمنا كده. قال لنا إن الجوابات دايما عليها أسماء بنات. بنجيبيها له يقرأها ويكتب زيها لبنت المعلم زيدان.

تبادرنا أنا واسماعيل النظر في دهشة. كدت أنا أضحك في الحقيقة.

سألهما إسماعيل:

– وهو عرف منين الكلام ده؟

– مش عارفين بس هو دايماً يعمل كده. آه والله.

قال إسماعيل:

– وريني الجوابات.

مد الولد يديه بالخطابات وهو يرتعش. نظر فيها إسماعيل وأعطها لي.  
كلها مرسلة إلى بنات حقا.

قلت للولدين:

– خلاص امشوا وماتعملوش كده تاني. اللي بتعملوه عيب وحرام  
كمان. ياللا من قدامي.

جري الولدان وبقينا أنا وإسماعيل ينظر كل منا إلى الآخر. ماذَا يمكن  
أن نفعل الآن؟ لو أعدنا الخطابات للصندوق البريدي سيعود الأولاد  
ويفاخذونها. لو بحثنا عن أصحابها وخاصة أن علي بعضها اسم المراسل،  
ربما نبدو نعرف سراً لا يريد صاحبه أن نعرفه.

قال إسماعيل في أسف:

– هكذا ضاعت سميرة.

قلت وأنا أهز رأسِي:

– وهكذا ضاعت رقية.

زاد على وجهه الأسف الذي ما لبث أن صار غيظاً، وأمسك بكل  
الخطابات وقفز من سور الكورنيش المنخفض إلى الرمال، والقي  
الخطابات كلها في الماء.  
– ماذَا فعلت؟ ياجنون.

عاد قافرا إلى الشارع جواري لكنني لم أعد منتبها إليه. كنت أنظر إلى الموج الذي عاد إلى الداخل ساحبا الخطابات معه، والأسف يزداد على وجهي. لكن فجأة عاد الموج إلى الشاطئ حاملا الخطابات وقبل أن تستقر على الرمال انفتحت وهي أعلى ذرّابات الموج، وخرجت من داخلها الرسائل تطير عاليا في الفضاء، وتجه كل رسالة إلى ناحية في البلاد. رحت أرفع رأسي إلى السماء أري الرسائل تتفرق تحتها، وهو بدوره راح يفعل ذلك ولا يصدق ما يراه. تماماً مثلّي الذي لا يصدق ما جري حتى اليوم. ليتهم ألقوا رسائلنا في الماء.

شارع الملك

لم يكن قد غادر أهله من قبل إلا للحججية.مضى في الجيش سبع سنوات حضر فيها حرب الاستنزاف كلها وحرب أكتوبر. تأخرت موهبته الشعرية في الظهور إلى الناس. لكنه كان على فترات متباينة يرسل قصيدة إلى جريدة المساء أو مجلة اهلال فيجدتها منشورة بعد ذلك. إطمأن إلى أنه حين يترك الجيش ويجد عملاً في القاهرة سيجد فيها من يتألف معهم من الأدباء وسيبلغ نجمه. سكن في شارع الشيخ الأجهوري بحدائق القبة وعمل في الشهر العقاري ومضت الأيام طيبة. علي المقاھي لا تقطع المناقشات الأدبية واحتتجاجات الأدباء علي سياسة الرئيس السادات واتفاقية كامب ديفيد. بدا له الوقت غير كاف خاصة إنه في شقته يمر عليه الكثير جداً من الأصدقاء من الشعراء وكتاب القصة. كان يعاني من قلة الوقت المتاح له للقراءة والكتابة لكتبة الكتاب الصعاليك وسهولة زيارته. أي شهر رمضان. الضابطان اللذان يسكنان في الغرفتين الأخرين بالشقة لا يزالان متغيبان. سياتيان مرة او مرتين ويعودان إلى وحدائهما في الجيش كما تعود منهما مند سكن. راح يعد طعام الإفطار بمحاس. ويفغى مع أغاني الراديو متوقعاً أن يمر عليه أحد. لم يأت أحد. وضع الطعام أمامه على السفرة الصغيرة وجلس متهدئاً لسماع مدفوع الإفطار من الراديو. صمت كبير عميق شمل الدنيا من حوله. لماذا حقاً لم يذهب إلى المنصورة ليكون بين أهله هذا اليوم الأول من رمضان. في الجيش كانت الحركة كثيرة حوله

قبل الإفطار وبعده تشغله عن ذكري أهله. اليوم لا أحد. فتح نافذة غرفته وأطل على الشارع. لا أحد. صوت القرآن الكريم فقط يهدى الروح. إنطلق المدفع وأكل لكنه لم يشعر بطعم الطعام. لم يسمع دعوة أبيه له بالصحة والنجاح وطول العمر. لم تقدم له أمه نصيبيه من الدجاج أو البط وتدعوه له بالهنا. لم يقل أخيه الأكبر نكتة كما تعود عن بعض أصحابه. لن تقدم له اخته بعد الإفطار طبق المهلبية أو الكنافة. لا جنود حوله يثيرون الصخب. الآن كل أصحابه في بيومهم. من المؤكد أنهم سيظهرون بالليل. لكنه الآن ولا أحد. لم يستطع الجلوس. انتهي بسرعة من الطعام. الذي لم يشعر بطعمه. ارتدي ملابسه بسرعة ونزل من البيت. المسافة قرية من شارع الملك. شارع مصر والسودان الذي لا يزال الناس يسمونه بشارع الملك. هل هذا اسمه القديم أو لأنه ينتهي عند قصر القبة؟ دقيقة أو ثنتين وكان في الشارع. الشارع طويل من الناحتين. طويل كان لا نهاية له من أي جهة. طويل يملأه الصمت والفراغ رغم أنه بالنهار يتعج بالحركة والبشر. المحلات كلها مغلقة كأنها لم تكن موجودة في الصباح. إلى أين يتجه. يسارا في اتجاه قصر القبة أم يمينا في اتجاه دير الملائكة؟ يمينا حتى إذا وصل إلى محطة الدمرداش يكون المترو قد عاد للعمل بعد راحة الإفطار، فيأخذه إلى ميدان التحرير، ويكون الناس قد ملأوا الشوارع. لكنه قرر إذا وجد مقهي يجلس فيها. أجل. لابد أن يكون في المقهي أحد. يشرب شايته فيها معه. بعد قليل وجد مقهي على اليسار فدخلها. كان إثنان يتناولان إفطارهما ولم ينتهيما بعد. واضح أنهما يعملان بالمقهى. كان أمامهما صينية من البطاطس واللحم وأطباق من الأرز والسلطة والمخلل. إنتبهما إلى دخوله. قال أحدهما ضاحكا:

– معلش. حنكميل فطار بس. كان زمانا خلصنا والله بس تعامل إيه في  
البيه اللي صمم يعمل صينية بطاطس في الفرن.  
كان يشير إلي زميله الذي يأكل معه ويضحك والطعام في فمه فيهتر  
جسمه. ابتسם هو وقال:  
– بالهنا والشفا.

قال الذي كان يضحك والطعام في فمه:  
– حضرتك فطرت؟  
– الحمد لله.

– حضرتك بتاكل بسرعة أوي.  
سكت مبتسمًا ولم يرد فعاد الأول يتكلم:  
– علي فكرة حضرتك ما فطرتش. ياريت تيجي تاكل معانا.  
– صدقني فطرت. أنا داخل القهوة علشان أشرب شاي.  
– معلش. أنا والله عندي نظر. حضرتك ما فطرتش. افضل معانا  
ما تكسفشن.

نظر إليه نظرة عميقة ووجد نفسه يقوم من مكانه ويجلس معهما  
ويقول:  
– أنا فعلًا ما فطرتش.

قدم أحد هما ناحيته صينية البطاطس وقال:  
– اعتبر الصينية كلها بتاعتكم. بالهنا والشفا.  
وراح الآخر يغفر له الارز في طبق فارغ وبكمية كبيرة ويقول:  
– لعلك بأه أنا أحسن واحد يعمل رز في مصر.  
وأفهمكوا في الأكل لحظات، وفجأة نظر إليه أحد هما في دهشة.

- ياه حضرتك بتعيط؟

مسح براحته دمعا خفيفا بدأ يتفرق في عينيه وقال:

- بالعكس. أنا فرحان أوي.



ضيوف غير عاديين

عندما وجد إيجار الشقة رخيصاً لم يصدق، لكن السمسار قال له:  
– تقدر تسكن بيلاش كمان!

– ازاي يعني؟  
– بصراحة البيت كله فاضي. البيت تلات أدوار زي ما انت شايف.  
وفي كل دور شقتين. وكل أصحاب الشقق هجروها.  
– عجيب. طيب ليه؟  
– حاقول لك زي ما قلت لغيرك. لعلم حضرتك أصحاب الشقق  
قالوا لي ما اتكلمش بس أنا باخاف من ربنا.  
– انت غريب أوي. هو فيه إيه؟  
– البيت دا مسكنون. هي شقة واحدة اللي حصلت فيها جريمة القتل.  
الشقة البحري اللي في الدور الأخير. لكن بعدها كل السكان مشيوا  
من البيت.  
– خافوا؟

إربك السمسار ثم قال:  
– برضه مش حاكذب عليك. كلهم قالوا إنكم شافوا عفاريت.  
إنطلق يضحك. معقول؟ فكر متعجبًا. منذ طفولته يسمع كلاماً من  
هذا النوع، لكنه لم ير هذه العفاريت أبداً. سمع حكايات كثيرة عنمن  
رأوا العفاريت. لكنه لم ير أصحاب هذه الحكايات. هو قادم من الريف  
الملىء بهذه القصص إلى القاهرة المليئة بالزحام. أي عفاريت تعيش بين

زحام القاهرة! وشقة رخيصة ومفروشة في هذا الزمن شئ لا ينبغي التفريط فيه. لكنه تردد قليلاً وقال:

– طيب انت قلت ده لكل اللي جم يسكنوا و ماحدش سكن؟

– اتین. بس ماطولوش. والكلام ده من سنة.

ثم رفع السمسار صوته وقال:

– شوف يا أستاذ ممكن تجرب. واحنا داخلين علي رمضان. في رمضان الشياطين بتنحبس. صح. جرب شهر كده. يمكن بعده العفاريت تنكشف منك والا حاجة.

وانطلق السمسار يضحك ويدوره ضحك معه. قال:

– الشياطين غير العفاريت يا رئيس. لكن اتكلنا علي الله. بس ناخذ شقة غير اللي حصلت فيها جريمة القتل.  
– وهو كذلك.

قال السمسار ثم دخل به إلى شقة في الدور الأول.

– خليك هنا علشان تبقي قريب من الشارع.

هز راسه ساخراً، ونظر إلى الشقة التي راقته جداً في اتساع حجراتها الثلاثة وصالتها ومطبخها وحماميها. كتب معه في الشقة عقد الإيجار وهم يجلسان إلى السفرة. قال:  
– أثاث الشقة جميل.

قال السمسار:

– دي أصلاً بتاعة صاحب البيت. أستاذ في الجامعة.  
انتهيا من كتابة العقد وأخذ السمسار ما اتفقا عليه من أجرة وأتعاب وخرج. وضع هو ملابسه التي يحملها في حقيبة كبيرة معه في دولاب

غرفة النوم. الحقيقة إنه تجول في الغرف غير عابئ بأي شيء، وقرر أن يمضي فيها أطول وقت ممكن تحدياً لما قيل. وهكذا قرر أن لا يسهر كثيراً في الخارج.

مضت الليلة عادية جداً إذ ظل أكثر الوقت يتبع التليفزيون حتى نام. ومررت الأيام التالية عادية أيضاً. صحيح أنه كان يسمع أحياناً طقطقة من ناحية المطبخ، لكنه لم يهتم. صحيح أنه كان يغلق نافذة غرفة النوم وينام ليصبح يجدها مفتوحة، لكنه لم يهتم. ربما لم يغلقها جيداً. والآن صار في رمضان ففضل أن يتناول إفطاراته في الخارج في أي مطعم وسط الناس. يعرف صعوبة الوحدة في رمضان ساعة الإفطار. طالما سمع أبوه يتحدث بذلك لأمه عن أيام شبابه حين سافر ليعمل في دولة عربية في السبعينيات من القرن الماضي وكان يعيش وحده. في منتصف الشهر كان تقريباً قد نسي مقاله السمسار، وزادت سعادته بالأجرة الرخيصة للشقة الفاخرة. قرر أن يفتر في الشقة. أتفق كثيراً من نقوده في المطعم. قرر أن يطبخ ويوفر. اشتري كيلو لحم ودجاجة وبطاطس وطماطم وخيار وقمر الدين وغير ذلك مما يمكن له أن يطهوه أو يصنعه. قبل مدفوع الإفطار بساعتين بدأ يطهو طعامه. صينية بطاطس باللحم تكفيه أكثر من يوم. وسلامة ل يوم واحد وعصير لأكثر من يوم وأرز لأكثر من يوم. بدا سعيداً جداً بهذا الإنجاز. قبل مدفوع الإفطار بعشرين دقيقة راح ينقل الأطباق إلى السفرة. أول ما نقل كان طبقاً من البطاطس باللحم. عاد إلى المطبخ وملاً طبقاً بالأرز، وذهب به إلى الصالة ووضعه على السفرة جوار طبق البطاطس، فانتبه إلى أن طبق البطاطس غير موجود. إربك واتسعت عيناه ذهشة. ترك طبق الأرز وعاد بهدوء إلى

المطبخ فوجد طبق البطاطس كما هو في المطبخ لم ينقله. وقف حائراً. هل يمكن أن ينسى بهذه السرعة. هز رأسه وأخذ طبق البطاطس من جديد وعاد ليضعه على السفرة فوجد طبق الأرز في مكانه. إذن هو لم ينقل إلى السفرة من قبل طبق البطاطس. عاد متسماً إلى المطبخ وحمل طبق السلطة وذهب به إلى الصالة. كل شيء في مكانه. الحمد لله. قال فاتح كفيه أمامه. لكنه لم يجد زجاجة العصير التي أعدها. هل نقلها من قبل إلى الصالة. لم يحدث. ربما حدث. هو مرتبك قليلاً فقد الذاكرة ألي حد ما من أثر الصيام في هذا الجو الحار. خرج إلى الصالة فوجد زجاجة العصير وثلاثة أكواب جوارها. لماذا ثلاثة أكواب؟ هو وحده ولا يمكن أن ينقلها جميعاً، مط شفتيه وهز حاجبيه. لا يجب أن يخاف. ربما وضع الأكواب كلها من قبل. أمس مثلاً وأول أمس هو يعمل على اللاب توب يدخل على الفيسبووك وغيره ويعضي وقته. أكيد كانت هناك زجاجة ماء بارد حملها من قبل إلى المطبخ بعد أن فرغت، ولم يحمل الأكواب. إنه يشرب الماء كثيراً في هذا الجو، ويحمل الزجاجة بعد أن تفرغ ليملاها ويضعها في التلاجة مع أخواها، وحين يأتي بها مرة أخرى يحمل دائماً معها كوباً ولا ينتبه إلى الكوب الذي تركه من قبل. ربما. ليس لديه وقت طويل ليفكر أكثر من ذلك. بقت دقائق الآن على مدفع الإفطار. هكذا فكر حين نظر إلى ساعته. إنبه إلى أن التليفزيون على قناة عربية. ذهب إليه وحوله إلى القناة المصرية. في نفس اللحظة انطلق مدفع الإفطار. التفت يعود إلى السفرة فوجد قطان كبيراً الحجم، أحدهما أسود والثاني أصفر، يجلسان إليها ويعسك كل منهما كوباً في يده، وينظران إليه بعيون حمراء واسعة. لقد تركا له الكوب الثالث وكانا أيضاً يتسمان!



صوكم مقبول

صعد بسيارته أعلى كوبرى إكتوبر من الدقى. بقيت ساعة على مدفع الإفطار. يستطيع فيها أن يصل إلى بيته في حدائق القبة مرتاحاً. هو الآن يقترب من ميدان التحرير. لا يعرف لماذا فكر أن السيارة يمكن أن تعطل فجأة فيتأخر في الإفطار مع أسرته. ما كان يفكر في ذلك وبيتسه من هواجمه الغربية، حتى أبطال السيارة من سيرها واهتزت أكثر من مرة. إنげ إلى جانب الكوبرى وتوقف متضايقاً من نفسه. ما الذي جعله يفكر في تعطل السيارة حقاً؟ بدا لنفسه أنه السبب، وأن السيارة استجابت لأفكاره. لمح أمامه من بعيد رجلين يقفان جوار موتسيكل، ثم رآهما يركبان الموتسيكل ويصلان إليه. كانا يرتديان ملابس قديمة. كل منهما يرتدي بنطلون وقميص قديم وحذاء قديم أيضاً. أحدهما طويل نحيل والأخر قصير مثلي. كانت السيارات قبل صعودها إلى الكوبرى من الدقى قد توقفت كثير في انتظار مرور أحد الوزراء. كان الجميع في ضيق شديد من اختيار الوزير أو أي مسؤول هذا الموعد للمرور من فوق الكوبرى. تقريباً صاع صباح الصائمين من فرط ما أظهروه أو أبطنوه من لعنة. بعد أن فتح الطريق أسرع الجميع وكان هو من البداية في الصفوف الأخيرة لذلك صار على الكوبرى متأخراً أيضاً.

حين رأى الرجلين يتوجهان إليه فكر أنهما من عناصر أمن الدولة، أوباحث العامة المتغيرة التي تتوارد في مثل هذه الحالات. وربما كانا سيتركان المكان لو لا أفهم رأوه. لكن ماذا سيريدون منه الآن حقاً وقد

مرّ موكب الوزير؟ هز رأسه نافضا وساوسه الظاهرة هذه. وسمعهما  
يسالانه:

– العربية اتعطلت؟

– أية.

– مش عارف السبب؟

– لا. أنا ما افهمش في الميكانيكا. كمان أنا شاريها جديد. من تلات  
شهور بس، ويادوبك باعرف اسوق.

– احنا ميكانيكية. بنقف على الكوبري علشان لو فيه حاجة زي كده  
نصلحها. بناكل عيش يعني.

إتبه أنه لم يرهم من قبل على الكوبري. لكن بسرعة طرد أي شك  
فيهما من رأسه من جديد.

دخل الطويل السيارة وحاول إدارتها فلم تدر. كرر ذلك أكثر من  
مرة فهتف فيه:

– بلاش ليكون سير الكتبينة انقطع. كده العربية تبوظ.

ابتسم القصير وقال:

– طيب ما حضرتك بتعرف ميكانيكا.

قال:

– أبدا. دي معلومات يعني سمعتها قبل كده.

فتح الطويل كبوت السيارة ونظر فيها دقائق وقال:

– كل حاجة تمام. سير المотор وسير الدينامو.

نزل القصير أسفل السيارة ونام تحتها لحظات وخرج يقول:

– طلمبة البرزين. لازم تغير.

- نظر هو في ساعته وقال:
- طيب حنلاقي حد فاتح دلوقتي نشتري منه؟
- قال القصير:
- إحنا عندنا في الدكان بتاعنا كل حاجة. الدكان قريب من هنا في شارع شامبليون. جنب السفاره الإيطالية. حاروح أجيبي لك طلمبة بترین.
- وركب الموتسيكل وأسرع بعد أن أخذ منه مائة جنيه.
- وقف هو ينظر في ساعته. قال الطويل:
- لسة ساعة إلا ربع علي المدفع. إن شاء الله حتلحق الفطار. حضرتك رايح فين؟
- حدائق القيمة.
- لا قرية. عشر دقائق ويعن جمسة على الكوبري.
- بعد حوالي ربع ساعة عاد القصير. كان هو قد فكر فجأة أن السفاره الإيطالية في جاردن سيتي. سال القصير بعد عودته:
- بتقول دكانكم جنب السفاره الإيطالية في شامبليون. السفاره الإيطالية في جاردن سيتي.
- قال الطويل بسرعة:
- هو يقصد القنصلية. ليهم قنصلية قريب من دار القضاء العالي.
- سكت لم يسمع عن هذه القنصلية من قبل لكن ربما كانت هناك حقا. وراح القصير يعمل فأخرج الطلمبة الأصلية للسيارة وأطلعه علي الطلمبة الجديدة وقال:
- معلش. مالقيتش غير دي بتاعة الفيات بس تشتغل مع عربتك.

كما شهر كده وتغيرها.

كان قد لاحظ أن القصير حين عاد بالموتوسيكل، عاد ومعه أيضاً كيساً كبيراً من البلاستيك من محل كشري. ونزل القصير تحت السيارة وخرج ليقول له:

- إفضل دور العربية.

دخل إلى السيارة وأدارها فدارت. بانت على وجهه علامات الارتياح. أعطاه الطويل علبة كشري من الكيس وملعقة من البلاستيك وقال له:

- إن شاء الله حتلحق الفطار بس خد دي علشان تفتكرنا لو مالحقتش.  
من باب الاحتياط يعني.

أخذها باسمه وتقدم منه القصير بالطلمية القديمة وقال:

- لو حضرتك عايزة خدتها بس يعني ماهاش لازمة تاني.  
قال له سعيد:

- خليها لكم. عايزين مني أي حاجة؟  
قال القصير:

- عشرين جنيه بس لأن إحنا حنبيع الطلمية مع الخردة. تجيئها خمسة جنيهية. وكفاية اللي حضرتك دفعته.

أعطاهما عشرين جنيهها وتحرك بالسيارة. انطلقوا بالموتوسيكل وبقاوه واختفيا تماماً عن الأ بصار. عند ميدان رمسيس تعطلت السيارة من جديد.

ظل بها لمدة ساعة حتى عادت الحركة بعد الإفطار. وجد تاكسي يسحبه إلى الميكانيكي الذي أخبره وهو يضحك بأنهما لصان وقع في

أيديهما مرة أحد زبائنه وأخذوا الدينامو نفسه، وأهمنا هكذا ترفاً به حين  
أخذنا طلمية البرزين، وأن الذي نام أسفل السيارة في البداية هو الذي  
قطع البرزين عن السيارة حيث ضفت على الخرطوم الرفيع القادم من  
التانك بالبرزين إلى المотор بمشبك معدني معه وختقه، وفيما بعد نزل  
من جديد ونزع المشبك ومشي البرزين في طريقه.  
**وقال الميكانيكي صاحكاً:**

– عربتك بالكثير شرقت. تلاقيك دست بترین كذا مرة من غير  
سبب.

إتسعت عيناه وضحك وقال:

– فعلاً كنت متغاظ من الانتظار للمسؤول الله لا يكسبه وتقربياً  
عملت كده.

أخذنا يضعكـان معاً وقال الميكانيكي.

– بس بصراحة كانو ذوق أوي. ادولك علبة كشري فطرت بيها في  
العربية. يعني حللو السرقة.  
وضحـاكـا من جديد.

– لا وكمان وهو بيديفي علبة الكشري قال لي صومـكـم مقبول.

فکر بخیر

دخل علي الفيس بوك كعادته فوجده مختلفاً عن كل يوم. كل الصفحات يهنى أصحابها بعضهم البعض بحلول رمضان الكريم. كتب علي صفحته هنئة لكل الأصدقاء لأنه لن يجد الوقت ليهنيهم كل علي حدة. الكلمات هي الكلمات كل عام منذ وعي إلي الدنيا قبل الفيس بوك والموبايل بكثير. كان يسمعها صغيراً وصار يقوها كبيرة. فقط وجد الناس الفرصة في التكiet على جملة «رمضان مبارك». الحقيقة أن هذا التكiet بدأ منذ خمسة أو ستة أعوام قبل ثورة ٢٥ يناير. روح الدعاية عند المصريين راحت تسخر من الرئيس مبارك مع بداية كل عام جديد، أو حلول أحد الأعياد. «نفسى بأه استعمل كلمة غير مبارك دى. عيد مبارك. رمضان مبارك. هو ما فيش غير مبارك» وهكذا يرمي الكلام إلى ضرورة التغيير. تبادل السلطة الذي لم يعرفه المصريون منذ ثورة يوليو إلا بتدخل إلهي. لكن صديقة شابة من سوريا كتبت على صفحتها «وأنت تعد إفطارك فكر بغيرك» المعنى بسيط واضح. أن تساهم في إطعام فقير أو ذي حاجة. لكنها فتحت باب الحزن إلى آخره. ترك الفيس بوك وترك مكتبه. ودخل إلى سريره لينام، لكنه ظل ينظر إلى سقف الحجرة حزيناً حتى ظهرت خيوط الصباح فشده النوم إلى مملكته. استيقظ متاخراً في اليوم التالي ليجد زوجته قد تغيبت عن العمل. فالليوم سيحضر عدد من أسرها ليشاركونهم طعام الإفطار لأول أيام رمضان. عادة لم تقطع منذ سنوات. جلس هو قليلاً أمام التليفزيون واندهش من

كونه أيضاً لم يذهب إلى العمل ونام كل هذا النوم، رغم إنه لن ينشغل بالمطبخ وإعداد الطعام مثلها. تذكر ما سبب له الألم ولاحظت هي كثرة قيامه وجلوسه. ترددت بين الصالة حيث التليفزيون وغرفة النوم. كان إذا دخل الغرفة سقط فوراً في النوم من جديد لدقائق وسرعان ما يستيقظ ليذهب إلى الصالة التي ما يلبث أن يتركها. لاحظت أنه لا يرد على الموبايل الذي لم يتوقف تقريراً عن الدق طول النهار. قالت له:

– مالك. ليه ما بتردش علي الموبايل؟

نظر إليها وقال:

– هو بيرن؟

– ياهوي يا محمد دا ما بيبطلش رن. إفله أحسن إذا كنتش عايز ترد.

– لا خليه. يمكن حد يحتاجني في حاجة.

– طيب إبقي رد والا أرد أنا؟ أقول نائم، المهم إذا كان فيه حاجة مهمة أقول لك عليها.

– زي بعضه. إبقي ردني انتي.

وتركتها وذهب إلى غرفة النوم من جديد. ترددت قليلاً ودخلت خلفه. وجدته قد دخل في النوم في الحال.

– ياهوي. لحقت غبت؟

وهزّته برفق.

– محمد. محمد.

إستيقظ.

– حفضل طول النهار نائم كده. وبعدين انت بتنايم في ثانية. إيه

الحكاية؟

نظر إليها مبتسمًا بتسامة رقيقة، ولا حظت شحوباً مفاجئاً في وجهه.

– مالك ياحبيبي. دا احنا لسة في أول يوم. وشك أصفر خالص.

– ما تخافيش أنا كويس.

– باقول لك إيه. إن الله يأمركم أن تؤدوا رخصه كما تؤدوا فرائضه. يعني إذا كان الصيام حيسب لك هبوط في الدم افتر واطعم اتنين كل يوم وخلاص.

هز رأسه وقال:

– ماهي دي المشكلة.

– ما فيش مشكلة إحنا ربنا ساترها معانا. مش مهم عشرين تلاتين جنيه في اليوم.

– لا. قصدي هي دي المشكلة معايا من امبارح. واحدة سورية كتبت على الفيس بوك، وأنت تعد إفطارك فكر في غيرك. نظرت إليه في دهشة فاستمر يتحدث:

– من امبارح عمال أفker في غيري. من امبارح عمال افker. أنا شفت ناس كتير أوي فقراً. وعشبت بين الفقرا والمستورين. أنا ساعدت ناس كتير أوي في حياتي. لكن لسة فيه ناس كتير عايزه المساعدة. قالت في دهشة شديدة وخوف.

– سلامتك يا محمد. جري لك إيه. بلاش النيلة الفيس بوك ده في رمضان. ما إحنا عارفين إن في رمضان الواحد يساعد علي قد ما يقدر. لكن حتقعد تفكّر في الغلابة اللي في البلد مش حنخلص. دا سبعين في

المية تحت خط الفقر. وبعدين ما هو الكلام ده بيتعال كل سنة. ومن غير فيس بوك.

ونظرت اليه فوجده شاردا في حزن فهفت:

- الله اكبر.. بسم الله عليك يا حبيبي. إنت مش صغير علشان تتعب كده علشان الناس. وبعدين هي كتبت كده ليه. ما تشرف اللي حاصل عندهم. دا كل يوم مية ومتين قاتلهم بشار.

- ما تلوميهاش.

فكرت قليلا وقالت:

- هيا صاحبتك علي الفيس؟

- أيوة.

- اسمها إيه؟

- أمل سهيل.

- طيب أنا حادخل علي صفحتها وأقول لها ما تكتبش كده تاني. أقول لك اشطبها من صجبارك.

ضحك وقال:

- هيا مش كاتبه ليا لوحدي.

- طيب خلاص ريختنى. ماتدخلش علي صفحتها. وبعدين يا حبيبي زي ما قلت لك الواحد لو فكر في اللي تحتاجين لا حياكل ولا حيشرب.

- المصيبة إيني طول عمري عارف كده. ما اعرفش إيه جرالي النهاردة. مع إيني بقالي كام يوم مبسوط خالص. من ساعة ما شفت مبارك ورجالته

في القفص مزاجي حلو.

سكتت قليلا وقالت:

- عارف مين الليحتاج دلوقت؟

- مين؟

- اقول لك وما تزعلش؟

- قولي.

- حسني مبارك.

نظر إليها مندهشاً جداً فقالت:

- الواحد بيضيع منه عشرة جنيه بيتنك. دا ضاعت منه بلد.

ابتسم وهو يهز رأسه في حيرة.

- وكمان مش كان وزير الإعلام أنس الفقي هو اللي بيسنده رايح جاي؟ دلوقتي دا في حنة ودا في حنة.

ظل ينظر إليها ولا يرد فقالت:

- ياريت في سوريا يخلصوا ويجيبوا بشار معاهم. أهو صغير زي أنس الفقي. بدأ يضحك بصوت غير مسموع ويهرز جسمه:

- ايوه يحطوهم في سجن واحد تبع الجامعة العربية ومعاهem القذافي وعلى صالح. بس المصيبة القذافي مجتون وحياكـل الأكل كله وعـكنـكمـانـ يصرخـ فيـهمـ علىـ المـدفعـ منـ أـنتـ؟

انطلق يضحك بلا توقف فقالت:

- أية كده اضحك وانبسط. رمضان كريم يا محمد يا حبيبي. ربنا ما يحرمني من روحك الجميلة الحساسة دي. من زمان باقول لك دا مش زنك يا محمد. انت كنت عايز زمن أحسن من كده.. أدخل يا حبيبي المطبخ معايا. فاضل ساعة على المدفع والضيوف قربوا يوصلوا. واحد ربنا إنك ما طلعتش رئيس جمهورية!

فاطر رمضان

رغم إنه فاطر رمضان إلا أنه لا يظهر ذلك أمام الناس. يقول لنفسه دائمًا إذا بليتم فاستروا. حتى في البيت لم يكن يحب أن يأكل شيئاً أثناء النهار أمام زوجته وأولاده، رغم إنهم يعرفون جميعاً إنه فاطر. لقد جرب أن يصوم مرة فانخفض ضغطه بشدة وكاد يسقط على الأرض وهو يمسك برأسه الذي يكاد ينفجر، لو لا أن زوجته لحقت به وأعطاه أكثر من كوب من مشروب قمر الدين يشربه. كانت هذه المرة الوحيدة التي تناول فيها شيئاً بالنهار أمام أسرته. بعد ذلك كانت تعطيه شيئاً من الطعام حين ينفرد في إحدى الغرف ويكون الأولاد منشغلين بالتليفزيون، أو يكونوا في الخارج. ولما جاء رمضان في الصيف هذا العام ذهبوا جميعاً إلى المصيف. ذهب معهم أسبوعاً وعاد وظلوا هم هناك فهم في الإجازة الصيفية للمدارس. إذن سياكل في أي وقت يشاء. الأفضل أن يعود إلى طبيعته. يتناول في الصباح كوب الشاي بالحليب وساندويتش جبن صغير. فعل ذلك وعند موعد الغداء وجد نفسه غير جائع. بل وجد نفسه ينتظر مدفع الإفطار ليأكل. إذن صار أسير العادة رغم إنه فاطر للشهر. ثم أحس بفراغ كبير حوله. كيف حقاً ترك الأولاد وعاد ليكون وحيداً في الشهر الكريم الذي هو شهر اللمة العائلية. لم يكن ممكناً أن يترك عمله أكثر من أسبوع ويظل معهم. وهم بالطبع لاذنب لهم في حر القاهرة. إذن فليخرج من البيت. يذهب إلى إحدى المطاعم أو المقاهي. كان يعرف إنه لن يجد مطعماً يقدم له طعاماً

قبل الإفطار. لكن هناك بعض المقاهي تعمل في فمار رمضان..، وبالذات في «نص البلد». وهو لا يسكن بعيداً عن «نص البلد».

كانت الساعة قد دخلت في الرابعة. إرتدى ملابسه وترك الشقة وحمله تاكسي إلى ميدان طلعت حرب. مشي فيه علّه يجد مقهي مفتوحاً في نهايته. تذكر إنه كثيراً ما يشتري لليبيت أسماكاً من الجمعية التعاونية القريبة من منتصف شارع صبرى أبو علم. وتذكر أن خلفها عدداً من المقاهي بعيداً عن الشارع العام، وقد تكون إحداها مفتوحة. وكما توقع بالضبط وجد أكثر من مقهي في الزقاق الواقع خلف الجمعية التعاونية مفتوحاً. بل وجد مطعماً يبيع الساندوتشات، لكن تاقت نفسه إلى السمك. إشتري من الجمعية ربع كيلو جمبري وطبق أرز، واشتري من امرأة تجلس على الرصيف رغيف خبز واحد ودخل إحدى المقاهي ليأكل ويشرب.

لم يكن بداخل المقهي الصغير غيره. الكل أمامها وكان جوار الباب رجل أربعيني يرتدي قميصاً وبنطلوناً ويدخن سيجارة ويشرب من الشاي. وجرسونات المقهي ثلاثة. واحد يتحرك بالطلبات وواحد خلف النسبة يعد الطلبات وواحد يكتس الأرض. أمام المقهي يجلس شاب وفتاة أجنبية. هي تدخن الشيشة وهو يدخن السجائر ويحتسى القهوة. على الناحية الأخرى أكثر من شاب وفتاة يدخنون الشيشة ويئربون الشاي والقهوة والعصائر. كان واضحًا من أعمارهم إنهم فنانين أو لهم بالفن صلة ما. لا أحد من حوله يأكل شيئاً. هو إذن الذي سيأكل. أحس بالجوع بحق. لكنه تردد. هل يأكل هكذا أمام كل الناس. هو لم يشاكل في بيته وهو وحده. ابتسם. كل الجالسين فاطرين مثله. ربما يشعر

بالخجل من كبر سنه. فهم في النهاية شباب به شيء من الطيش. ثم إنه يعرف أن مقاهي وسط البلد تقتلى بالشباب من الكتاب والصحفيين والفنانين. وهؤلاء عادة يخرجون عن النص في بداية حيالهم رغم أنهم قد يكتبون غير ذلك. أجل. لقد قرأ يوماً ما يكتبه الكتاب هو نتاج خبرة حيالهم. ولا خبرة مع حياة عادية. وقرأ مرة سيرة أحد الكتاب الكبار الذي أصبح الآن من مفكري الإخوان المسلمين، ووُجِدَ في سيرته إنه كان مقبلاً على المعاصي في شبابه حتى هداه الله في الكبير. لكن من قال له أن أحداً من حوله يهتم بوجوده أو حتى يدرك إنه موجود. فقط هو الرجل الأربعيني الذي وقف ووضع أمامه على المنضدة طفافية سجائر لأنه رأه يشعل سيجارة. إذن ينتهي من تدخين السيجارة ويأكل. أطفأ السيجارة وهو في منتصفها وفتح كيس الطعام وراح يأكل. أشار الرجل الأربعيني إلى أحد الجرسونات فتقدّم إليه بكوب ماء بارد. إنتهي من الطعام وطلب شيئاً من الجرسون. لاحظ أن رائحة طهو بدأت تنتشر في المقهى. نظر إلى النسبة القريبة فرأى خلفها على البوتجاز أولئي طعام. إنهم يطهون طعاماً هنا رغم أن المقهى ليست مطعماً. ثم رأى الذي كان يكنس ينحني جانبها ويجلس أمام تراييز وحده يضع فوقها كمية كبيرة من الطماطم والخيار والجرجير ويببدأ في تقطيعها. واضح إنه يعد السلاطة. من يفعل ذلك وكل من حوله يشرب شيئاً أو يدخن؟ الجرسون الذي يعد السلاطة يضع سيجارة في فمه، والذي يقف خلف النسبة يتبع الطهو وسيجارة أيضاً في فمه، والرجل الأربعيني طلب قهوة يشربها بعد أن شرب الشاي، والجرسون الذي يتحرك بين الزبائن أيضاً في فمه سيجارة. ربما يعودون مائدة رحمن صغيرة في الشارع. جلس

صامتاً ورائحة الطعام تزداد. الساعة صارت السادسة. قرر أن لا يعود إلى البيت إلا متأخراً. سيظل هنا حتى بعد الإفطار بساعة، ثم يتحرك إلى بيته ويجلس مع بعض جيرانه في المقهى القريب. لكن الرجل الأربعيني قال له:

– ممكن حضرتك تقعد برة لو احنا حنضوا يلوك.

لم يفهم. إبتسم وقال:

– لا. هنا كويس.

سكت الرجل الأربعيني. تقدم الجرسون وبسرعة أزاح أربع ترابيزات من أماكنها وجعلها صفا واحداً على يساره. رتب حولها ثمان مقاعد، وفرشها بفرش نظيف. مائدة رحمن لثمانية، وداخل المقهى الصغير أمر غير متوقع! إنتحي الجرسون الثاني من عمل السلطة وزوزعها على ثلاثة أطباق كبيرة، ثم أسرع بها ووضعها على الترابيزات. وساعدته الجرسون الثاني بجلب زجاجة مشروب قمر الدين، وأخرى خروب، ووضعهما فوق الترابيزات، ثم أحقهما بأكواب وزعوا أمام المقاعد. كان صوت القرآن الكريم قد بدأ في التليفزيون الذي أمامه. دقائق وينطلق مدفع الإفطار. وقف الجرسونان أمام زميلهما الثالث الذي راح يغرف الطعام ويعطيهما أطباق الأرز واللحمة والبازيلاء يوزعونها على الترابيزات. وقف الرجل الأربعيني وتقدم ليجلس على أحد المقاعد. إنتحي الجرسونات الثلاثة وأقبلوا ليجلسوا بدورهم على المقاعد. إنضم اليهم أربعة أشخاص آخرين بدا أحهم جرسونات المقهى المجاور.

– إرمي السيجارة بقى المدفع حيضر.

قال أحدهم لزميله الذي وقف ليضع السيجارة بعد أن أطافها في

طفالية قريبة. إنطلق مدفع الإفطار فراح الجميع يسمون بالله الرحيم في صمت. يعرف ذلك من تحرك شفاههم. قال له الرجل الأربعيني.

– أتفضل أفتر معانا.

– الحمد لله سبقتكم.

قال ذلك وجلس مندهشا. شمل الصمت الجميع حتى الشباب خارج المقهي، إلا من صوت الشيخ الطلاوي الجميل يؤذن للمغرب. ومع دعاء الشيخ الشعراوي كانوا يأكلون. بان علي وجوه الجميع الوداعة والرضا والراحة. بدوا له وقد صاموا الدهر من قبل. تماما كما يحدث معه كل يوم بين أسرته رغم إنه مثلهم لا يصوم.

## على الطريق

كان يسرع بسيارته على الطريق الصحراوي ليصل إلى القاهرة قبل مدفع الإفطار. في منتصف الطريق سمع صوت انفجار العجلة الأمامية اليمني، فكادت تخرج به السيارة التي جحت إلى يمين الطريق على الرمال غير المستوية. كان يمكن أن تنقلب السيارة لو لا أنه في هذه اللحظات بالذات كان قد خفض من سرعته، فصارت تحت المائة بعد أن كانت وصلت إلى مائة وعشرين كيلو متراً في الساعة. بسرعة غير العجلة، لكن العجلة الجديدة لم تكن منتفخة كما يجب، فتوقف مرة أخرى في محل تصليح كاوتش على الطريق، وضبط هواء العجل كلها. أدرك أنه لن يصل عند الإفطار فلم يعد يهتم. فكر إنه ربما يستطيع الإسراع أكثر ساعة الإفطار، حيث تقريباً لن تكون هناك سيارات في الطريق، وفي كل الأحوال سيصل إلى شقته في القاهرة وأسرته بعد لم تنته من طعامها. أسلم روحه للأغنيات التي تناسب من راديو السيارة، ثم إلى القرآن الكريم، ثم إلى صوت الآذان وكان قد تجاوز ثلثي الطريق، الذي صار بالفعل خالياً من السيارات، وخيم عليه الفراغ والصمت. في لحظة اندفع شخص لا يعرف من أين ظهر، ولا كيف، يعبر الطريق أمامه. داس بقوة على فرامل السيارة، وتشبت في المقدمة بيديه، وانحرف بالسيارة إلى اليمين أكثر، لكن الشخص كان قد تردد في الاندفاع، وعاد إلى الوراء وكأنما يضع نفسه أمام العربية. صدمته بقوة ألت به ثلاثة أمتار أمامها. توقف هو بعد أن تجاوزه وخرج بالفعل بالسيارة

إلى الرمال. عاد إلى الرجل بسرعة. صرخ من هول الصدمة. الرجل صار مزيجاً من الدم لا يعرف ماذا أصيب فيه. شيء أحمر كله مدد على الأرض. ماذا سيفعل الآن؟ لم يفكر كثيراً.رأي الطريق يمتد على الناحتين خالياً، فدخل سيارته وعاد بها إلى الطريق بسرعة، واستمر في الاتجاه إلى القاهرة. عند البوابة اضطرب قلبه. ما الذي يعني أن يكون إصطدام السيارة ملوثاً بالدم؟. لكن لم يكن ممكناً الآن الترول والتثبت من ذلك. وبالطبع لم يكن ممكناً العودة فلا طريق يعرفه للدخول القاهرة غير بوابة الرسوم. لكن أحداً عند البوابة لم ينظر إلى السيارة. خرج منها واستمر في طريقه. لابد أن يغسلها بالماء والصابون لإخفاء أي أثر حتى لو لم يكن ظاهراً. سيفسّلها بنفسه أمام بيته، ولن يسمح حتى للباب أن يفعل ذلك. بل سيرسل الباب يشتري شيئاً من مكان بعيد.

كان قبل ذلك قد اتصل بزوجته بالموبايل يخبرها إنه سيتأخر و قد يلحق بهم في الإفطار، وهي الآن تطلب في الموبايل ولا يرد. لا ينتبه إليه في الحقيقة. لقد قتل نفسها فماذا يمكن أن يحدث له الآن؟ وهل سينكشف أمره؟ لابد أن صحف الصباح ستخرج تتكلّم عن الذي صدمته سيارة فمات وتركه صاحب السيارة وهرب. لن يشتري الصحف لعدة أيام. هذا هو الحال. لن يخرج من بيته ولن يذهب إلى العمل. سيمضي الأيام القادمة يقرأ القرآن لتهداً نفسه.

مرّ يوم وثان وثالث وضاق بجلوسه في البيت. زوجته تسأله لماذا هذه الإجازة المفاجئة من العمل. يقول لها تعبت في الإسكندرية، وهي تندesh من هذا التعب الذي يتحدث عنه، فلقد ذهب يوْدَع وفداً سياحياً سيعود إلى أوربا عن طريق البحر. كان قد تعود أن يشتري

الصحف كل يوم، فلم يعد بشربيها. لكن زوجته كانت تشربها له في طريق عودتها، وهو لم يستطع أن يقول لها أن لا تفعل ذلك. حاول أن يجد طبيعياً بل ويقبلها كلما عادت. لكنه بالليل بعد أن نام، كان يخرج إلى الصالة ويجلس ويقرأ الصحف التي تشربها. لم يجد في أي منها إشارة إلى الحادثة. تنفس بارتياح وتشجع على القراءة في الأيام التالية، ولم يجد أيضاً أي إشارة للحادثة. قرر في اليوم السادس أن يذهب إلى عمله. في مكتبه بالشركة السياحية الكبيرة دخل عليه أحد الضباط. رآه فقام يستقبله متدهشاً. قال الضابط:

– حضرتك رجعت من حس أيام من الإسكندرية؟  
– أيوة.

قال ذلك باضطراب فقال الضابط:

– حضرتك قلت للمدام إنك مكن تلحقهم في الفطار؟  
إربك أكثر فاستمر الضابط:

– وحضرتك وصلت بعد نص ساعة من المدفع، والمدام كانت مستنياك تأكل معاك. الولد والبنت بس اللي كلوا؟  
– أيوة. ليه الأسئلة دي كلها؟

– حضرتك ما أكلتش مع المدام وكذبت عليها وقلت لها كلت ساندوتش وشبعت في السكة؟  
لم يرد.

– حضرتك اللي أخرك إنك عملت حادثة وقتلت واحد؟  
لم يرد.

– والسكان شافوك بتغسل العربية بنفسك علشان تتعحي أي أثر

للحادثة؟

لم يرد.

- حضرتك ما شفتش الدم اللي نزل مع المية؟
- لا شفته ومن ساعتها عارف أن حد حيبلغ فيها.
- حضرتك تشرف معايا علي القسم.

قام ومشي جوار الضابط. خرج إلي الصالة التي يجلس فيها أربعة من الموظفين، وقال لهم وهو يشير إلي الضابط بجواره:

- أنا مضطر أروح القسم مع حضرة الظابط. ياريت تبلغوا المدام في البيت.

راحوا يتظرون إلي بعضهم في دهشة. قال أحدهم بعد أن خرج ولم يعد أمامهم:

- ظابط مين اللي خارج معاه. حد منكم شاف ظابط؟
- قال آخر وهو يهز رأسه:
- لا.

قال ثالث:

- أحد بييه بيخرف من الصيام. أمال لما نوصل لآخر رمضان حيعمل إيه؟



## مانشيت

طلبت منه حواراً صحفياً عن كتابه الجديد. كانت المشكلة في الوقت، فالشهر رمضان والجو صيف شديد الحرارة ومن ثم هو لا يحب الخروج خاراً. هي ت يريد صوراً جديدة له بالنهار في الشارع بين الناس. هكذا طلبت منها الجريدة. وهو فاطر لأسباب صحية لكنه يقضي النهار على المشروبات، ويغتر دائماً مع الصائمين. أعطاها موعداً في يوم سيفطر فيه خارج المنزل.

- إيه راييك الساعة ثلاثة في الزمالك؟

- مناسب جداً. حاجيب المصور معايا.

قابلها ومعها المصور الشاب. التقى له المصور بعض الصور في الشارع وفي اتخاذ الكتاب، وحين قررا بدء الحوار قال:

- للأسف أنا فاطر. وإذا لم أشرب شيئاً الآن سينخفض ضغطي بطريقة كبيرة. إيه راييك نقعد في كافteria ونتكلم؟

قالت:

- لكن أنا صاية.

- لا مشكلة. يكفي أن أطلب أنا شيئاً أشربه.

قال المصور بسرعة:

- أنا كمان صايم لكن تعان. ممكن أشرب أنا كمان.

كانت مهمته قد انتهت. لكن هكذا تحدث. ومن ثم ذهب الثلاثة إلى كافteria قريبة صغيرة يغلب عليها الطابع الإيطالي. طلب هو كابتشينو،

لكن المصور تراجع ولم يطلب شيئاً وظل على صيامه.  
هي جيلة طفولية الحديث والحركة. في حوالي الثانية والعشرين من  
عمرها، والمصور يبدو شارداً. نحيل وأسر شفاته مزموتان طول الوقت،  
وعلى وجهه علامات ارتباك كبيرة، ويبدو قد اقترب من الثلاثين.

بدأت تساله عن كتابه الجديد وتسجل الحوار في الموبايل. الثالثة  
حول المنضدة. فجأة وضع المصور رأسه على المنضدة بعد أن انكفا  
عليها. لم يجد أنها مهتمة. هو تصوّره متعباً من الحجر والصيام، خاصةً أن  
الساعة تدخل في الرابعة، ونهار الصيف طويل. كان هو يحب بحماس  
على الأسئلة، فالبنت تتسع عيناهما أثناء السؤال بشكل مثير، ولا ينتبه  
إلى المصور الذي نام نوماً عميقاً، لكن لاصوت يصدر منه. لا نفس.

انتبه إلى ذلك في منتصف الحوار. نظر إليها وقال:

ـ ماله؟

ـ مش عارفة.

قالت ذلك بلا مبالاة.

ـ إسمه إيه؟

ـ أحمد.

ـ يا أحمد. أحمد.

ـ لكن أحمد لا يسمع.

ـ دا ما فيش حتى نفس طالع منه.

ـ ما تخافش. نكمّل الجوار.

ـ لكنه لم يستطع. راح يهزّ أحمد من كتفه وأحمد لا يستجيب.

ـ يا همار اسود ليكون مات!

ابتسمت وقالت:

– ما تخافش. مش حيموت ولا حاجة.

صاحب المقهى أو مديرها الذي يجلس قريبا، إنتبه إلى الموقف فوقف.  
اقرب من أحد ووضع يده على رأسه.

– رأسه سخن جدا. دا ضغطه واطي كتير. أنا حاجيب دكتور من  
الأجزخانة اللي جنبنا.

ارتبك هو أكثر، وهز أحمد بقوة، بينما خرج صاحب الكافترية مسرعا.  
فتح أحد عينيه وبدا متلما وسيفقد الوعي من جديد.

– مية بسcker وعصير أي فاكهة حلو جدا من فضلك.

قال ذلك بسرعة لأحد الجرسونات الذي وقف يتابع المشهد. بسرعة  
أحضر الجرسون المطلوب ووضعه على المنضدة، ثم راح يدفع بكرسي  
أحمد إلى الحائط، ثم وضع تحت ساقيه كرسي آخر بحيث يكون في وضع  
أقرب إلى النوم. راح هو يسقي أحمد العصير وهي لا تتحرك من مكانها  
ولا تقت. عاد صاحب المقهى يحمل كيسا صغيرا من البلاستيك مغلقا  
وقال.

– مالقتش الدكتور لكن عطوي الغاز ده يشم فيه.  
وقرب الكيس المغلق من فم أحمد بعد أن فتحه قليلا، وبدا أحمد يعود  
إلي وعيه. قال هو:

– نتهي من الحوار بسرعة حتى يعود إلي بيته. سأحضر له تاكسي  
يحمله.

– وهو كذلك.

قالت ذلك مبتسمة مما ادهشه جدا.

راح يحباب علي أستلتها بسرعة، وأحمد عاد إلى النوم من جديد، ثم انقض مسماً بيطنه.

- مالك؟

- المشكلة في معدتي. عاينز أرجع.

قال أحمد ذلك بصوت متعب، وبدها يقاوم القبي. أمرها أن تشتري شيئاً من الصيدلية يمنع القبي. ترددت قليلاً.

- بسرعة الله يخليلي.

قامت على مهل وهي تهز رأسها وتزم شفتتها. خرجت وعادت بسرعة معها شريطها من الحبوب. قدم واحدة لأحمد الذي رفض وقال:

- كملوا الحوار. ما فيش مشكلة.

- انت كوييس؟

- الحمد لله بس أنا لازم أروح.

- طيب انتظر أجيبي لك تاكسي.

- لا أنا معايا عربيقي.

- حترف تسوق؟

- إن شاء الله.

وتركتهم وخرج مسرعاً على غير ما كان يbedo عليه من تعب. إرتبك هو ولم يعرف بما يعلق. كانت الساعة قد تجاوزت الخامسة ولم يبق على الإفطار غير ساعة.

- هل نكمل الحوار؟ أعتقد إنك ستتأخررين على البيت.

قالت فجأة في حيرة وضيق:

- مش عارفة أعمل إيه؟

- في إيه؟

- فيه. أحمد ده. عمل كده امبارح والاسبوع اللي فات.

- هل يرفض دائما العلاج؟

- لا. هو مش عيان. هو زعلان مني.

لم يصدق واندهش جدا. قال:

- إزاى؟

- عايز بجوزني. وأنا مش عايزه.

لم يستطع أن يسيطر علي نفسه. إنطلق يضحك.

- عاشق يعني.

- مش فاشمة.

استمر يضحك ويقول:

- يا الله. لقد تغيرت أحوال العشاق. من السهر والبكاءالي القوى  
والإغماء.

وهي خفضت رأسها وراحت تضحك بلا صوت.

- طيب ليه بتجيبيه يصور معاكي. ما فيش مصوريين في الجريدة  
غبير؟

- فيه طبعا لكن دايما يختاروه معايا.

سكت قليلا وقال:

- وليه صحيح ما تتجوزيهوش مادام بيحبك كده؟

ابتسمت وتالقت عيناهما الواسعتان وقالت:

- أنا مش مصدقاه. مش قادرة أصدقه.

- تعرفي أنا خايف يكون مريض فعلا.

- لا. مش مريض ولا حاجة.
- لو جري له حاجة كنا حنقي مانشيت الصحف بكرة. وفاة مصرور الجريدة وهو يصور الكاتب الكبير. لكن الحمد لله.
- ما تشغليش بالك. خلينا نكمل الحوار.
- ودخل شاب إلى الكافيريا مسرعاً يقول:
- فيه شاب أغمي عليه برة على الرصيف. بيقولوا إنه كان طالع من هنا. حد يعرفه؟



**من زمن الحب والحرب**

– ياه. معقول!

قالت هدي لنفسها ذلك في دهشة، فقالت إبنتها شيماء:  
– فيه إيه ياما. إيه اللي بيخليني تستغري كده؟  
– لا أبدا.

قالت هدي ذلك وتركت الغرفة وخرجت إلى الصالة. جلست وحدتها تنظر إلى المظروف القديم. إنما لا تنسى ذلك اليوم. عندما دق ساعي البريد الباب كانت الساعة الثانية عشر صباحاً. استلمت منه الرسالة وأغلقت الباب، ثم دارت حول نفسها فرحة والرسالة على فمها تقبلها. لم تتبه إلى أمها في الصالة تراقبها في دهشة.

– حازم يا ما ما. حازم بخير. بعث لي رسالة.  
– الحمد لله. يارب يرجع بالسلامة هو وكل اللي زيه. يارب انصر مصر يارب.

جرت هدي بالرسالة إلى حجرتها وفتحت الرسالة وراحت تقرأ في سعادة:

«حبيبي هدي. أنا بخир. واحشاني خالص. كلكم واحشني، طمني ماما إن أنا أول ما حارجع حنتحجوز علي طول. أية. اليهود اللي عطلوا جوازنا حسن سنين حير حلوا عن سينا ياذن الله. وبعد سينا ما تتحرر يبقى مافييش أي حجة لتأخير الزواج. أنا متهيالي ناس كتير حنتحجوز. يعني مش احنا يس. أنا باكتب لك الجواب ده وانا في خندق ومعايا

زميلي أشرف. أشرف معايا في كل مهمة. من أسبوع هاجتنا طيارات مستير. نوع قديم استخدمته فرنسا في العدوان الثلاثي علينا، وعملت به غارات على اسكندرية. قلنا أمال فين الفاتوم. إسرائيل ما بقاش عندها طيران والا إيه؟ طبعاً ما حصلش خساير عندنا. كنا يوم ١٨ أكتوبر. يوم ١٩ هاجتنا عشرين دبابة. أسرناها كلها. آه والله. عارفة ازاي. زميلنا أحد الصعيدي لف نفسه بالديناميت، ورمي نفسه تحت أول دبابة. إنفجر فيها الديناميت واعطلت. فوجئنا بباقي الدبابات بتفتح أبوابها من فوق ومن تحت، ويطلع منها الجنود رافعين إيديهم. استشهد أحد وأسرنا عشرين دبابة بجنودها. يوم ٢١ و ٢٢ اشتربت في مهمة خلف خطوط العدو ومعايا أشرف كالعادة. أشعلا الحرائق في المناطق الإدارية. كنا سبعة. رجعنا عشرة. استشهد منا اثنين !! مش عارف ليه الإذاعة المصرية مش بتذيع كل البطولات. يمكن علشان مش عايزين الناس تفتكر أيام ٦٧ لما كانت الإذاعة بتذيع بيانات كتير وكلها كدب. يمكن خايفين كتر إذاعة الانتصارات يشكك الناس فيها. زي بعضه. إحنا حنرجع ونحكي كل حاجة. حبيقي هدي. ما تقلقوش علينا. اسهروا وانبسطوا. دا ما فيه أحلى من رمضان في اسكندرية. التكريفي عند سيدي المرسي أبو العباس. وأوعدك لما أرجع وتحرر سيناء نعمل كتابنا فيه. سلمي علي بابا وما ماما ونادر أخوكي، وقولي له لازم أشرف في يوم نجم كورة في نادي الاتحاد. وكمان سلمي علي مامقى وبابا يا واحرواني».

«حازم»

«ليل ٢٥ أكتوبر ١٩٧٣»

«شمال سيناء»

تذكر هدي الآن كيف ظلت حتى الساعة الرابعة شاردة، وهي تقف مع أمها تساعدها في إعداد الطعام. أمها تضحك فكل ما تفعله هدي، تشرد عن متابعته ويشيّط منها على النار. وإذا فتحت الخنفية تفسل شيئاً لا تغلقها. والأم تضحك وتمر رأسها وتبهها أهتم اليوم سيستقبلون والد وأم حازم علي الإفطار. في النهاية قالت لها أن ترك المطبخ وتجلس في حجرتها تقرأ وتعيد في قراءة الرسالة حتى تحفظها، ذلك أفضل من إرباكها «وبو ظان» الطعام.

كانت الليلة هي ليلة رؤية العيد الصغير. الرابع من نوفمبر. ولقد قررت الأسرتان أن يمضياها معاً بعد الإفطار. كان أبو هدي بعد أن عاد من عمله قد نام فليلاً، واستيقظ وجلس في الصالة يقرأ القرآن، وينتظر أسرة حازم. أما نادر فقد تعود أن يدخل من الباب عندما يدق المدفع. يقترب الوقت ولا تصل أسرة حازم. التليفون لا يعمل. والغائب حجته معاً كما يقول أبو هدي. بدأت علامات الخوف تظهر على وجه هدي. وضعت الأم الطعام على السفرة، وجلست مع زوجها وهدي تجلس معهما شاردة صامتة. دخل نادر قبل أن يدق مدفع الإفطار بدقائق. بدا متوجهماً. قال الأب:

— مش عوايدك. إحنا ظابطين المدفع عليك.

تصنّع نادر الابتسام وقال:

— صحيح.. ساعتي مقدمة شوية.

ودخل إلى غرفته وانخرط في البكاء.

حين تأخرت عودة هدي إلى غرفتها جاءت إبنتها شيماء إلى الصالة.  
رأها تمسك بالرسالة في يدها تتأملها في شroud عميق. أخذت منها  
المظروف وتأملته:

— إيه الجواب دا ياما. دا قديم أو؟

ثم راحت تتأمل الأختام البريدية القديمة.

— دا من سنة ١٩٧٣ بس مش بايناليوم ولا الشهر. منين الجواب  
ده ياما؟

أخذته هدي منها وابتسمت ابتسامة صغيرة وقالت:

— دنيا ياشيماء يا حبيبي. كان يمكن يكون من بابا. بس ربنا ما  
أرادش.

تعجبت شيماء وقالت ضاحكة:

— قصة حب بأه!

— تقدري تقولي كده.

— علشان كده شايلة الجواب كل السنين دي؟

— بالعكس. أنا نسيته. أنا التجوزت وسبت بيت ماما وبابا. ومش  
عارفة ازاي جه معايا، وفضل السنين دي كلها وماشفتوش إلا النهاردة،  
وانا باقلب في علبة المصحف الخشب بتاعة ماما الله يرحمها. يبقى ماما  
اللي احتفظت بيها بعيد عنى. صح.

فكرت شيماء قليلا وقالت:

— علشان كده ياست ماما حضرتك أصريقي تاخدي علبة المصحف  
دي من خالو نادر بعد تيطة ما توفت السنة اللي فات.

— ما كنتش اعرف ياشيماء إنه فيها. أنا بس باحبهها علشان ماما

وارثها من جدو وكان عاملها بصدف ونحاس وريحة خشب الورد  
لسنة فيها. أية فيها درج سري رفيع بس عمري ما فكرت افتحه غير  
النهاردة. كنت دايماً أقول حيكون فيه إيه يعني؟

- قلب المؤمن دليله ياست ماما. ولا أقول لك قلب العاشق دليله.

سكتت هدي قليلاً وقالت في ثقة:

- تعرفي مين أكثر واحد حيرج بالجواب ده؟

- مين؟

- بابا. بابا أشرف كان مع المرحوم في الحرب، والمرحوم استشهد  
بين إيديه.

- ماما. ماينفعش تعملي كده.

قالت الأم في ثقة:

- ما تخافيش. أنا لو كان جالي عريض تاني غير أشرف ما كنتش  
اجوزت أبداً.

**مع مراعاة فروق التوقيت!**

الزقاق لا يزيد عرضه عن أربعة أمتار، والبيوت كلها ستة أدوار وأحياناً سبعة، والجميع في الزقاق يشعرون أنهم يعيشون في مغارة واحدة. فالذى ينام إذا شعر سمعه من في البيت المقابل، والذي يرتفع صوته قليلاً يسمعه أيضاً من هو أمامه. والنساء تعودن أن ينشرن الغسيل في وقت متأخر حتى لا يراهن رجال قد يقفون في البلكونة. ورغم تأخر الوقت كانت المرأة تخفي نفسها تماماً وأحياناً وجهها. لكن الجميع تعودوا على أصواتهم وأفعالهم، ولم يعد الزحام يسبب مشكلة لأحد، حتى سكنت إحدى الشقق عائلة جديدة. شاب في حوالي الثلاثين يعمل بائعاً في محل سمه، وزوجته الشابة التي لا تعمل في شيء. صار واضحـاً للجميع أن هذا الشاب لا يتكلـم مع أحد، وكذلك كانت زوجـته. كانوا كثـيراً ما يسمعـون ضربـه لها في أنصاف الليلـيـ. صراخـها الذي لا يلـبث أن يهدـأ فيـصبح أقربـاً للنشـيجـ. تـهدـدـاتهـ أن لا تـرفعـ صـوـتهاـ. صـارـ هـذـاـ يـحـدـثـ مـرـةـ أوـ مـرـتـينـ فـيـ الـأـسـبـوـعـ. أـكـثـرـ مـنـ شـخـصـ فـكـرـ أنـ يـتـحـدـثـ مـعـ ذـلـكـ، لـكـنـ زـوـجـةـ مـسـكـيـنـةـ، لـكـنـ زـوـجـةـ لـمـ تـكـنـ تـفـتـحـ الـبـابـ لـأـحـدـ. صـارـ السـؤـالـ الـذـيـ يـشـغـلـ الـكـثـيرـينـ، كـيـفـ تـحـمـلـ هـذـهـ زـوـجـةـ، وـكـيـفـ لـمـ يـظـهـرـ أـحـدـ مـنـ أـهـلـهـ مـرـةـ لـيـفـعـلـ شـيـئـاـ مـعـ هـذـاـ زـوـجـ القـاسـيـ. لـكـنـ فـيـ النـهـاـيـةـ تـعـودـ الجـمـيعـ عـلـىـ الـعـلـقـةـ الـتـيـ تـأـخـذـهـ زـوـجـةـ أـكـثـرـ مـرـةـ فـيـ الـإـسـبـوـعـ. مـعـ حـلـولـ شـهـرـ رـمـضـانـ دـعـاـ الـكـثـيرـونـ هـذـهـ الأـسـرـةـ بـالـهـداـيـةـ. وـمـعـ اـنـطـلـاقـ

مدفع الإفطار ارتفع صوت الزوجة تصرخ، وارتفع صوته يهددها أن تسكت. وكانت ضرباته لها مسموعة فكان فيما يبدو يستخدم خيزرانة أو كرباج.

كانت الصرخات الأولى للزوجة قوية ثم ماتثبت أن تراجع، لكن كان الفزع يملأ كل البيوت مع الضربات. بعض النساء تقلن «حرام... حديعمل كده» وبعض الرجال يقولون هن «علشان تعرفوا النعمة اللي انتم فيها».

تكرر الأمر كل يوم ساعة الإفطار حتى ضجت النساء. قالت بعضهن «مش عارفين نأكل». كده بتتسمم في الأكل «وبعضهن قلن حبك ساعة الفطار. ما كان بيضرها في نص الليل ضربة في بطنه» وبدأ بعض الرجال يضيق بالمسألة، خاصة إنها ساعة هدوء وراحة نفسية، وإقبال على الصلاة ومكافحة للصائم لا يجب أن يفسدتها هذا المجنون. كما أن أسللة الأطفال والأولاد كثرت عما يفعله هذا الرجل بزوجته كل يوم.

صعدت ثلاث سيدات إلى الشقة بالهار، وطلبن من الزوجة أن تفتح لهن، لأنهن لن يتحركن من أمام الباب. فتحت الزوجة الشابة فوجدها جليلة. لا يبدو علي وجهها آثار ضرب لكن تبدو حزينة مكسورة الخاطر. قالت هن أهلا وسهلا، وما أن جلسن حتى بكت:

– يا حبيبي.. إنقي إيه اللي زنك على الحيوان ده؟  
لا ترد.

– إنني مالكيش أهل يدافعوا عنك؟  
لا ترد.

- سبحان رب العظيم كل الجمال ده وينهان كده كل يوم.  
- قسمتي ونصبي.

رددت في انكسار وأردفت:

- أبويا وأمي ميتين وأخويَا مراته مش طايقاني. وهو في النهاية جوزي.  
- عندكم أولاد؟.  
- لا.  
- انتي السبب؟  
- ربنا.  
- يعني انتي؟.  
- هو.

- وكمان بيضربك دا ابن كلب وسخ.

هكذا انفعلت إحدى النساء. ووقفت وقالت:

- وديني إن ماريته مايقاش أنا فوقية بنت أمي وأبويا.

تركت النساء الزوجة المكلومة، وجلست فوقية مع زوجها حسني القهوجي، وحكت له القصة وقالت:

- لازم انت والرجالات ترنه علقة ما يخلمش فيها. البنت زي القمر ابن الكلب وساقيها السم. أنا مش حاقد في البيت دا إذا ما منعتش الرجال ده من ضربها.

ناقشت حسني مع أكثر من واحد في الشارع. وانضم اليهم شيخ الزاوية التي يصلون فيها. انتظروا الزوج الذي تعود بعد أن يضرب زوجته ساعة الإفطار، أن يخرج بعد أن تكون الأصوات قد انقطعت

وتناول إفطاره أيضاً. ذهبوا وراءه إلى المقهي التي يسهر فيها. فجأة رآهم يقفون حوله ويسحبون مقاعد ويجلسون. حدثه الشيخ في أمر ضرب الزوجات فهو مكروه فقال له:

– أنا باضرها حسب الشرع، وكمان في أماكن ماتورش يعني ولا تسبب عاهة. باضرها بالكرياج ضرب خفيف. ولا مؤاخذة في حتت يعني تستحمل.

انفعل حسني القهوجي وقال:

– هو فيه ضرب شرعي وضرب غير شرعي. اللي بيضرب ممكن يفقد أعصابه ويموت اللي قدامه.

– لكن أنا عارف باعمل إيه. غلطان ياشيخ؟

تردد الشيخ قليلاً وقال:

– يابني أنت بتضرها كل يوم ومش معقول بتغلط فيك مثلاً كل يوم.

وقال حسني:

– كنت بتضرها في نصاص الليالي وسكتنا رغم إنك كنت بتفرع العيال. دلوقتي بتضرها علي الفطار. يعني مسمم فطار الزفاف كله. عليا النعمة لو ما بطلتش لأكون مفرج عليك خلق الله. قوموا بينا يا جماعة دا ما فيش فایدة فيه.

وقف ثم نظر إليه بعده وقال:

– أنا حذرتك. لو سمعتك ساعة الفطار بكرة بتضرها أنا حافظت بيك. يا أخي دي أحسن ساعة عند ربنا.

وانصرف وتبعه الآخرون. فرحت فرقية جداً بما فعله زوجها وفرحت

النساء. في اليوم الثاني قبل موعد الافطار بساعة ارتفع صراخ الزوجة المسكينة وزوجها يضرها بقوة وصوته يرتفع يشتمها. جن حسني القهوجي الذي صعد إليه مسرعاً مع جيران الأدوار السفلي، وطرقوا الباب بقوة، ففتح لهم غاضباً والكرbag في يده، والزوجة جالسة بعيداً على الانترنت تبكي في عمق وحسرة. صرخ فيهم:

— جاين تضربوني في بيتي. أنا حر في مراتي. قولتولي ما تضربهاش ساعة الفطار ضربتها بدري ساعة. علي مدفع السعودية علشان ترتابوا. فيها حاجة دي؟.

ولم يدرِّي الجميع كيف أهالوا عليه ضرباً في وقت واحد حتى كاد يموت بينهم.

أين الرئيس...؟

وقف جنود الأمن المركزي في الطريق من قصر العروبة إلى كوبرى إكتوبر إلى ميدان التحرير الذى أحاطوا به وأغلقوا مداخله وامتدوا داخل شارع القصر العيني وعلى طول شارع مجلس الشعب.

لقد قرر الرئيس أن يلتقي اليوم بالوزراء في مقر رئاستهم الساعة الثانية ظهرا. سيستغرق اللقاء ساعتين ويعود إلى قصر العروبة في الخامسة على أقصى تقدير، فتكون هناك ساعة أو أكثر للجميع أن ينصرفوا إلى وحداتهم لتناول الإفطار في ثكناتهم.

منذ الساعة الواحدة منعت الحركة على طول الطريق وكوبرى إكتوبر. القادمون من شارع القصر العيني يغيرون طريقهم إلى المنيرة والسيدة زينب ويتابعون سيرهم في أي طريق آخر بعيداً عن ميدان التحرير. القادمون من الدقى يتوجهون إلى العجوزة أو الميل. طرق كثيرة تنتظر أصحاب السيارات إلا طريقهم المعتادة. كالعادة كانت هناك لعنات لا يسمعها أحد. وترجم على أيام الرئيس السابق الذي كان يتحرك بالطائرة الھليو-كتر. لكن كل ذلك كان لا يساوي تعب جنود الأمن المركزي والضباط الواقفين تحت الشمس منذ منتصف النهار. طبعاً كان من بينهم من هو فاطر رمضان، ولكن من يجربون منهم وهم في هذه المهمة أن يشرب الماء أمام زملائه. حتى الأقباط بين الجنود على قلتهم لا يفعلون ذلك؟ كان هناك فقط ضابط شاب يجلس داخل

سيارة بوكس عند مطلع كوبري إكتوبر، يرفع يده إلى فمه أحياناً فتبدو في رسغه سلسلة ذهبية إذ شر كميه ليظهر عضلاته المفتولة والعروق فيها، كما كان على عينيه نظارة ريان غامقة. كان يشرب عصيراً بين الحين والحين وسائق السيارة الصائم جواره يتلمظ.

مررت الساعة الثانية ولم يمر السيد الرئيس. ومررت الثالثة ولم يمر السيد الرئيس. السادسة الوزراء يتظرونها. رئيس الوزراء يتنتظره. يتصل رئيس الوزراء برئيس الديوان الجمهوري ويسألـه لماذا تأخر فخامة الرئيس فيقول رئيس الـديوان إنه سيتحرك بعد قليل. ومررت الساعة الرابعة ولم يصل السيد الرئيس. سـأـل رئيس الوزراء من جـدـيد رئيس الـديوان.

ـ هل ألغـي الاجتماع؟

ـ لا طبعـاً.

ـ طـيـبـ أـيـنـ فـخـامـةـ الرـئـيسـ.ـ قـلـتـ لـيـ إـنـهـ سـيـحـرـكـ.

ـ فـيـ الـحـقـيقـةـ هـوـ نـايـمـ.

ـ انتـفـضـ رـئـيـسـ الـوزـراءـ وـقـالـ:

ـ نـايـمـ.ـ يـعـنيـ إـيـهـ.ـ غـشـيـ؟ـ

ـ نـمـكـنـ يـصـحـيـ وـيـتـحـركـ.

ـ طـيـبـ حـيـصـحـيـ اـمـيـ؟ـ

ـ مـاعـرـفـشـ.ـ بـسـ المؤـكـدـ إـنـهـ حـيـصـحـيـ وـيـجـيـ الـاجـتمـاعـ.

لم يكن جنود الأمن المركزي يعرفون شيئاً عن موعد جضور الرئيس، ولا عن سبب مروره، ولا حتى إذا كان الرئيس حقاً سيمـرـ أمـ إـبـنهـ أمـ زـوـجـتهـ أمـ وـاحـدـ منـ الـوزـراءـ.ـ هـمـ تـعـوـدـواـ أـنـ يـقـفـواـ وـلـيـسـ هـمـ أـنـ يـسـأـلـواـ.ـ سـقطـ وـاحـدـ مـنـهـ إـعـيـاءـ مـنـ الـجـوعـ وـالـعـطـشـ وـالـحرـ فـحـمـلـوهـ إـلـيـ

أقرب عربة من عرباتهم ومددوه فيها وتركتوه. بعد ساعة أخرى إتصل رئيس الديوان برئيس الوزراء، وقال له أن الرئيس استيقظ وسيأخذ طريقه إليهم الآن. ارتبك الوزراء ورؤسهم، ولأننا صرنا نقترب من الساعة الخامسة فكر رئيس الوزراء أن المجتمع قد يصل بهم إلى مدفع الإفطار. في هذه الحالة سيحضر الرئيس إفطاره معهم. بسرعة صدرت الأوامر ل محل أبي شقرة ياسعاف رئاسة الوزراء ب الطعام يكفي مجلس الوزراء والعاملين فيه والقادمين مع الرئيس. انتشرت إشاعة أن الرئيس سيتناول إفطاره في مجلس الوزراء اليوم. وكان جندي أمن مركزي آخر قد سقط من الإعياء والجوع والعطش، والضابط الشاب لا يزال يفتح علب العصير ويشرب وسائله يتلمظ. لاحظ الرئيس أن سكرتيره رئيس الديوان أكثر من مرة يقترب منه ويكلد يتكلم، لكنه لا يتكلم، فالرئيس صار فجأة مشغولاً بمتتابعة حفيده الذي يلعب الأتاري على الكمبيوتر، الذي خصصت له شاشة كبيرة بعيدة أقرب إلى شاشة السينما في الحجم. كان الرئيس مبهجاً جداً ويحاول أن يشارك في اللعب أحياناً.

- يا فندم العساكر بتعق من الجوع والرئيس لستة ما جاش.  
هكذا تكلم قائد المهمة عبر تليفونه إلى مدير الأمن فقال له:  
- طيب أنا أعمل إيه؟ آديكم واقفين لحد ما يعدي. وإواعي تقول لي  
انك صائم.

في نفس اللحظة سأل الرئيس سكرتيره رئيس الديوان:  
- مالك كل شوية داخل عليا وتشي زي اللي عايز تقول حاجة؟  
تردد سكرتيره وفي نفس اللحظة انطلق مدفع الإفطار فقال

السکرتير.

– الإفطار يا فخامة الرئيس.

ابتسم الرئيس وقال وهو يمشي مع حفيده:

– المهم تكونوا عاملين حاجة جديدة النهاردة.

بعد لحظة توقف وقال:

– مش النهاردة كان عندنا اجتماع مع مجلس الوزراء؟

– أيوة يا افندم.

– طيب ليه ما فكرتنيش؟

– فخامتك كنت نايم وبعد ما فخامتك صحيت قعدت مع الحفيد.

– خلاص قول لهم يعشوا. حاجة زي دي ابقي فكريني. أنا مختارك

عندك سبعين سنة علشان أنا عديت التمانين وطبعا بانسي! والا انت  
كمان كبرت وعجزت؟



شیزوفرینیا ولکن!

كان ما يشغله حين سافر إلى باريس هذه المرة، هو أن الزيارة تأتي مع بداية شهر رمضان. هل يفطر وفقاً للوقت في مصر أم في باريس. تذكر حكاية عن المسلمين في الترويج حين يتاخر غروب الشمس أحياناً حتى منتصف الليل، مما دعاهم إلى سؤال أحد الشيخ الذي أفتى لهم أن يفطروا وفقاً لمغيب الشمس في أقرب دولة إسلامية، فراحوا يفطرون وفقاً لتوقيت تركيا. الأمر في باريس أسهل، ففرق التوقيت الآن ساعتان لأن في مصر يعتمدون التوقيت الصيفي. الإفطار في مصر الساعة السابعة والنصف. وهي تساوي في باريس الخامسة والنصف. لكنه أدرك أنه لا بد أن يفطر على غروب الشمس في باريس. ماذا يفعل الآن والشمس يتاخر غربوها كثيراً في الصيف. السابعة والنصف ليس موعد المغرب. بل على الأقل الثامنة والنصف. غروب الشمس وظهورها ليس له علاقة بفارق التوقيت. قرر أن يأكل في السابعة والنصف حتى لو لم تغرب الشمس. هكذا يسرّ الشيخ علي المسلمين في الترويج فلماذا يعسر على نفسه؟ في الحقيقة سيكتشف الناس من كل الملل. ثم إنه يعرف مطعماً يديره ويعمله مصري ربما يجد عنده بعض الاستعدادات ولو قليلة لشهر رمضان. ذهب إلى هذا المطعم يوم وصوله فلم يجد عنده أي استعدادات. هو مطعم لساندويتشات الشاورمة لا أكثر. إلا أن صاحبه قدم له عصير المانجو الموجود دائماً مع غيره من العصائر، وضاعف له كمية السلطة. أما الحلويات فليس أكثر منها في باريس.

يستطيع أن يجلس على أي مقهي ويطلب منها ما يشاء. لكن لماذا تصوم في باريس حقا؟ الست على سفر؟ هكذا سأله صاحب المطعم المصري الشاب وبدا يتكلم جادا. لم يشاً أن يقول له أن هذا ليس بالسفر. الرحلة بالطائرة ليست مرهقة إرهاق البعير. ابتسם له وقرر أن لا يأكل عنده في هذه الزيارة.

في اليوم الثاني كانت هناك ندوة في الساعة السابعة. لا يستطيع أن يترك الندوة من أجل الإفطار. ستنتهي في التاسعة وسيتم دعوة الجميع إلى عشاء في مطعم تركي كبير. فليتحمل. يستطيع في السابعة والنصف أن يطلب أي شيء يشربه حتى تنتهي الندوة فيكون العشاء هو فطوره. واستطاع أن يصمد.

كان العشاء رائعـا. كباب وكفته ودجاج وطبعاً ما شئت من المشهيات العربية الشامية والتركية، والجلوس على الأرض المفروشة بالسجاد، وخلف الجالسين وسائل شرقية، وأمامهم طبالي وليس مناضد، وعلى كل طبلية شيشة كبيرة يخرج منها ثلات ليات، أي يمكن أن يستخدمها ثلاثة في وقت واحد. وكانت زجاجات الخمر بين الجميع لكنه لم يشرب. كانت هناك راقصة جزائرية شابة قدمت فاصلاً من الرقص الشرقي البديع أمامهم وبينهم قبل العشاء. ما أن انتهت حتى اختارت أن تجلس إلى جواره. سالت الجرسون التركي حين اقترب يسألاها عما تريد أن تشرب من خمر، هل اللحم حلال؟ تقصد مذبوح على الطريقة الإسلامية، فقال ضاحكاً أنه مسلم واسمـه ميميد يعني محمد. ابتسـمت واعتذرـت عن أي شراب ثم نظرـت إليه وسألـته:

– لماذا لا تشرب النبيذ؟

— أنا مسلم مثلك وصائم أيضاً. أتناول افطاري الآن.  
قالت.

— أنا أيضاً صائمة. العمل كل ليلة يؤخر فطوري لكن اعتبر ذلك  
ثواباً. اليك كذلك؟

هز رأسه مبتسمًا ولم يجب فسأله:  
— هل أعجبك رقصي؟

— جيل سريع الإيقاع.. لقد أحسست به رقصًا جبليًا أكثر منه  
شرقيًا.

قالت أنها من منطقة جبلية حقا في الجزائر، وهكذا يكون الرقص هناك  
ثم سأله:

— هل لو أتيت أجد فرصة للرقص في مصر؟

— أجل. بسرعة. فرقصك سيكون جديداً على الملأ في الليلية  
المصرية.

علت البهجة وجهها وسأله:

— أريد أيضاً أن التحق بالأزهر.

نظر إليها مندهشاً وابتسم وقال:

— ماذا تقولين. الأزهر؟

قالت:

— أجل. أريد أن أدرس علوم القرآن. جدي في الجزائر كان يحب  
القرآن.

ابتسم مرة أخرى وبدها مشفقاً عليها إذ أحس بصدق سؤالها.

— صعب. إما الرقص وإما علوم القرآن!

- لماذا؟ الدراسة ستكون بالنهار والرقص بالليل.
- ارتبك جدا ولم يعرف بهم يحبب. هل يقول لها مثلاً ماذا يعني الرقص في الملاهي الليلية، وما قد يجره من أعمال أخرى. قال:
- صعب أن تجمعي بين العملين.
- قلت لك سيكون الرقص ليلاً والدراسة بالأزهر فهاراً.
- أحاط كتفيها بذراعيه وضمهما اليه. لاحظ أنها صغيرة جداً، وليس كما كانت تبدو وهي ترقص، رغم أنها لم تخلي بدلة الرقص بعد. إلا أن البدلة لم تكن تظهر شيئاً كثيراً من ساقيها. ربت على كتفها وسألاها:
- كم عمرك؟
- اثنين وعشرين. كبيرة؟
- على العكس صغيرة جداً وربما كان هذا سبباً ثانياً. ما رأيك لو أتيت للعمل في مهنة أخرى.
- أنا أعيش الرقص وسأكون نجمة في يوم ما.
- قال مشفقاً:
- الرقص في الملاهي الليلية في مصر ينتهي عادة مع نور الصباح.
- سكت قليلاً وبدا عليها الأسف وقالت:
- خسارة. أنا أسمع عن مصر كثير. بلد حلو.
- لم يرد. ابتسمت وقالت:
- استطيع أن أتدبر أمر الوقت.
- قال ليحسّن الأمر:
- سيطلبون أوراقك في الأزهر، ويجدون إنك راقصة فلا يسمحون لك بالدراسة.

أصابتها دهشة كبيرة وسألته:

ـ هل الرقص حرام؟

لم يرد. أدرك فجأة كم هي جميلة الوجه والعينين. قال لها:

ـ غدا ليس عندي شيء أفعله. أريد أن أتناول الإفطار في مطعم

مغربي. هل تصحيبني إلى أحد المطاعم الشهيرة هنا؟ سأعزمك.

قالت:

ـ في أي فندق أنت؟

ـ سان جيرمان.

ـ حلو. سأحضر إليك في السابعة ونذهب إلى المطعم معا. قريب منه

جدا. سنذهب على الأقدام. ونكمّل الحديث. فكر معـي ربما نجد طريقة.

أرجوك.

**صورة الديكتاتور**

هل حدث ذلك كله لأنه رأي صورة الديكتاتور؟ لا يستطيع أن يقرر بالضبط. كان قد تعود أن يعود إلى بيته في الساعة الأخيرة قبل موعد الإفطار. قبل ذلك تكون كل الطرق مزدحمة. في الساعة الأخيرة لا يبقى إلا القليل من الناس يسرعون في المواصلات الخاصة أو العامة وتتسع لهم الطرق. ورغم أن ذلك كثيراً ما ينفيه بسبب التهور في السرعة، إلا أنه رغم هذا الخوف لم ينقطع عن عادته ودائماً ربنا يسلم، خصوصاً أن بيته داخل المدينة، ومن ثم لا يحتاج إلى سرعة كبيرة كما يحدث على الطرق السريعة.

جلس على المقهي الذي تعود أن يجلس عليه. لكنه اليوم رأى على جدار المقهي صورة جديدة لحاكم البلاد. صورة كبيرة يبدو فيها وجه الحاكم نضراً قرياً لا يوحى بأي انفعال. صدره عريض لكنه مثل حائط صلد أملس بلا أي تعرجات حتى بدت له الجاكيت والقميص والكرافتة التي يرتديها شيئاً واحداً مع صدره. نظر إلى الصورة وإلي الجالسين في الركن. هؤلاء الفاطرين في رمضان الذين يبدون متخفين حيث لا تفتح للمقهى بابها إلا قليلاً حتى لا يراهم أحد. هو صائم لكنه زبون قديم للمقهي لذلك يدخلها بلا حرج أن لا يطلب شيئاً. يتسم والجرسون الشاب الصعيدي الأسر يقول له دائماً «حضرتك بتحب تأخذ زنوب علي الفاضي. أية. بيتجي هنا تقعد وسط الفاطرين وما تطلبش حاجة. أكيد بتتحسب عند ربنا معاهم» يضحك من هذا الحوار الذي يتكرر

منذ سنوات وكل يوم في رمضان ويردف الجرسون دائمًا:

— يا استاذ افطر علشان يبقى حسابك يوم القيمة على أصوله بحق وحقيقة.

يوضحك أيضًا واليوم سأله:

— إيه الصورة دي؟

— بتوع المحافظة ياسيدى وزعوها علينا بمناسبة وصوله لسن الثلاثين.

إنطلق يوضحك بقوة فقال الجرسون:

— قصدي بمناسبة وصوله في الحكم لثلاثين سنة. مش هما تلاتين برضه. أصل أنا عندي خمسة وعشرين. حضرتك أكيد أدرى مني.

ابتسم وجلس قليلا لا يستطيع ان يمنع نفسه من النظر إلى صورة الديكتاتور بين وقت وآخر، ثم وقف خارجا وركب سيارته إلى بيته.

لدهشته وجد الشوارع خالية إلا منه وسيارته. ابتسم مندهشا لا يصدق كل هذا الخلاء والصمت. وللحظة انتبه إلى إنه لا يسمع حتى صوتا لمقرئ للقرآن الكريم من أي مكان. كان الوقت شتاء لكنه رأى الشمس لا تزال عالية في الفضاء. ليس هذا هو الشتاء الذي يعرفه. ضوء الشمس حوله يجعل الفضاء أكثر اتساعا. ورأى علي جانبي الطرق مثاث السيارات واقفة جوار الأرصفة. لا أحد في الطريق حوله أو أمامه أو وراءه. هل عاد الناس إلى بيوقم وتركوه وحده. نظر في ساعة السيارة فوجدها الرابعة والنصف. لا تزال هناك نصف ساعة على مدفع الإفطار. أين اختفي الناس؟ لم تطل دهشته وتوقف تاركا السيارة لينظر حوله فلم يري أحدا. هل هذا طريقه المعتاد إلى البيت حقا؟ مشي

قليلاً ونظر خلفه فوجد نفسه قد ابتعد كثيراً عن السيارة. لم يشغله ذلك فهو يعرف أنه تركها أمام بنك شهير. مشي أكثر إلى الأمام وفجأة رأى أمامه جداراً يرتفع عن الأرض يغلق الشارع. دعك عينيه ليتأكد ما يرى فرأى الجدار الذي ارتفع حقيقة واضحة. هز رأسه رعايا يحمل لكنه عاد يرى الجدار. ابتسם وأخذ طريقه إلى الخلف عائداً إلى سيارته. مشي قليلاً فارتفع أمامه جدار جديد يسد طريق العودة. ما الذي يحدث له أو معه. يتأكد الآن أنه بالفعل قريب جداً من بيته. بل ركن سيارته أمام البيت وليس أمام البنك. هذا الشارع الجانبي يمكن أن يصل به إلى البيت. دخل فيه فرحاً وخاصة أن الشارع يبدو خالياً أمامه. أسرع حتى ينتهي منه ويدور إلى بيته، وعند نهاية الشارع قام جدار جديد أكثر ارتفاعاً أمامه. خرج الجدار من الأرض في لحظة واحدة ولم تقترب البيوت أو تقع. وقف حائراً يكاد يصرخ. راح ينظر إلى الجدار غير مصدق. كاد يتهاوي على الأرض لكنه تماسك واستدار ومشي يائساً للحظات والشارع الحالي يمتد أمامه من الناحية الأخرى. هذه فرصته الأخيرة فليس بالشيء سهل. أسرع وقبل نهاية الشارع قام من الأرض جدار جديد. تراجع في فزع وقاوی جالساً على الرصيف واعضاً رأسه بين ذراعيه وفوق ركبتيه. ما يحدث معه ليس حقيقة. هذه هلاوس حقيقة. سوف يجن. لكن الجدار أمامه في كل ناحية. لم تعد هناك حتى بيوت على الجانبين. صار الآن بين أربع جدران عالية. ولدهشته لم يعد في السماء شمس ولا ضوء. والليل أيضاً لم يأتي. ماحوله إلا ليس نوراً ولا ظلاماً. سديم لم يكن قبله زمان ولا بشر. ونظر إلى ساعته فوجدها السادسة. انطلق مدفوعاً بالإفطار ولم يسمعه. الآن وكما يحدث كل يوم يكون الناس قد

انتهوا من طعامهم. والموبايل الذي يحمله صامت. نظر فيه فوجده خارج الخدمة. لا يعرف له أحد مكاناً الآن وهو الوحيد الذي يعرف أنه كان قريباً من بيته. فجأة اتسعت عيناه على فكرة. أیكون كل ذلك لأنه رأى صورة الديكتاتور معلقة في المقهى. رفع رأسه فوجد أعلى كل الجدران صور الديكتاتور تنظر إليه ضاحكة.



سيبك منه ذليك في حالك!

سعيد تعود أن يصلى المغرب قبل أن يتناول طعام الإفطار. ينطلق المدفع فيتناول بسرعة كوبا صغيرا من عصير قمر الدين أو أي عصير في المنزل، ثم يخرج إلى الجامع المواجه للبيت. يقول أن الإفطار بعد الصلاة له طعم آخر. كان أبوه يفعل ذلك ومنه تعلم هذه العادة.

رأي سعيد شيوخا كثريين تعاقبوا على الجامع من أهل المنطقة. كلهم كانوا لا يطيلون الخطبة يوم الجمعة، ولا يطيلون الصلاة في أي وقت. سعيد الآن مثلثي في الستين من العمر. دعاني إلى الإفطار عنده في رمضان حين عرف أني مسافر إلى القاهرة لقضاء بعض الأعمال. هو أصلاً بلدية من محلة الكبري التي تركها إلى القاهرة وراء العمل. لا تقطع زيارتي له حين أزور القاهرة. في رمضان يكون الأمر مختلفاً. يكون إلحاده على زيارته كبيرة. وفي كل مرة بعد الإفطار خرج معاً إلى مقاهي الحسين. في السنوات الأخيرة لم نعد نفعل ذلك. إذا ذهبت إليه أتناول الإفطار معه ومع أسرته، ثم نسهر في الشقة نفسها حتى السحور وننام. هرمنا ولم تعد بنا قدرة على السهر في الزحام الذي صار لا يطاق في القاهرة. حين ذهبت إليه هذه المرة بعد انقطاع ثلاث سنوات وجده متعباً. جالس أمام التليفزيون يتفرج بشغف على برامج الأطفال التي تسقى مدفع الإفطار في بعض القنوات. سأله عن أحوال الأسرة فقلت بخير. وسألته عن صحته فقال إنه يعاني من آلام مزمنة في الظهر ولا يريد إجراء أي عملية. يتحايل على الآلام بالدهانات والحقن لكنه يرفض

العملية. بعض الإطباء حذروه منها وبعضهم شجعوه عليها وضحك  
وقال:

– طيب أصدق مين فيهم؟

ضحكتنا وكانت ضحكته كما عهدناها منه طول العمر عالية صافية.  
دخلت زوجته وقالت لي:

– عاجبك كده يا استاذ أحد. لسة مصمم يصلني في الجامع وضهره  
بيوحه. ربنا ادي للمريض رخصة إن شالله يصلني وهو قاعد، لكن  
جوزي ما فيش فايادة دماغه ناشفة.

وضحكت وقال هو:

– خلاص خلاص مش رايح. إعملني لنا شاي ولا حاجة.

نظرت اليها مبتسمة فقال:

– آه صحيح لسة ما فطرناش.

ضحكتنا وقلت له أن زوجته علي حق ثم سأله:

– لكن للدرجة دي الصلاة في الجامع بتتعبعك؟

سكت لحظة وقال:

– الشيخ هو اللي تاعبني.

– أيشيخ؟

– شيخ الجامع. أنا مش فاهم ازاي بيعمل كده.

ابتسمت مندهشاً وقالت:

– بيعمل إيه؟

– بقاله سنين كل جمعة يقول «اللهم العن اليهود والنصاري». والمصيبة  
إن العمارة اللي جنب الجامع تقريباً كلها نصاري.

- حصل مشكلة؟
- لا. عزلوا من الحنة كلهم.
- كدت أضحك لكنه قال:
- كان فيهم ناس عزاز علىّ أوي. لكن مش دي المشكلة.
- اندهشت أكثر وسألته:
- فيه أكثر من كده؟
- هز راسه وقال:
- يوم الجمعة بيطول في الخطبة أوي ويطول في الصلاة كمان.
- طيب حد يوجهه بس. ينبهه إن فيه ناس تعانة وخلاص.
- ما بقتش أصلي الجمعة في الجامع ده. الجامع الثاني بعيد شوية بس
- مش مشكلة لسة باقدر امشي.
- طيب كده خلاص. مافيش مشكلة.
- انت عارف اين باحب اصلي المغرب وبعدين ارجع أفتر. أروح
- جامع بعيد والا قريب؟ طبعا قريب علشان الحق ارجع آكل مع ولادي
- اللي بيستنوبي.
- وسكت لحظات ثم قال كأنه يحدث نفسه «ركبني ذنب منه لله»
- ابتسمت وقلت:
- حصل إيه؟
- استحملت الكام يوم اللي فاتو خد امبارح.
- استحملت إيه؟
- الصلاة وراه طبعا. ياراجل دا بيطول في الركوع. عارف يعني إيه
- الركوع؟. لو السجود ممكن نتحمل أهي دماغ الواحد علي الارض

وساند علي الارض كمان يা�يديه، لكن يطول في الركوع وضوري  
مكسور!!

وسكت من جديد وبدا في أسف حقيقي، ثم راح يكلم نفسه من  
جديد:

- ركبني ذنب منه الله.

- حصل إيه بس يا سعيد؟ اخانت معااه؟

- ياريت.

- كلمته وغلط فيك؟

- ياريت.

- الله.. طيب حصل إيه ياجدع؟

وعادت زوجته إليها ضاحكة وقالت:

- إحكي للأستاذ أحمد عن اللي حصل. والله ما حصل حاجة وربنا  
حيفر لك.

توقع أن يكون سعيد قد فعل شيئاً مضحكاً لا شيئاً جاداً. ابتسمت  
وسألته:

- بجد عملت إيه؟

- إمبارح طول أوي في الركوع وضوري تاعبني جداً ومش سامع  
بيقول إيه من الالم. كنت حاقع. لاقيت نفسي باقول اللي جنبي هو  
بيقول إيه الرجال بن الكلب ده؟

انطلقت أضحك غير مصدق. وهو بدوره راح يضحك وزوجته لا  
ترزال واقفة تضحك وقالت:

- استني يا استاذ أحمد شوف اللي جنبه قال إيه.

قلت مندهشاً:

– اللي جنبك رد عليك؟

نظرالي سعيد نظرة طويلة تألقت فيها عيناه، وقال وهو يحاول أن يمنع نفسه من الضحك:

– اللي جنبي رد علياً وقال لي سيبك منه خليلك في حالك دا راجل ابن..... وشتم الرجال الشيخ.

لم استطع السيطرة على نفسي من الضحك. وقالت زوجته:

– غلطان هو والنبي كده والا اللي جنبه؟

لكني ظللت أضحك للحظات، وانطلق مدفوع الإفطار، فوقف ومدد سحب المصالية من ركن جوار الحائط وفردها على الأرض ووقفنا نصلي معاً وخرجت زوجته من الغرفة تنتظرنا مع الأولاد في الصالة لتناول الطعام.

سألني:

– تصلي أنت بینا؟

قلت مبتسمًا:

– لا. حضرتك النهاردة الإمام.

**تحيا الشيوعية !**

ليس لأي سبب من احتياج. هكذا طقت الفكرة في رأس طارق المرشد السياحي. طاف بالوقد المكون من عشرة رجال ونساء من روسيا في خان الخليلي وشارع الحسين. كان يعرف منذ اليوم الأول لرافضتهم إنهم ليسوا مثل سياح إنجلترا أو فرنسا مثلا. هؤلاء فقراء السياح. لقد انتهي عهد الجمهوريات السوفيتية حقاً منذ سنوات، لكن لا تزال الحياة الاجتماعية والاقتصادية يشوبها الفقر قياساً على دول أوروبا الأخرى. كان خوفه فقط من جمال النساء. حس نساء وخمسة رجال. كيف يمكن لهذه النساء الجميلات أن يجلسن على مائدة رحمٍ. هل لن يثير جهاهن أحد؟

كان كل أعضاء الوفد لا يعرفون لغة غير اللغة الروسية. إذن لن يستطيع أحد أن يخبرهم بالحقيقة. كانوا ينزلون في فندق نجمتان في شارع عرابي، وكانوا دائماً مستعدين للمشي أكثر من استخدام التاكسي ويساعدونهم أن الجلو شتاء. رغم ذلك كانت النساء ترتدي ملابس تكشف عن أذرعهن وأعلى صدورهن وظهورهن. هذه مشكلة أخرى. لكنه توكل على الله وقرر أن يفعل فعلته. قال لهم:

– ما رأيكم ان نؤجل الغداء إلى الساعة الخامسة؟

– لماذا؟

– أصحابكم الى مائدة مصرية جداً. شعيبة ورخيصة. لن يتكلف الفرد أكثر من عشرة دولارات. وستأكلون أكلاً مصرياً صحيحاً.

- أي أكل؟

- سأشرح لكم كل الأصناف بعد أن نصل إلى هناك. لا تقلقا.

وافقوا سعداء. وانتهت جولتهم في حي الحسين وخان الخليلي. لم يشتروا أشياء لها قيمة. كان يدخل بهم المحلات محرجاً ويخفي ضيقه مما يشترونه مهما غالى فيه البائع في ثمنه لن يكون له نصيب - عمولة لها قيمة. لكن هكذا شاء حظه في الشركة السياحية التي عمل بها. لقد تصور أن معرفته بالروسية ستجعله مميزاً. لكن كل الوفود الروسية فقيرة. في الرابعة والنصف قرر أن يذهب بهم إلى مائدة في وسط البلد، بعيداً عن حي الحسين. هم الآن مرهقين ولن يتبعوا إلى شيء. حصل من كل منهم عشرة دولارات ومشي أمامهم في شارع الأزهر. صوت القرآن الكريم يرتفع حوله من كل مكان. موائد الرحمن تصف تحت كوبري الدراسة. موائد صغيرة لأن أكثر الأماكن تحت الكوبري صارت مشغولة بالسيارات والبضائع. يريد أن يختصر الطريق الآن وليس مهما أن يصل إلى نصف البلد. وبالفعل رأى مائدة يبدأ من فرشها إنها أفضل من غيرها. اقترب من أحد المنظمين للمائدة بدا له هو المعلم ووقف يهمس له:

- معايا وفدي مسلمين من روسيا، عايزين يأكلوا في مائدة رحمـن.  
عايزين يحسوا برمضـان في مصر.

إرتـاب الرجل قليلاً ثم سـأله؟

- يعني هـما فـقرا أوـي كـده؟

- انت عـارف رـوسـيا يـامـعـلمـ. الشـيوـعـية مـا خـالـتـش حـيلـتـهم حاجـةـ.  
قالـ الرـجلـ مشـفـقاـ بـحقـ:

– الله يخرب بيت الشيعية علي اللي عملها. معقول النسوان الخلوة دي تبهدل كده؟ بس دول لابسين عريان يبقى صاعين ازاي، وكمان في الشتا هما ما يحسوش؟

– معلش يامعلم سلو بلدتهم.

هزّ المعلم رأسه ونادي علي أحد الصبيان أن يصف أكثر من منضدة أخرى لهم. وأن يهتم بكل شيء، وبالذات نظافة الصحون والملاعق والأكواب.

كان الجالسون في انتظار المدفع من العاملين في المحلات تقريباً. كانوا لا يوحون بفقر كالذي تجده عادة في الموائد الرحمانية. جلس الروس سعداء وبدأ أحد العمال وفتاة صغيرة معه يضعان الطعام أمامهم. كلما حاول أحدهم أن يمد يده يأكل شيئاً يقول له طارق بالروسية أن يتضرر حتى يأكل مع الجميع. وأن هذه عادة مصرية في الأماكن الشعيبة. قال له أحدهم فجأة:

– مطاعم كبير في الشارع. ما قريناش عنها في الدليل السياحي.  
إرتبك طارق وقال بالروسية بعد تردد:

– هي موجودة في دليل عاملاته وزارة الثقافة. وزارة السياحة شغلتها مش كوييس. دا تراث ثقافي من أيام المالك.

ابتسمت النساء وهز الرجال رؤوسهم، وكان كل من يجلسون من المصريين لا يرفعون عيونهم عن أجسام السيدات الظاهرة. راح طارق يشرح لهم ماهي المسقطة وماهي الملوكية وماهو المحشي وبالذات ورق العنب وماهو بابا غنوج وماهو العناب والتمر هندي وهم سعداء. انطلق مدفوع الإفطار فبدأ الرواد الطبيعيون يأكلون وأشار لهم طارق

بالأكل. راحوا بدورهم يأكلون وهو يلتحقهم بالكلام عن عبقرية الطهور الشعبي المصري، وكل من كان له ملاحظة أغفلها لأنهم جاعوا جداً وراحوا يأكلون. انتهت الجلسة على خير ووقف فوقوا معه. صافح صاحب المائدة الذي صافح بدوره الوفد قائلاً:

– نورتوا مصر. كان نفسي يكون فيه لحمة أكثر من كده.  
وهو ترجم لهم الجملة الأولى فقط. فوجئ صاحب المائدة النساء قبله على خده وانصرف طارق بهم وهتف أحد العاملين:  
– أحلي فطار يامعلم.

فقال المعلم:

– علي النعمة هيا دي نعمة ربنا بجد. تحيا مصر وتحيا الشيوعية اللي فقرت الناس الحلوة دي وجابتهم مائدة رهن.  
وكان طارق قد ابتعد بالوفد يضحك.



إفطار في ميدان التحرير

ثلاث فتيات ذهبن للإفطار في ميدان التحرير. أمضين النهار يكتبن الشعارات التي سيهتفن بها. كان أبرزها «لاعسكرية ولا دينية.. مدنية مدنية». نزلن من الميكروباص في موقف عبد المعتم رياض. مشين إلى الميدان تحمل كل منهن حقيبة بلاستيك بها إفطار يكفيها وزيادة. فضلا عن أكثر من زجاجة مياه معدنية صغيرة وأكثر من علبة بيسلي.

– يارب يكون فيه عدد كتير الجمعة دي.

قالت نجلاء ثم أضافت:

– لأن لو العدد قليل حضرتنا زي الجمعة اللي فاتت.

قالت شيماء:

– إن شاء الله حيكون العدد كتير رغم اللي قعدت تنشره الجرائد عن انسحاب الأحزاب والائتلافات.

قالت مريم:

– كتير قليل. النهاردة يقاتل يامقتول.

ضحكن واقربن من الميدان. كانت قوات الشرطة العسكرية تحيط بالصينية التي تتوسطه، وعلى كل طرف من أطرافه البعيدة تقف إحدى الدبابات. المتجمعون يقفون على الرصيف وجواره، ويقفون أيضا عند الصينية الأصغر. مثلث هو في الحقيقة مرتفع عن الأرض يفصل الطريق إلى شارع رمسيس إلى قسمين. قسم منهما يمكن لمن فيه أن يدور إلى كوبري قصر النيل. كما يقفون أمام مجمع التحرير بعيدا عن الساحة

التي أمامه، والتي يشغلها جنود الأمن المركزي والشرطة العسكرية. وضح هن أن المجتمعين الذين جاءوا للإفطار لإظهار احتجاجهم على المحاكمات العسكرية للثوار، سوف يكونون دائمًا جوار الأرصفة أو عليها، ولن تسمح قوات الشرطة لهم أن يشغلوا الشوارع حتى لا تتغطى حركة السيارات. وبالفعل كانت هناك سيارات لازالت تمر مسرعة. إشارات المرور تقريرًا لا يقف عليها أحد من الجنود. جلست شيماء على حافة المثلث الصغير الذي يقسم الطريق إلى شارع رمسيس مع زميلتها. وجدن كثيرون من الأصدقاء والصديقات. وكثيرًا من لم يقابلنها من قبل. من يستطيع أن يعرف كل الناس في ميدان التحرير؟ كانت شيماء تتطلع إلى عساكر الشرطة العسكرية وتندهش. دقائق وينطلق مدفع الإفطار ولا أحد من عليهم بطعم أو شراب. قالت:

— معقول مش حيفطروا؟!

ردت نجلاء:

— صحيح. دا ما فيش حتى واحد ماسك قرازة مية.

قالت مريم:

— إحنا لازم نعمل حاجة. لازم نديلهم أكل ومية.

ولم تنتظر إجابة. وقفت وهتفت:

— يا جماعة عساكر الشرطة العسكرية واقفين طول النهار والمدفع قرب يضرب وماحدش إداهم لا أكل ولا شرب.

قال أحد الشباب:

— وعساكر الأمن المركزي وحياتك. مع إن يوم ٢٨ يناير وزعوا عليهم وجبات من كنتاكي وقالوا علينا احنا اللي بناكل منها.

قالت مريم:

— مين يقوم معايا نوزع عليهم أي حاجة؟

قال نفس الشاب:

— توزعي علي مين ولا مين. دا عساكر الشرطة العسكرية وراهم عساكر أمن مركري مش بایین علشان قاعدين علي الأرض.

— معلش ما ينفعش نفتر وهموا واقفين جعاني.

قالت إحدى الفتيات ضاحكة:

— خدوا الصينية وما طبخوش أي حاجة! طيب يسيروا لنا الصينية ويشفوفوا حناكلهم ازاي!. ضحك الكثيرون. وكان عد كبير منهم قد راح يقدم لمريم وشيماء ونجلاء اللائي وقفن معها، بعضا من الساندوتشات وزجاجات المياه والبيبسي. وقف معهم الشاب الذي تكلم من قبل، ثم شاب ثالث، وتوجه الجميع ناحية الجنود، وراحوا يمدون لهم أياديهم بالأكل والماء والبيبسي. لم يتحرك الجنود. لاحظ الشباب إنه لا يوجد ضباط. قالت مريم للجندي أمامها:

— اتفضل. والله أكل بيتي ونظيف. والمية معدنية والبيبس كانز. ماتخافش خالص.

لكن الجندي وقف كما هولا يتحرك. قالت شيماء:

— اتفضلو ا. ولو عايزين برضه تضربونا بعد كده اضرربونا مش حرعل منكم. ابتسם عدد من الجنود وقالت نجلاء:

— عارفين إها أوامرليكم.

بدأ علي الجنود الرغبة في تناول ما يقدمه الشباب، لكن بدا أيضا أن الخوف يكتبلهم، وإذا بواحد منهم يقول هامسا:

- خد ياله. العميد مشي والظباط. أنا حاخد.

ومديده ففعل الآخرون مثله، وراحت الفتيات الثلاث ومعهن الشبان الثلاثة يدورون أمام الجنود بالطعام حتى إذا نفذ أسرع الشباب إلى الجالسين على الأرصفة والأرض وأحضروا منهم كميات أخرى يعطونها للبنات اللاتي يدرن مع الصينية الواسعة الكبيرة يوزعنها على الجنود. إنطلق مدفوع الإفطار ولم يكن قد أتمن الدوران بعد. وبدا أن الصينية كبيرة لا تنتهي. قام جنود الأمن المركزي الجالسين خلف جنود الشرطة العسكرية وتقدموا يقفون بينهم، والشباب يروح ويجيء بالطعام، وفي كل مرة يقلّ ما يعودون به إلى الجنود، والفتيات الثلاث يصممن على الانتهاء من إطعام الجميع حتى إذا عادوا جميعاً، البنات والصبيان، إلى مكانهم بين المجتمعين، لم يجدوا طعاماً باقياً مع أحد. شربوا ما تبقى من المياه والعصائر وجلسوا على الأرض يضحكون. أخرجت مريم الورقة التي بها الشعارات التي سيهتفون بها الليلة، فرأها أحد الشباب الثلاثة الذين صحبوهن. إبتسם وقال لها:

- كل دي شعارات حتهدفي فيها ومن غير فطار؟

ابتسمت فقال من جديد:

- نمكّن عنك انتي. أنا صحتي كويسة ومتعود على الجوع.  
ضحكتوا جميعاً. قدمت له الورقة وعيناها لا تترقبان عن النظر إليه.  
لكنه قال:

- أنا بسرعة حاشتري لكم ست علب كشري. أية. علشان نستحمل  
الضرب. مش معقول كمان ننضرب واحنا جعانيين.  
وارتفعت من جديد ضحكتاهم في الفضاء.



**النهاية**

ظللت لعدة أيام أفكرا في الحكاية الأخيرة. تمنيت أن يكون رمضان تسعة وعشرين يوما، لأنه بدا لي أني لن أجده حكاية أكتبها. نزلت إلى الشوارع ساعة الإفطار ومشيت فيها. كان الناس يعطونني أكياسا من العصائر وأنا اعتذر مبتسمأ وأظل أمشي علىي أجده شيئا يثيرني. للحظة فكرت إنه لم تعد بي قدرة على التأثر بما حولي. جفت الينابيع فيما يبدوا. في هذه الحالة ابتعد عن الكتابة. يطول الوقت أو يقصر حتى تختلي روحي بجديد. حسدت كتاب المقالات. في كل يوم جديد حوادث وأحداث. مسرّات وآلام. ثورة تملأ الأرض والفضاء حوصلهم بالوقائع إلى حد الجنون. قررت أن أكتفي. يعتذر الكاتب عن الحكاية الأخيرة ويتركها لكم. مانشيت جديد. وحبدا لو تركت الصحيفة الصفحة خالية من الكلام، ورسم الفنان سحابة بيضاء حولها فراغ كبير. وهكذا رحت استعد للإفطار. إلا أن جرس الباب دق. من ياتري يأتي ولم يعد أمام مدحع الإفطار غير عشر دقائق. فتحت لأجد الباب أمامي. بدا لي مضطربا أحمر وجهه الأبيض.

– فيه ناس كتير أوي عايزين يطلعوا لحضرتك.

قلت مبتسمأ:

– يعني أيه؟

– إنزل لهم يا سعادة البيه ما تخليهمش يطلعوا هنا. رجاله وستات. شبان وبنات. فيهم عواجيز كمان. أشكال غريبة ياباشا. دا فيهم ولاد

لابسين البنطلونات بتابعة زمان دي اللي كان اسمها شارلسون. وبنات لا بسة قصیر خالص. وبوليس كمان وعساكر جيش.

صحكت. قلت له:

– انت الجبنت ولا حاجة؟

قال في يأس:

– ياباشا بص من البلكونة وانت تشف.

ذهبت إلى البلكونة ونظرت فلم أجد أحداً بالشارع. كان هو يقف جواري.

– والله ياباشا كانوا هنا. أنا اتكلمت معاهم بنفسي.

ابتسمت وقلت:

– طيب انزل انت. حصل خير. النهاردة آخر يوم في رمضان. أكيد دماغك ضربت.

كاد يحلف فأشرت له بالسكتوت. خرج من الشقة وأغلقت الباب مبتسمًا. تلتفت لأجد عدداً كبيراً من الناس يجلسون ويقفون في الصالة. احتلوا المقاعد كلها وراحوا ينظرون إلى نظرات جامدة لا تتحرك فيها عيونهم. بسم الله الرحمن الرحيم. قلت لنفسي. قال أحدهم. أكبرهم سننا:

– نسيتني يا استاذ. أنا برعى اللي كان عامل كشك سجاير علي ترعة محمودية. انت لستة فاكر حكاية رباعيات الخيام. أنا مت من زمان. والله يكرملك خليت الناس كلها تعرفني.

وقفت غير قادر على الكلام. تقدم آخر مني وقال:

– لا يمكن أن تكون نسيتني مرة ثانية. أنا زكرياء أحمد ظابط أمن

الدولة اللي قلت عليه غلبان. أنا كمان مت. بس ميته ربنا. ياريت كان حد قتلني بدري. لكن ربنا اداني العمر علشان اتعذب. علي أي حال أشكرك إنك كتبت عنِّي.

صرخت فيهم:

- انت مين؟

انطلقوا يضحكون. قالوا في صوت واحد:

- إحنا ابطال الحكايات اللي انت كتبتها. يزعلك إننا نشوفك ونعزمك علي فطار كمان.

لم أرد. رحت اتفرس في وجوههم أبحث عنمن أعرفهم شخصياً وقابلتهم في حياتي وهم الأكثر، وعمن خلقهم من مخيلتي. لم أستطع. قالوا من جديد في صوت واحد:

- ممكن نفتر معاك هنا بس أكيد ما عندكش أكل يكفينا. فاضل دققة علي المدفع. افضل معانا علشان نلحق. حتفطر وترجع علي طول. نرد لك الجميل.

أخذوني بينهم. أحاطوني وابتسمت لي النساء والفتيات علي قلتهم. وقبل أن أتكلم وجدت نفسي معهم وسط غوطة كبيرة كلها أشجار فاكهة.

- أنا فين؟

قلت لنفسي بصوت خفيض.

- في الجنة.

كانوا لا يزالون حولي. لكنهم صاروا عراة إلا من ورقة توت تستر كلّا منهم. والنساء أيضاً كن كذلك. ليتني كتبت عن نساء كثيرات

وفيتات أكثر. من يكره أن يرى هنودا صغيرة وسط هذه الجنة حقا! وعلى الأرض امتد بساط من سندس وفوقه أطعمة وفاكهه وحمر. جلسوا جميعا وجلست بينهم فرأيت نفسي عاريا مثلهم إلا من ورقة التوت. لكن الذي أدهشني أنا جميعا صرنا في عمر الشباب. أكلنا حتى شبعنا وقالوا معا.

– ما رأيك. تظل معنا أم تعود إلى البيت؟

قبل أن اتكلم وقفت ثلاث فتيات ورحن يصبن لنا الخمر في كؤوس من عقيق. رحت أنظر إلى عيني التي تصب لي، وهي ابتسمت وراحت تنظر إلى حقي امتلا الكأس دون ان تدري، وانسكب على يدي وعلى البساط. انتبهت وانصرفت. قمت وراءها. نسيت الجميع وهي راحت تتقدم في الأدغال حتى إذا لحقت بها قالت لي:

– من هنا طريق العودة.

قلت شاردا:

– أنا لا أذكر من أين جئت. ولا إلى أي مكان أعود.

قالت:

– أنا أعرف.

– هل ستتأتين معي؟

– إذا أردت. أنت الذي جعلتني أموت، وأنت الذي تستطيع أن تعيدني إلى الحياة.

ارتبت. وكانت جيالة بشكل لا يتحمل. قلت لها:

– هل يمكن لي البقاء معكم؟

قالت:

- إذا أردت.
- نعود إليهم وأفكر ماذا أفعل.
- عذنا إليهم. وجدتهم علي حالة من النشوة والسعادة لا يمكن تخيلها.
- ترتفع ضحکاتهم تماماً الفضاء.
- قال أحدهم:
- يمكن أن تبقي معنا لكن لن تجد شيئاً تكتبه. كل الناس هنا سعداء.
- وقفت أفكر ثم قلت:
- هل كل من أكتب عنهم يأتون الي هنا؟
- طبعاً.
- هل يضايقكم أن يأتي إليكم آخرون؟
- لا. حتى الأشرار يصيّبون أخيراً هنا.
- إذن دعوني أعود.
- ستضجّب أجمل من كتبت عنهم. تلك التي أبكّت حكاية موتها وفراقها لزوجها وأولادها كل من قرأها.
- صحبتي الفتاة التي كانت معي في الأدغال. جرت فجرت معها. ما إن دخلنا إلى الغابة حتى انتهت ووجدت نفسي في بيتي وهي معي وكل منا في كامل ملابسه. قالت في تصميم:
- لن أعود إلى هناك. أريد أن أري زوجي وولدي. أنت الذي جعلت المرض يأخذني مبكراً. أنا أحب زوجي ولا أنساه. وكما أني دائماً معه هو أيضاً دائماً معي. وهو لا يزال يتالم وأخشى أن يلحق بي. أجل. لابد أن أذهب إليه.

قلت في حيرة:

- صدقيني أنا لا أعرف زوجك ولا مكانه.
- أنت الذي ألفت الحكاية كلها، وأنت هكذا تعرف أين أجده.
- وقفت مندهشاً ورأيت دمعة على خدها.
- لماذا حقاً لم تتركني معه. أرجوك اجمع بيننا من جديد.
- لم أجد لدى طاقة على الكلام. أخذتها من يدها ورحت أمشي بها بين شوارع المدينة أبحث عن بيت لا أعرفه. وأعرف أنه لن تعود إلى القدرة للعودة إلى بيتي إلا إذا عادت إلى القدرة على التأليف فأنفي الحكاية.

أنتهت الحكايات

كتبت العام الماضي

٢٠١١ م

## للمؤلف

### أوّلُهُ : الروايات ..

١ - في كل أسبوع يوم جمعة

الدار المصرية اللبنانية الطبعة الثالثة ٢٠١٠

الدار المصرية اللبنانية الطبعة الرابعة ٢٠١١

٢ - شهد القلعة

دار الشروق الطبعة الثانية ٢٠٠٥

٣ - عتبات البهجة

دار الآداب ٢٠٠٣

٤ - بُرج العذراء

دار الهلال طبعة أولى ٢٠٠٠

٥ - طيور العنبر

دار الشروق طبعة ثالثة ٢٠٠٩

٦ - لا أحد ينام في الأسكندرية دار الهلال طبعة أولى ١٩٩٦

دار الشروق طبعة تاسعة ٢٠٠٩

٧ - قناديل البحر

دار سعاد الصباح الطبعة الأولى ١٩٩٢

دار الشروق الطبعة الرابعة ٢٠٠٦

- ٨ - البلدة الأخرى      دار رياض الريس الطبعة الأولى ١٩٩٠
- دار الشروق الطبعة الخامسة ٢٠٠٧
- ٩ - بيت الياسمين      دار الفكر العربي الطبعة الأولى ١٩٩٦
- الطبعة الخامسة دار الشروق ٢٠٠٦
- ١٠ - الصياد واليمام      مجلة الكرمل عدّـ ١١
- دار المستقبل الطبعة الأولى ١٩٩٥
- دار لشروع الطبعة السابعة ٢٠٠٦
- ١١ - المسافات      دار المستقبل العربي ١٩٨٣
- دار الشروق الطبعة السادسة ٢٠٠٦
- ١٢ - ليلة العشق والدم      مطبوعات القاهرة - الطبعة الأولى ١٩٨٢
- دار الشروق الطبعة الرابعة ٢٠٠٦
- ١٣ - في الصيف السابع والستين      دار الثقافة الجديدة الطبعة الأولى ١٩٧٩
- دار الشروق الطبعة الثالثة ٢٠٠٨

### ثانياً : القصص القصيرة ..

- مشاهد صغيرة حول سور كبير وزارة الثقافة السورية ١٩٨٢
- هيئة الكتاب ١٩٩٤

٢- الشجرة والعصافير مختارات فصول هيئة الكتاب ١٩٨٥

مكتبة الأسرة ١٩٧٥

٣- إغلاق النوافذ

هيئة الكتاب - مختارات فصول ١٩٩٢

٤- فضاءات

مختارات سلسلة أصوات أدبية - الثقافة

الجماهيرية ١٩٩٢

مكتبة الأسرة ٢٠٠٣

٥- سفن قدمة

دار ميريت للنشر ٢٠٠١

مكتبة الأسرة ٢٠٠٢

٦- ليلة انجيلا مختارات

مكتبة الأسرة ٢٠٠٣

«القصص القصيرة كلها الآن في كتاب واحد بعنوان (أشجار السراب)  
بدار الشروق»

**ثالثاً: كتب متنوعة ..**

١- مذكرات عبد أمير كي

- ترجمة عن الانجليزية . تأليف فريديريك دوجلاس . دار الشروق

٢٠٠٧

٢٤ - ساعة قبل الحرب مسرحية - المجلس الاعلى للثقافة ٢٠٠١

٣ - اين تذهب طيور المحيط.. أدب رحلات

٢٠٠٩ - مكتبة الاسرة

٤ - غواية الاسكندرية ٢٠٠٥ - مكتبة الاسرة

٥ - ما وراء الحراب ٢٠٠٨ - كتاب اهلال

٦ - السبت فات والحد فات ٢٠١٠ - بيت الياسمين

٧ - لكل أرض ميلاد .. (أيام التحرير) دار أخبار اليوم ٢٠١١

#### رابعاً : الترجمات إلى لغات أجنبية ..

١-البلدة الأخرى.

- إلى الفرنسية - دار آكت سود ١٩٩٤ - ترجمة كاترين تسييه توamas.

- إلى الانجليزية ١٩٩٧ قسم النشر بالجامعة الأمريكية -ترجمة فاروق عبد الوهاب.

- إلى الألمانية - دار ارابش بوك -ترجمة مني النجار.

٢- لا أحد ينام في الأسكندرية

- إلى الفرنسية - ٢٠٠١ - دار ديسكليه دي بروير - ترجمة سهير فهمي.

- إلى الانجليزية - قسم النشر بالجامعة الأمريكية ١٩٩٩ -ترجمة فاروق عبد الوهاب .

٣- بيت الياسمين

- إلى الفرنسية - دار آكت سود - ترجمة نشوي الأزهري.
- إلى الإيطالية ٢٠٠٦ - دار نشر جوفينس - ترجمة فرانسيسكو دي الجليس .
- إلى الأنجلizية ترجمة د. نها رضوان عن دار نشر «Interlink World Fiction»

٤- طيور العنبر .

- إلى الإنجلizية ٢٠٠٦ قسم النشر بالجامعة الأمريكية ترجمة فاروق عبد الوهاب

٥- المسافات

- إلى الإنجلizية ٢٠٠٦ - جامعة سيراكيوز - ترجمة حسام ابو العلا
- عبات البهجة

- إلى الفرنسية - دار نشر فولي دونكر - ترجمة هدي فور كاد
- إلى اليونانية ترجمة بيرسا باموك

**الجوائز :**

- ١- جائزة نجيب محفوظ من الجامعة الأمريكية ١٩٩٦
- ٢- جائزة الدولة للتفوق في الاداب ٢٠٠٤
- ٣- جائزة الدولة التقديرية في الاداب ٢٠٠٨
- ٤- جائزة ساويرس للرواية لكتاب الكتاب.

.. عن رواية في كل أسبوع يوم الجمعة ٢٠١١

**الموقع الإلكتروني :** [www.shorouk.com/abdelmeguid](http://www.shorouk.com/abdelmeguid)

**الإيميل :** [Ibrahimabdelmeguid@hotmail.com](mailto:Ibrahimabdelmeguid@hotmail.com)

**twitter :** [@ibmeguid](https://twitter.com/@ibmeguid)

**Facebook:** [ibrahimabdelmeguid](https://www.facebook.com/ibrahimabdelmeguid)

# محتويات الكتاب

٥	رسائل من الجنة
١١	يا عالم الأسرار
١٧	مائدة الرحمن
٢٣	مائدة من هواء
٢٩	شفشق وأبريق
٣٥	رجل امن الدولة الغلبان
٤١	رائحة الحشيش
٤٧	معه دائمًا
٥٣	العسل
٥٩	تامر يؤذن
٦٥	بلاش تسافر
٧١	دكان هوا
٧٧	سمك وجحري
٨٣	رسائل العشاق

٨٩	شارع الملك
٩٥	ضيوف غير عاديين
١٠١	صومكم مقبول
١٠٧	فكر بغيرك ..
١١٣	فاطر رمضان
١١٩	على الطريق
١٢٥	ماشيـت ..
١٣٣	من زمن الحب والحرب ..
١٣٩	مع مراعاة فروق التوقيت !!
١٤٥	أين الرئيس ..
١٥١	شيزوفرينيا ولكن !! ..
١٥٧	صورة الديكتاتور ..
١٦٣	سيـك منه خـلـيـك في حـالـك !! ..
١٦٩	تحـيا الشـيـوعـيـة !! ..
١٧٥	إفـطـارـ في مـيدـانـ التـحرـير ..
١٨١	النـهاـية ..
١٨٨	للـمـؤـلف ..



ساعة الإفطار ليست مثل غيرها. هي ساعة يصغى فيها الكون  
والناس لكتابها أيضاً ساعة لا تنسى؛ فإذا حدث فيها شيء غير مألوف  
يأخذ القلوب والأرواح إلى أعلى درجات الدهشة والمحاقة. لا  
الحب فيها مثل غيره، ولا الضحك، ولا الحزن، ولا اللقاء، ولا  
الفارق.

هذه حكايات يرويها الكاتب الكبير إبراهيم عبد المجيد لن ينساها  
القارئ في ساعة يصل فيها اليوم إلى ذروته.

\*\*\*

إبراهيم عبد المجيد كاتب وروائي له العديد من الأعمال الأدبية  
والفكرية. ترجمت أعماله لكثير من اللغات، وحاز على جوائز  
عديدة.

ومن أشهر هذه الأعمال لا أحد ينام في الأسكندرية، طيور العنبر،  
البلدة الأخرى، بيت الياسمين، من الذي يصنع الأزمات في مصر،  
 أيام التحرير، وغيرها..

هنا ثلاثة حكاية بعد أيام الشهر الكريم.. يستخدم فيها  
الكاتب لغة الحكى البسيطة التي تليق بالحكاية كفن وطريقة في حياة  
الشعوب.

